







# প্রিয়বালা ।

( গাইস্ব্য উপন্যাস । )

শ্রীশরচ্চন্দ্র দাস-প্রণীত ।

Author—a venerable name !  
few deserve it, how many it claim."

কলিকাতা—৬১ নং আহিরীটোলা ষ্ট্রীট,

শ্রীজ্ঞানকীনাথ দে কর্তৃক  
প্রকাশিত ।

CALCUTTA :

PRINTED BY HARI DAS GHOSH, AT THE  
CHAITANYA PRESS.

No. 111, 1 Upper Chitpore Road.

1895.

[ মূল্য ১/- এক টাকা ।



## ভ্রম সংশোধন ।

৩১ পৃষ্ঠা হইতে ৩৫ পৃষ্ঠা পর্য্যন্ত স্থানে স্থানে যে প্রিয়বানার নাম উল্লেখ করা হইয়াছে, তাহার পরিবর্তে ভূষণা প করিবেন।

ধর্মধন

বিশুদ্ধ হৃদয়—উদার চরিত

শ্রীযুক্ত বাবু বৈষ্ণবচরণ বসাকু

মহোদয়ের

পবিত্র করকমলে

সপ্রণয়—ভক্তির উপহার স্বরূপ

এই

ক্ষুদ্র “প্রিয়বালা” খানি

উপহার

প্রদত্ত হইল।



# প্রিয়বালা ।

—o—o—o—



প্রথম পরিচ্ছেদ ।

শুভ-সংবাদ ।

“So let us welcome peaceful evening in”

Cowper.

কৃষ্ণপক্ষের তৃতীয় । সন্ধ্যা উত্তীর্ণ হইয়াছে । পশুপক্ষীগণ সকলেই নিস্তরঙ্গ । শশধর আলোহিত বর্ণে অগ্নে অগ্নে গগনমণ্ডলে সমুদিত হইতেছেন । আকাশের ছায়ায় অন্তরাল হইতে প্রেমচোর সুধাকর তৎকালীন ক্ষীণকলার ধীরে ধীরে কুমুদিনীর প্রতি কটাক্ষ বিস্তার করিতেছেন । কারণ অভাবে এ জগতে কোন কার্য হয় না । নিশানাথেরও এই গোপন কটাক্ষের কারণ আছে । ‘দক্ষ-হুহিতাগণ ঐধাপরায়ণা হইয়া চন্দ্রোদয়ের পূর্ব হইতেই তাকাশ-পথে আলোকমালা সজ্জিত করিয়’, যেন দক্ষ লক্ষ তুষিতলোচনে স্বামীদর্শনলালসায় উৎকণ্ঠিত হইয়া রহিয়াছে । রূপসী-প্রাণস্বিনী-মণ্ডলীর আদর উপেক্ষা করিয়া কুমুদিনী-নায়ক এই সুদূরব্যতী

সরসী-সলিলে কি করিয়া তাঁহার প্রেমের পাত্রীকে অমুরাগ দেখাইবেন, আর তারাগণই বা শশাঙ্কের এরূপ ব্যবহার কিরূপে সহ্য করিবে, এই ভাবিয়াই বুঝি আমাদের চন্দ্রদেবের এই গোপন প্রণয়। খদ্যোতিকাগণ এতক্ষণ নক্ষত্রমালাকে উপহাস করিয়া কুঞ্জবাটিকায় তরুলতাগণকে হীরক-ভূষণ পরাইয়া অন্ধকার জগতে দীপ্তিবিকাশ করিতেছিল, এখন নিশানাথের উদয়ে নিশ্চিন্ত হইয়া লুকাইয়া রহিয়াছে। ঘুরে কোন কোণের অন্তরালে এক একটা খদ্যোত টিপ্ টিপ্ করিয়া জলিতেছে, কখন নিবিত্তেছে ; যেন ভয়ে ভয়ে দেখিতেছে শশধর আর কতক্ষণ আছেন। সহস্রের সমীপে আপন নিকটস্থ করিতে কুড়াশব্দকে একেবারে স্তব্ধ হইতে হয়। দেখিতে দেখিতে আকাশ জ্যোৎস্নাময় হইল। ধরণী শুভ্র রজত-বাস পরিধান করিল। চন্দ্রকিরণ মাখিয়া, ঐ দেখ প্রণয়ীযুগল প্রাসাদের উপরিভাগে পরস্পর পরস্পরকে আলিঙ্গন করিতেছে। কোথাও কোন কুঞ্জমাঝে হুইটী ছদ্ম একত্রিত হইতেছে ; হরন্ত শশধর আর থাকিতে পারিবেন না, বন্ধের অন্তরাল হইতে তাহাদের সঙ্গেও একটু সিকতা করিয়া গইলেন। চন্দ্রকিরণ সেই লাজমাথা মুখখানির উপর পড়িয়া কি অপূর্ণ শোভাই ধারণ করিল। প্রণয়ীও সাদরে সেই প্রেফুর কপোলে প্রণয়চিহ্নরূপ একটি চুসন করিল।

সকলেই কি এ জগতে ঐ কিরণরাশি দেখিয়া হাসিল? কাঁদিবার কি কেহই ছিল না?—অবশ্যই ছিল। ঐ প্রেমপূর্ণ জ্যোৎস্না দেখিয়া কি প্রবাসীর হৃদয় হইতে বিদুমাত্র অশ্রুপাত হইল না? তাহার মনে কি কোনরূপ অভাবই উচ্ছ্বসিত হইল না? পশুপুত্র বিরহানল কি জলিয়া উঠিল না? প্রবাসী জুতাই কি অপরাধ করিয়াছে যে ঐ সুনীল গগনে বসিয়া—

ওরূপ সুন্দর জ্যোৎস্না ছড়াইয়া শশধর বিরহীকে এত যাতনা দিতেছেন ! ঐ সময়ে প্রবাসীর পার্শ্বদেশে বসি সেই জ্যোৎস্নাময়ী কুমুম-সুকুমার-মুর্তি বিরাজিত থাকিত, তাহা হইলে সে আজ আপনাকে কত সুখী মনে করিত । কুমুদিনী হাসিল—হাসিয়া হাসিয়া আনন্দসলিলে—উল্লাসে উল্লাসে সরসী-সলিলে ভাসিয়া উঠিল । মন্দ মন্দ সমীরণ প্রবাহিত হইতেছে, কুমুদিনী তুলিতেছে । তরুণধরে পত্রাবলী কাঁপিতেছে, সজ্জাবীলা লতিকাগণ ধীরে ধীরে হস্ত সঞ্চালন করিতেছে । সরসৌগর্ভে চল্লমার সুস্নিগ্ধ জ্যোৎস্না পড়িয়াছে, হিল্লোলে হিল্লোলে—তরঙ্গে তরঙ্গে চাঁদ শত শত হীরকখণ্ডের ন্যায় জলিতেছে ; বোধ হইতেছে যেন, জলকেলি মানসে তারকাসতীর চাঁদকে সঙ্গে করিয়া আকাশের সহিত পৃথিবীর জলতলে অবতরণ করিয়াছেন ।

প্রকৃতি নিস্তব্ধ । মধ্যে মধ্যে কিল্লীগণের ঝি ঝি রব ব্যতীত আর কিছুই শ্রুতিগোচর হয় না । পাঠক ! এই নীরব নিশীথে, ঐ অদূরবর্তী চম্পাপুরী নাম্নী ক্ষুদ্র পল্লীতে চলুন । ঐ দেখুন, পল্লীমধ্যে একখানি কুটীরে জনৈক দরিদ্র বৃদ্ধ ব্রাহ্মণ-দম্পতি সাংসারিক কথাবার্তায় বাস্ত আছেন । বৃদ্ধের একমাত্র সন্তান হরেন্দ্রকুমার কলিকাতায় কর্ম করেন । মাসিক আয় পঁচিশ টাকা মাত্র । সেই অল্প পরিমিত টাকা হইতে আপনার বীসখণ্ড চালাইয়া কোন মাসে আঠার, কোন মাসে পোনের, কোন মাসে বা কুড়িটা করিয়া টাকাও বাটীতে পাঠাইয়া দিতেন । বৃদ্ধ অতি কষ্টে তদ্বারা নিজের ও তাঁহার সহধর্মিণীকৃত্তরপোষণ করিয়া করিতেন ।

অনেকদিন হরেন্দ্রকুমারের কোন সংবাদ না পাওয়াতে বৃদ্ধদম্পতি অত্যন্ত বিমর্ষভাব পূত্রসম্বন্ধেই নানাপ্রকার

কথাবার্তা কহিতেছিলেন। এমন সময় “বামুনদিদি—বামুনদিদি” বলিয়া বাহিরের দ্বারে কে আঘাত করিল। কর্তৃ-স্বর ব্রাহ্মণীর পরিচিত, সুতরাং কালবিলম্ব না করিয়া তিনি তৎক্ষণাৎ দ্বার খুলিয়া দিলেন। আগন্তুক ব্রাহ্মণীকে দেখিতে পাইয়া বলিল, “বামুনদিদি! এই তোমার ছেলের চিঠি নাও, আমাদের বাবু আজ বাড়ীতে এসেছেন, তাঁরই হাতে তোমার হরেন এই চিঠিখানি পাঠায়েছেন। দিদি! আমি এখন আসি!”

স্বামীর সম্ভাষণে ব্রাহ্মণী কহিলেন, “যদি এসেছ, তবে ছুদও বসো; অনেক দিন ত আর এদিকে আ’স নি।

আগন্তুক কহিল, “আমার কি ছাই নড়বার অবকাশ আছে? যে গিল্লী, একবার যদি বাড়ী থেকে বেরুই, তবেই দম্কেটে মরে যান; আমরা চাকরানী বই ত নয়। দিদি! আমাদের যে দিকে ফেরাবে, সেই দিকেই ফিরতে হবে, এখন তবে আসি দিদি!”

ব্রাহ্মণী তথাপি বলিলেন, “যদি বেশীক্ষণ বসতে না পার, তবে একবার বাড়ীর ভিতরে এসো। হরেনের সংবাদ এসেছে শুনে কর্তা কতই খুসী হবেন। দেখ, পাঁচজনকে দিয়ে খুয়ে খেতে কত সুখ, ভগবান এমন দিন ত দেন নি, তা কি করবো বোন! গোটাকত নাড় আছে, খেয়ে যাও।”

আত্মাদের সহিত আগন্তুক বলিয়া উঠিল, “তা দাও দিদি, অনেকদিন তোমাদের নীড় খাই নি।”

ব্রাহ্মণী আগন্তুককে লইয়া বাড়ীর ভিতরে প্রবেশ করিলেন এবং শশরাস্ত্রে কর্তাকে বলিলেন, “ওগো, এই হরেনের পত্র নাও, মঙ্গল এখানি এনেছে। আজ ওদের বাবু কলিকাতা হ’তে এসেছেন, তিনি এইখানি ওর হাত দিয়ে আমাদের বাড়ীতে পাঠিয়ে দিয়েছেন।” কর্তামহাশয় এতক্ষণ হরেনের জন্মই চিন্তাষিত ছিলেন।

তিনি সহধর্মিণীর হস্ত হইতে পত্রখানি লইয়া, আবরণ উন্মোচন করতঃ নিবিষ্টচিত্তে ক্ষণকাল পাঠ পূর্বক ব্রাহ্মণীকে আদ্যক্ষান করিলেন। ব্রাহ্মণী তখন অন্তঃগৃহে ছিলেন। স্বামীর হস্তে পুত্রের পত্র সমর্পণ করিয়া তিনি আপন কক্ষে আসিয়া মঙ্গলাকে কতকগুলি নাড়ু খাইতে দিলেন। মঙ্গলা আহাৰ করিতে লাগিল, গৃহিণী তাহার নিকট বসিয়া নানাপ্রকার গল্প করিতেছিলেন। এমন সময় কর্তার কণ্ঠস্বর শুনিয়া তিনি তৎক্ষণাৎ তাহার নিকট আগমন করিলেন। কর্তা বলিলেন, “ব্রাহ্মণি! হরেন্দ্রের মাহিনা বাড়িয়াছে, ঈশ্বর এতদিনের পর আমাদের প্রতি মুখ তুলিয়া চাহিলেন। হরেন্দ্র লিখিয়াছে যে, এবৎসর সে চল্লিশ টাকা করিয়া পাইবে, এবং আর পাঁচ বৎসরের মধ্যেই তাহার বেতন বাইট টাকা হইবার সম্ভব।” পুতিমুখে এই সুসংবাদ শ্রবণ করিয়া গৃহিণী আনন্দে পুলকিত হইয়া বলিলেন, “হাঁগা, বাইট টাকা সে কত?”

বৃদ্ধ তখন হাসিতে হাসিতে বলিলেন, “আরে পনের গুণা,— বলি—এখন বুঝেছ।”

ব্রাহ্মণী তখন গদগদস্বরে বলিলেন, “তবে এমার সেই টুকটুকে মেয়েটিকে আমি বউ কোরুই কোরব। হরেন্দ্র আমার শত্রুর মুখে ছাই দিয়ে এই পঁচিশ বৎসরে পা দিয়েছে। আর আমি কবে আছি—কবে নাই, এই বেলা হরেন্দ্রের বিয়ে দিয়ে নৌমার মুখ দর্শন কোরব।—হাঁগা, তুমি কি বল?”

ব্রাহ্মণ এই কথা শুনিয়া বলিলেন, “সে ত সুপ্তের কথা। আচ্ছা হরেন্দ্র আশুক, তাহার যা' ইচ্ছা, তাহাই হ'বে। ছেলের বয়স হইয়াছে, এখন কি আর তার অমতে কোন কার্য করা ভাল দেখায়।” ব্রাহ্মণী বাক্যব্যয় না করিয়া নিঃশব্দে গমন করিলেন।



## প্রিয়বালা।

ব্রাহ্মণদম্পতির ক্ষুদ্র কুটীরে এইরূপ আনন্দস্রোত বহিতেছে, ইত্যবসরে প্রকৃতির নৈশ নিশ্চিন্ততা ভঙ্গ করিয়া অদূরে শঙ্খধ্বনি সমুথিত হইল। তখন রাত্রি এক প্রহর উত্তীর্ণ হইয়াছে, ক্ষুদ্র গল্পীতে প্রায় সকলেই আহারাদি করিয়া নিদ্রা ঘাইবার উপক্রম করিতেছে। বাহিরে মন্দ মন্দ সুশীতল সমীরণ নানাবিধ পুষ্পদোরভে আমোদিত হইয়া কখন তালবৃক্ষের, কখন আম-বৃক্ষের, কখনও বা কোন অতুলিত নারিকেল বৃক্ষের পত্র সকল আন্দোলিত করিতেছে।

কিয়ৎক্ষণ পরে আবার শঙ্খবাজিয়া উঠিল। নীড়স্থ সুপ্ত পক্ষি-গণের কর্ণে সে শব্দ প্রবেশ করিল। তাহারা সেই শঙ্খধ্বনি শ্রবণ করিয়া, বিপদাশঙ্কায় কলরব করিয়া উঠিল। ছদ্মপোষা বালকেরা মাতার নিকট শয়ন করিয়া স্নানোৎসব উৎপাত করিতেছিল, সেই ধ্বনি তাহাদের কর্ণে প্রবেশ করিতে তাহারা মাতার নিকট আসিয়া জোড়ে মুখ লুকাইল। ক্রমে উপর্যুপরি শঙ্খধ্বনি চারিদিক প্রতিধ্বনিত করতঃ গল্পীর সকলকেই বাস্তব করিয়া তুলিল।

আশ্রয়ী মনে মনে ভাবিত কি ভাবিতেছিলেন। পুত্রের বেতন বৃদ্ধি হইল। এইবার তাহার বিবাহ দিয়া—বধূ লইয়া সুখে সংসারধাত্রা নির্বাহ করবেন। আর তাঁহাকে অধিক পরিশ্রম করিয়া দিনযাপন করিতে হইবে না। সহসা শঙ্খধ্বনি তাঁহারও কর্ণে প্রবেশ করিল। মঙ্গলা দাসী নাড়ু খাইতেছিল, আর এক একবার ব্রাহ্মণীর সুখ্যাতি করিতেছিল। ব্রাহ্মণী সে কথায় কর্ণপাতও করিতেছিলেন না, কেবল অন্তমনস্ক এক একবার “হু” দিয়া ঘাইতেছেন। শঙ্খধ্বনি শুনিয়া তাঁহার চমকু ভাঙ্গিল। তিনি মঙ্গলাকে জিজ্ঞাসা করিলেন, “মঙ্গলা! এত হঠাৎ শঙ্খ বাজে কোথায়?”

## প্রথম পরিচ্ছেদ

মঙ্গলা বলিল, “ওগো! বোধ হয়, মিত্রিরদের গিন্নির ছেলে হয়েছে। আমি যখন এখানে আসছিলাম, তখন তাদের বিয়ের সঙ্গে আমার দেখা হয়, সে বলে যে, তাদের বড়গিন্নীর ব্যথা হয়েছে।”

আনন্দ সহকারে ব্রাহ্মণী বলিয়া উঠিলেন, “আহা! তা বেশ বেশ। ওর তেমন সোণারচাঁদ ছেলে মারা যা'বার পর আর যে ছেলে হবে, এমন আশাই ছিল না। আহা! জগদীশ্বর মুখ তুলে চেয়েছেন। বেঁচে থাকুক, লোকের যেন ভালই হয়। হাঁ মঙ্গলা! ওদের মেজো বউয়ের কটি ছেলে?”

“একটি ছেলে, আর একটি মেয়ে।”

“আর ছোট বউয়ের?”

“তঁার এই সেদিন একটি ছেলে হয়েছে।” এইরূপ কথোপকথন করিতে করিতে মঙ্গলার জ্ঞানযোগও শেষ হইল। সে বলিল, “রাত হলো দিদি, এইবার তবে আসি।”

ব্রাহ্মণী বলিলেন, “এস বোন! মাকো মাকো যদি এক একবার আমাদের বাড়ীতে এস, তা'হলে কত খবর শুনতে পাই।”

এই বলিয়া ঠাকুরাণী, মঙ্গলাসমভিব্যাহারে দুটীরের বহির্ভাগে উপনীত হইলেন। পরে তাহাকে বিদায় দিয়া বাহ্যিক অর্গনবন্ধ করতঃ পতির চরণসেবার নিযুক্ত হইলেন। অল্পক্ষণ মধ্যেই স্বামী নিদ্রিত হইলে, পতিপ্রসাদ ভোজন করিয়া, মাঝে পতির চরণতলেই শয়ন করিলেন। পতিসেবা ঐভিন্নসভার এ সংসারে আর কি কর্তব্য থাকিতে পারে?

## দ্বিতীয় পরিচ্ছেদ ।



পরিচয় ।

“ All the world's a stage.

And 'all the men and women merely player,

They have their exits and their entrances.”

Shakspeare.

এই গ্রামেই প্রবোধচন্দ্র মিত্র নামে একজন ধনবান কারুকের বাস ছিল। তাঁহার গ্রামে খ্যাতনামা ও বিলক্ষণ প্রতিপত্তিশালী। ইহারা তিন সহোদর। তন্মধ্যে প্রবোধ বাবুই জ্যেষ্ঠ। মধ্যম নীরদচন্দ্র, এবং কনিষ্ঠের নাম অতুলকৃষ্ণ। এতদ্ভিন্ন হরশ্রুঙ্গরী নামে প্রবোধবাবুর একটা সহোদরাও ছিল। প্রবোধবাবু কলিকাতার কোন সম্ভ্রান্ত বণিকসম্প্রদায়ের জটনৈক প্রধান কর্মচারী ছিলেন। মাসিক প্রায় সহস্রাধিক টাকা উপার্জন করিতেন। সম্প্রতি অবকাশ লইয়া গৃহে আছেন। মধ্যম নীরদচন্দ্র একজন ডাক্তার, নিজ গ্রামেই তাঁহার চিকিৎসালয়।

অজদিনের মধ্যেই নিম্নদ বাবু বিলক্ষণ পসার করিয়াছেন ;—  
আয়ও মন্দ নয়। কনিষ্ঠ অতুলকৃষ্ণ দিল্লীতে কোন সম্ভ্রান্ত মুসলমানের অধীনে কর্ম করেন। কর্মোপলক্ষে তাঁহাকে যেই স্থানেই সপরিবারে থাকিতে হয়। কনিষ্ঠ পুত্রের উপর মাতৃস্নেহের প্রবলতা স্বভাবতঃই দৃষ্ট হইয়া থাকে, সুতরাং তাঁহাদের জননী সর্বদা অতুলকৃষ্ণের নিকটেই থাকিতেন।

প্রবোধ বাবুর স্ত্রী বিমলা পূর্ণগর্ভা শুনিয়া তিনি সম্প্রতি চম্পাপুরীতে আসিয়াছেন।

প্রবোধ বাবুর বয়স যখন ১৫।১৬ বৎসর, তখন তাঁহার পিতার মৃত্যু হয়। তিনি একজন সদাশয় লোক ছিলেন, তাঁহার আয়ও যথেষ্ট ছিল। কিন্তু তিনি মিতব্যয়ী ছিলেন না, কাহারও অভাব দেখিলে, তৎক্ষণাৎ নিজ অর্থ তাহা পূরণ করিতেন। দানই চরম ধর্ম বলিয়া তাঁহার জ্ঞান ছিল; সুতরাং মৃত্যুকালে তাঁহার উত্তরাধিকারীগণের জন্য এক কপর্দকও রাখিয়া যাইতে পারেন নাই।

প্রবোধ বাবুর পিতার মৃত্যুর পর তাঁহার মাতা বিষম বিপদে পড়িলেন। নীরদ তখন দশ ও অতুল পাঁচ বৎসরে পদার্পণ করিয়াছে। কোনরূপে কর্তার শ্রাদ্ধাদি সমাপন হইল বটে, কিন্তু প্রবোধ বাবুর আর লেখাপড়া হইল না। এদের কতকগুলি সম্ভ্রান্ত লোক একখানি দরখাস্ত লিখাইয়া প্রবোধ বাবুর পিতা যেখানে কর্ম করিতেন, সেই স্থানে প্রবোধ বাবুকে পাঠাইয়া দিলেন। বনিক সম্প্রদায় তাঁহার পিতাকে যথেষ্ট শ্রদ্ধা করিতেন, সুতরাং তাঁহার মৃত্যুসংবাদ শ্রবণে হতবিশিত হইলেন, এবং অগ্রগ্রহ করিয়া প্রবোধকে পঞ্চাশ টাকা বেতনের একটা কর্মে নিযুক্ত করিয়া দিলেন। প্রবোধ বাবু সেই আয়ে কতিপয় মহোদয়গুলিকে লেখাপড়া শিখাইতে লাগিলেন। তাঁহার কার্যদক্ষতাওণে উত্তরোত্তর বেতনও বৃদ্ধি পাইতে লাগিল।

নীরদ ও অতুল অল্প বয়সে পিতৃহীন হইয়া দ্ব্যেষ্ঠ ভাতাকেই পিতৃত্বলা সম্মান করিতেন। প্রবোধ বাবুও পুত্রনির্দীপ্তিগেবে তাহাদের লালনপালন করিয়া আপনাকে চরিতার্থ জ্ঞান করিতে লাগিলেন। পিতা বর্তমানেই প্রবোধ বাবুর বিবাহ হইয়াছিল। অপর ভাতৃদ্বয়ের বিবাহ, পরে যথাসময়ে সম্পন্ন

হয়। কিছুদিন পরে প্রবোধ বাবুর একটি পুত্র সন্তানও হইয়াছিল। সকলেই শুনিয়া আত্মোদ্বিগ্ন হইলেন, উৎসবে যথেষ্ট ব্যয়ও হইল; কিন্তু বিধাতার কেমন বিচিত্র লীলা! পঞ্চম বর্ষে পদার্পণ করিতে না করিতেই সেই শিশু অকালে কালের কবলে পতিত হইল। তদবধি প্রবোধ বাবুর আর কোন পুত্রাদি হয় নাই। সম্প্রতি একটি পুত্র সন্তান জন্মিয়াছে, পাঠক-পূর্ব পরিচ্ছেদে তাহা অবগত হইয়াছেন। নীরদ-চন্দ্রের একপুত্র ও এক কন্যা। পুত্রের নাম সুরেশ, কন্যার নাম বোণমায়া। অতুলের কেবল একটি মাত্র পুত্র।

মাসিক সহস্রাধিক টাকা আয়, এরূপ লোকের সংখ্যা কলিকাতারূপ মহানগরীতেও বিরল। সুতরাং ক্ষুদ্র চম্পাপুরী গ্রামে মিত্রনহাশয়দিগের নাম, যশ ও প্রতিপত্তি যে যথেষ্ট হইবে, তাহা আর বিচিত্র কি? শৈতৃক সম্পত্তির মধ্যে প্রবোধ বাবুর এক প্রকাণ্ড ভদ্রাশন। তাহারও অনেক অংশ ভগ্নাবস্থায় পতিত ছিল। এতদ্ভিন্ন চারিটি উদ্যান। এই সকল উদ্যান হইতে তাহাদের অনেক আবশ্যকীয় দ্রব্যাদি উৎপন্ন হইত। উদ্যান চতুষ্টয়ের মধ্যে একটি বাটির অঙ্গুরের সহিত সংলগ্ন। ইহাই প্রবোধ বাবুর পিতার অত্যন্ত প্রিয় ছিল। তিনি স্বয়ং ইহার পর্য্যবেক্ষণ করিতেন। সম্প্রতি উপযুক্ত পুত্রের হস্তে ন্যস্ত হওয়াতে পূর্বাপেক্ষা আরও শ্রীবৃদ্ধি হইয়াছে।

## তৃতীয় পরিচ্ছেদ ।

—o—

পরামর্শ ।

“Too fairly— for so foul effect.” •

Shakspeare.

রাত্রি প্রায় শেষ হইয়াছে । চন্দ্রদেব নিশাবসানে কুটীর-প্রান্তে নিদ্রাভঙ্গিতা নিদ্রাবিহ্বলা কুলকামিনীগণের আলুলায়িত কেশ-কলাপ দর্শন করিয়াই যেন লজ্জাভিভূত হইয়া মলিন বেশ ধারণ করিলেন । ইত্যবসরে প্রবোধ বাবুর অন্তর-উদ্যানে একটি কোকিলের নিদ্রাভঙ্গ হইল । সে প্রকৃতির এই আকস্মিক পরিবর্তন দর্শন করিয়াই যেন জগৎ-মাতান “কুহু কুহু” রবে চীৎকার করিয়া উঠিল । নিকটবর্তী জটনৈক গৃহস্থের পুত্রবধূ প্রবাসী স্বামীর বিরহে সমস্ত রাত্রি নিদ্রা যায় নাই, নিশাশেষে তন্দ্রা আসিতে-ছিল মাত্র । কোকিলের পঞ্চমতান তাহার কর্ণহৃদয়ে প্রবেশ করিবামাত্র অশ্রুজলে তাহার উপাধান সিক্ত হইল । উদ্যানের বৃক্ষ নীরব—নিশ্চল । সহসা পুষ্পসৌরভভারে ভারাক্রান্ত সমীরণ একবার ধীর-পদে আগমন পূর্বক দেবদারু নারিকেল প্রভৃতি অত্যুচ্চ বৃক্ষগুলির সর্বোপরিভাগের পত্র সকল আলোলিত করিয়া আপন স্বভাবের পরিচয় প্রদান করিল । সঙ্গে সঙ্গে বাগানের বৃক্ষচূত শুষ্ক পত্রের মর্ম্মর শব্দ শ্রুত হইল । বাতাস ধামিল, শব্দও আর কর্ণগোচর হইল না । প্রকৃতি স্বাভাব্য নিবৃত্তা হইল ।

কিয়ৎক্ষণ পরে আবার শুক পত্রের মর্ম্মর শব্দ শ্রুতিগোচর হইল। কিন্তু তাহার কারণ কিছুই অনুমিত হইল না। বায়ু সঞ্চালন এবার কারণ নহে। কেন না, তাহা হইলে বৃক্ষপত্র সকল পূর্বেই আন্দোলিত হইত। বোধ হয়, কোন নিশাচর জন্তু নিশাবাসান জানিতে পারিয়া স্বস্থানে প্রত্যাবর্তন করিতেছে।

আবার সেই শব্দ! সঙ্গে সঙ্গে অস্পষ্ট গলুব্যবরও কর্ণগোচর হইল। ক্ষণকাল পরে একজন ঘেন একটু স্পষ্টরূপে বলিতে লাগিলেন, “কোন সন্দেহ করো না সেজ মা! তুমি তখন দেখো, নফরের মা কেমন মজাষ। যার মুন খাব, প্রাণ দিয়েও তার উপকার করবো।” কণ্ঠস্বরে তাহাকে নীরদ বাবুর দানী মোক্ষদা বলিল। জানা গেল। মোক্ষদা তার নাম বটে, কিন্তু নফরের মা বসিলাই ইহলোকে পরিচিত; সুতরাং আমরাও তাহাকে ঐ নামে ডাকিব।

নফরের মার কথা শেষ হইলে অপরের কণ্ঠস্বর বলিল, “আমি কি বলছি, তোর উপর অবিশ্বাস আছে? না, তোর গুণ আমি জানি না; তাই যদি হবে, তবে এত লোক থাকতে তোকেই বা এ কাজ কোরতে বলবো কেন?” পরে অপেক্ষাকৃত নৃহস্বরে বলিল, “কিন্তু দেখিস্ যেন কোন কষ্ট না হয়।”

ক্রমে পূর্বদিক পরিষ্কার হইল। উবার আলোকে বহুকরা নবশোভা ধারণ করিল। বিহঙ্গমকুল অস্পষ্ট কলধ্বনি করিতে করিতে কুলায় পরিত্যাগ করিতে লাগিল। কুলবধুগণ স্ব স্ব শয়ন-গৃহ পরিত্যাগ করিয়া গৃহকর্মে মনঃসংযোগ করিল। প্রবোধ বাবুর আজি বড়ই আনন্দের দিন। কাল রাতে একটা পুত্র সন্তান হইয়াছে! এবার যদি ভগবান এটাকে দীর্ঘজীবী করেন, তাহা হইলেও কতকটা সুখ। অতুল ঐশ্বর্যের অধিপতি হইয়াও

প্রবোধ বাবু প্রায়ই সেই মৃত পুত্রের কথা মনে করিয়া দারুণ কষ্ট অনুভব করিতেন । প্রবোধ বাবু ভাবিতেছেন, প্রভাত হইলেই দৈবজ্ঞকে ডাকিয়া বালকের জন্মলগ্ন দেখাইবেন এবং শুভাশুভ ফল জানিয়া লইবেন । হায় প্রবোধ ! বুদ্ধিতেছ না যে, অনন্ত সংসার-চক্রের আবর্তনে এই বিশ্বসংসার বিঘূর্ণিত হইতেছে, তোমার আমার ক্ষুদ্র সুখ-দুঃখও তাহারই অধীন । সেই চক্রের নিয়ন্তা মহান্ হইতেও মহান্—আমরা যে বুদ্ধিতে সুখ-দুঃখ অনুভব করি, সে বুদ্ধি তাঁহার চরণ স্পর্শও করিতে পারে না ।

প্রবোধচন্দ্র কলনার বশবর্তী হইয়া এইরূপ ভবিষ্যৎ সুখরাজ্যে ভ্রমণ করিতেছেন, ইত্যবসরে একজন ভূতাত্ত্বজ্ঞভাবে আসিয়া প্রভুকে জানাইল, “একবার বাটীর ভিতরে আগুন, থোকা কেমন করছে।” যুগপৎ শত বজ্রপাত হইলেও ষে রূপ ক্রেশ না হয়, প্রবোধচন্দ্র তদপেক্ষাও যেন ক্রিষ্ট হইলেন, তাঁহার মস্তক ঘুরিয়া উঠিল, কথঞ্চিৎ স্থির হইয়া তিনি বাটীর ভিতরে গমন করিলেন ; বাহা দেখিলেন, তাহাতে তাঁহার চৈতন্য বিলুপ্ত হইল । তখনই মিত্র মহাশয়দের বাটীতে সহসা ক্রন্দনধ্বনি শ্রুত হইল । পল্লীর সর্ব্বলই জানিত যে প্রবোধবাবুর পুত্র হইয়াছে, কিন্তু হঠাৎ ক্রন্দনধ্বনি শুনিতে পাইয়া সকলেই সেই বাটীতে প্রবেশ করিল ।

প্রবোধবাবুর বাটী অতীব বৃহৎ, স্মরণ্য স্মৃতিকাগৃহ দ্বিতলেই হইয়াছিল । সকলে একেবারে সেই গৃহের সম্মুখীন হইয়া দেখিল, সদ্যোজাত সন্তান উৎকট পীড়ায় অভিভূত এবং সেই পীড়াই রোদনের কারণ । ধাত্রী সন্তানকে জোড়ে করিয়া নিঃশব্দে অশ্রুবর্ষণ করিতেছে । তাঁহার জননী ও সহধর্ম্মিণী উভয়েই চীৎকার করিয়া ক্রন্দন করিতেছেন । • কিয়ৎকাল পরে প্রবোধ বাবু ডাকারকে ডিম্বাসা করিলেন, “তবে কি আর আশা নাই ?”



মানুষ ডাক্তার বলিলেন, “একুপ পীড়ায় কোন শিশুকেই তা পরিজ্ঞান পাইতে দেখি নাই। তবে যদি আপনার ইচ্ছা হয়, আরও দু একজন ডাক্তারকে ডাকিতে পারেন।”

“অতঃ ডাক্তার আনয়নে আর কোন আবশ্যক নাই, তবে মনকে প্রবোধ দেওয়া মাত্র। যাহা হউক, ইহাকে রক্ষা করিতে বধাসাধ্য চেষ্টা করিব। আপনি কোন্ ডাক্তারকে আনিতে পরামর্শ দেন?”

প্রবোধ বাবুর এই প্রশ্ন শুনিয়া ডাক্তার বাবু পুনরায় বলিলেন, “আমার মতে এই গ্রামের চারি কোণে উত্তরে একটি ভাল ডাক্তার আছেন, তাঁহাকেই সংবাদ দিউন।”

এইরূপ কথোপকথন হইতেছে, এমনত সময়ে প্রবোধবাবুর স্ত্রী একবার সন্তানকে ক্রোড়ে করিলেন এবং পরক্ষণেই অধিকতর চীৎকার করিয়া ক্রন্দন করিয়া উঠিলেন। প্রবোধবাবু সেই ক্রন্দন-ধ্বনি শুনিয়া স্নতিকাগৃহের সম্মুখীন হইলেন। ধাত্রী কপালে ইঙ্গিত করিতে করিতে বলিল, “কর্তাবাবু! আর ডাক্তারের প্রয়োজন নাই।” দুদিনের মধ্যেই শিশু ইহলোক ত্যাগ করিল। প্রবোধ বাবু আর কথা কহিবার শক্তি রহিল না।

ডাক্তারবাবু প্রস্থান করিলেন। পরে সকলে ধাত্রীর সাহায্যে সদ্যোজাত মৃত সন্তানের সংস্কার করিল। মিত্রবানীর সকলেই শোকাকুল! বাহারা দেখিতে আসিয়াছিল, তাহারাও চক্ষের জল সঞ্চর্য করিতে পট্টিল না! কেবল সেই বাটীর একটিমাত্র রমণীকে বোধ হইতেছিল, যেন তিনি কৃত্রিম অশ্রুজল বিসর্জন করিতেছেন।

## চতুর্থ পরিচ্ছেদ ।

—:~:—

ভূমি কি বল

‘For once again the spirit \* \* \* was waned, to see this world.’—Light of Asia.

পূর্বোক্ত ঘটনার পর হয় মাস অতিবাহিত হইয়াছে। প্রবোধ-  
বাবু আপন কক্ষে উপবেশন করিয়া আছেন। বেলা দুই প্রহর  
উত্তীর্ণ হইয়াছে, সূর্য্যের প্রথর তেজ এখনও হ্রাস হয় নাই।  
পবনদেব সূর্য্যের উদ্যাপ উত্তপ্ত হইয়া জনগণকে আপনার তেজ  
প্রদর্শন করাইতেছেন। পশু পক্ষী প্রভৃতি ইতর প্রাণিগণ সেই  
তেজ সহ্য করিতে না পারিয়া স্ব স্ব আবাসে আশ্রয় গ্রহণ  
করিয়াছে। বিটপীশ্রেণী নীরস অবস্থায় বায়ুভরে আন্দোলিত  
হইতেছে। গৃহনাসিগণ গৃহকর্ম সমাপন করিয়া নিজাদেবীর  
ক্রোড়ে আশ্রয় গ্রহণ করিয়াছে। মাঠে রাখালেরা দূরে গাভী-  
দিগকে নিঃশব্দে নবদুর্গাঙ্গল ভক্ষণ করিতে অবলোকন করিয়া  
দলবদ্ধ হইয়া কোন এক বৃহৎ বৃক্ষের ছায়ায় বিশ্রামলাভ  
করিতেছে। পথে কোথাও একটী রাখালপত্নী বা রাখালবাণক  
কোন রাখালের আহারীয় আনয়ন করিতেছে। দূরে একটী  
গ্রাম্যকুকুর প্রচণ্ড রোড়ে অক্লান্ত চটয়া লোক জিহবা বাহির  
করিয়া এদিক ওদিক গমনাগমন করিতেছে। ইত্যদ্যদে প্রবোধ-  
বাবুর সহধর্ম্মিণী মলিনা আত্মবাণী সমাপন করিয়া স্বামীর  
নিকট আগমন করিলেন। তখন অতি-পত্নীতে নানারূপ

কথোপকথন আরম্ভ হইল। প্রথমতঃ প্রবোধবাবু বলিলেন, “মলিনে! তুমিত জান, আমি আপিস্ হইতে অল্পদিনের জন্য অবকাশ লইয়াছি। কিন্তু আমার আর চাকরী করিতে ইচ্ছা নাই। বিশেষতঃ আমাদের পুত্রকণ্ঠা কেহই নাই। এত দিন কঠোর পরিশ্রমে বাহা উপার্জন করিয়াছি, তাহাতে আমাদের সংসারধাত্রা নির্বাহের আর কোন চিন্তা নাই। বিশেষতঃ, নীরদ ও অতুল উভয়েই উপায়কম হইয়াছে; সুতরাং এখন আর কিছুই অভাব দেখা যায় না। তাই বলিতেছি যে, আর কেন অর্থের চেষ্টা করি? অর্থের জন্য যদ্যপি সমস্ত জীবনই পরিশ্রমে অতি-বাহিত করিতে হইল, তবে আর পরকালের কাজ কবে করিব?—কিন্তু তাও বলি, নিরুশ্বাস থাকিলে সময় যেন আর ঘাইতে চায় না। এই দিনকতমাত্র আমি কার্য হইতে অবসর গ্রহণ করিয়াছি, তাহাতেই আমার যে কত কষ্ট বোধ হইতেছে, তাহা আর তোমাকে কি বলিব। অতএব আমার ইচ্ছা যে, দিন কতকের জন্য একবার পশ্চিমাঞ্চলে যাই। তোমার কি মত?”

“আমি আর কি বলিব? তোমার মতেই আমার মত। কিন্তু তুমিত প্রায়ই বলিয়া থাক যে, পশ্চিম যাইব, কাজে ত কিছুই হয় না।”

প্রবোধ। এবার নিশ্চয় জানিও যে, আমি কৰ্ম হইতে অবসর গ্রহণ করিয়াই মাতা ও পত্নী লইয়া একবার গয়াধামে গমন করিব। পিতার পরলোক হইলে আমি তাঁহার কোনও কৰ্ম করিতে পারি নাই। পুত্র হইয়া যে পিতার পারলৌকিক কৰ্ম না করে, সে নরাধম। ঈশ্বরেচ্ছায় আমার অর্থেরও অনাটন নাই। সুতরাং ইহা না করিলে লোকতঃ ও ধর্মতঃ উভয়তই আমাকে পণ্ডিত হইতে হইবে।

মলিনা। সে ত বেশ কথা, আমিও জন্মাবধি কোন স্থানে যাই নাই, যদি অদৃষ্টে থাকে, তবেই হবে।

প্রবোধ। এবার আমার যাবার নিতান্তই ইচ্ছা আছে। দেখি, ভগবান কি করেন।

মলিনা। একটা কথা বল কি ?

প্রবোধ। বল না।

মলিনা। তুমি যে আমাকে কিছু টাকা দিবে বলেছিলে,—  
দিবে কি ?

প্রবোধ। তোমার এখন টাকার দরকার কি ?

মলিনা। কেন, আমার কি টাকার দরকার থাকতে নেই, এই মনে কর, তোমার সঙ্গে যদি পশ্চিমেই যাওয়া হয়, তীর্থস্থানে দু চার টাকা খরচ আছে ত ? সেখানে গিয়ে কি সদাসর্বদাই তোমাকে টাকার জন্য জাগাতন করবো, তার চেয়ে কিছু টাকা আমার হাতে রাখতে ইচ্ছা করেছি।

প্রবোধ। পশ্চিম যাওয়াত আজই হচ্ছে না, যদি আমাদের যাওয়া হয়, তাহা হইলে এখানকার বিষয়-আশয় এক প্রকার বন্দোবস্ত না করিয়াই বা কিরূপে যাই? নীরদ হেণোমানুব, এ পর্যন্ত সে কখনও বিষয়-আশয় চক্ষে দেখে নাই। কার কাছে কত পাওনা, কার কত দেনা, এ সকল স্থির না করিয়া কিরূপেই বা যাওয়া হয়? কাজেই কিছু বিবরণ করিতে হইবে। একবার বিষয়টা নীরদকে বুঝাইয়া দিয়া তোমাকে কিছু টাকা দিব।—  
কেমন, রাজি আছ ত ?

মলিনা। তুমি বা বল, তাতেই আমি সন্তুষ্ট আছি। তবে শীঘ্র শীঘ্র এসকল কার্য শেষ করিও।

প্রবোধ। যত শীঘ্র পারি, অবশ্যই করিব। কিন্তু এ সকল কার্য

সহজে নিষ্পত্তি হইবে না। আজই আমি নীরদকে একবার ডাকাইয়া পাঠাব। কয়েক দিন আমার শরীর বড় ভাল নাই।

মলিনা। কিছু অসুখ হয়েছে কি? কৈ, আমাকে ত কিছু বল না?

প্রবোধ। সেরূপ কিছু নয়, তবে যাহা আহার করি, ভাল পরিপাক হয় না।

মলিনা। তবে আমি এখনই মেজো ঠাকুরপোকে ডেকে দিচ্ছি, তোমার যাহা বলবার বস্তু। তিনি ত ডাক্তারীও জানেন, সহজেই তোমার অসুখের একটা ব্যবস্থা কোরে দিবেন। আমার বোধ হয়, সারাদিন বাড়ী বসে না থেকে যদি একটু একটু সকালে বিকালে বেড়াও, তাহ'লে অনেকটা উপকার পাও। এই বলিয়া মলিনা বাটির ভিতরে প্রবেশ পূর্বক মোহিনীর কক্ষে প্রবেশ করিল। মোহিনী নীরদচন্দ্রের পত্নী। তিনি তখন তাহার পুত্র সুরেশচন্দ্রকে দুগ্ধ পান করাইতেছিলেন। মলিনাকে দেখিয়া বলিলেন, "দিদি! তোমার সব কাজকর্ম সারা হয়েছে?"

মলিনা বলিলেন, "হাঁ ভাই, আমার সব কাজ শেষ হয়েছে, এখন তোমাকে একটা কথা বলতে আমি এখানে এসেছি। আজ মেজো ঠাকুরপো এলে পর তাঁহাকে বলিও, একবার বড় বাবু তাঁকে ডেকেছেন। বোধ হয়, তাঁর শরীর খারাপ হয়েছে--সেই জন্য।"

মোহিনী। দিদি! বসনা ভাই, কতক্ষণ দাঁড়িয়ে থাকবে?

মলিনা। আর ভাই! আজ কর্তী বলেছেন যে, আগরী একঘার পশ্চিম বেড়া'তে যাব। ভাই ভাবছি আমিও ত কোথাও যাই নাই; যদি নিয়ে যান, তবে একবার আমিও যাই। তা উনিও

বলেছেন যে, মা ও আমাকে সঙ্গে করে নেবেন। আমার কি এমন ভাগ্য হবে যেন !

মোহিনী। হবে বৈ কি ভাই ! ভগবান ত তোমাকে সংসারী হতে দিলেন না, তুমি ইচ্ছা করলে বেথানে ইচ্ছা সেখানে যেতে পার। আমার ত আর তা হবার যো নাই। ছেলে পিলের ঝগড়াট বড় ঝগড়াট। তুমি একরকম বেশ আছ। এই দেখ না, কত-কণ ধরে সুরেশকে হুদ খাওয়াবার জন্য সাধ্লেম, তবুও সবটা খেলেনা।

মলিনা। ও কথা আর বলো না ভাই ! যার যেমন অনুষ্ট, তার তেমন হবে। এখন যাই ভাই, মেজোঠাকুরপোকে কথাটা বেন বলতে ভালোনা।

মোহিনী। সে কি দিদি ! তোমার কথা ভুলবো ? তা কি হতে পারে ? তিনি এলেই আমি আগে বড় ঠাকুরপোর ব্যা-রামের কথা তাঁকে বলবো।

ক্রমে সন্ধ্যা আগত হইল। মলিনা তথা হইতে প্রস্থান করিয় গুনরায় আপন কক্ষে আগমন পূর্বক নিজ গৃহ-কক্ষে নিযুক্ত হইলেন।



## পঞ্চম পরিচ্ছেদ ।

—00—

### নীরদচন্দ্র ।

“ A plan—ill devised. ”

স্বর্গীয় মিত্র মহাশয়ের মধ্যম পুত্র নীরদচন্দ্র । পিতার মৃত্যুর পর প্রবোধ বাবুই কনিষ্ঠ সহোদরদ্বয়ের জ্ঞাত লেখাপড়া শিক্ষার সুবন্দোবস্ত করিয়াছিলেন । নীরদচন্দ্র আশৈশব একটু উগ্রস্বভাব ছিলেন । বালা-সহচরদিগের সহিত যখন তিনি ক্রীড়াদি করিতেন, তখনই তাঁহার অহঙ্কারের ও উগ্রস্বভাবের পরিচয় পাওয়া যাইত । সহচরদিগের সহিত ক্রীড়াকালে তিনি প্রায়ই নেতৃপদে অধিষ্ঠিত হইতেন । তাঁহার প্রকৃতি উকণ্ড ছিল সত্য, কিন্তু সেই সঙ্গে একটা অসাধারণ তপ ও দৃষ্ট হইত । তাঁহার মেধাশক্তি অত্যন্ত প্রবল । অলৌকিক প্রতিভা গহিয়া তিনি পৃথিবীতে জন্মগ্রহণ করিয়াছিলেন । তাঁহার সকল বিষয়েই স্বস্বাভাস করিয়া দেখিবার ক্ষমতা ছিল । তাঁহার অন্তর্ভেদিনী দৃষ্টিতে মানব-জন্মের সমস্ত ভাবগুলি স্পষ্ট প্রতিকলিত হইত । যাহা একবার দেখিতেন, তাহা কখন ভুলিতেন না । এই গুণে তিনি বিশ্ববিদ্যালয়ে দু-একটা পরীক্ষায় উত্তীর্ণ হইয়া, তৎপরে ডাক্তারি পাশ দিতে কৃতকাব্য হইয়াছিলেন । কিছুদিনের মনো চিকিৎসা বিষয়ে তাঁহার বিশেষ প্রতিপত্তি হইয়া উঠিল,—দশ টাকা উপার্জনও করিতে লাগিলেন । কিন্তু স্বভাব অপরিহার্য । কিছুতেই তাঁহার প্রকৃতির পরিবর্তন হইল না । অর্থের সঙ্গে সঙ্গে দু-চার জন উপকারী বন্ধুও

আসিয়া দেখা দিলেন । তাঁহাদের সহবাসে নীরদচন্দ্র অনেক দিকে উন্নতিপথে অগ্রসর হইলেন । উন্নতির প্রথম সোপান সুরাপান—তাঁহার অভ্যাস হইল । যে প্রকৃতির বীজ শৈশবেই নীরদচন্দ্রের মনে অঙ্কুরিত হইতে দেখা গিয়াছিল, এখন তাহা ফলে ফুলে বৃদ্ধি পাইতে লাগিল । নীরদের এখন কেবল ইচ্ছা, কিসে তাঁহাকে সকলে মানা করে । কিরূপে দেশের মধ্যে তিনি এক জন গণালোক হইবেন, এই ভাবনাই তাঁহার মনকে অধিকার করিতে লাগিল । সভা স্থাপন, বক্তৃতা দেওয়া, স্ত্রী-স্বাধীনতার সপক্ষতা করা, বালাবিবাহ প্রথা উঠাইয়া দেওয়া, গভর্ণমেণ্টের অনুকূলে মত দেওয়া, বুকিয়া টাকা দেওয়া প্রভৃতি আধুনিক ছজুগে—আধুনিক ব্যাপারেই তিনি গ্রামের মধ্যে অগ্রগামী ছিলেন । সঙ্গে সঙ্গে অদম্য অর্থস্পৃহাও তাঁহার মনকে বাস্তব করিয়া তুলিল । ডাক্তারীতে যাহা উপার্জন হয়, তাহার দ্বারা সংসারযাত্রা একরকম চলিতে পারে ; কিন্তু পৃথিবীতে নাম কিনিতে হইলে কিছু বেশী অর্থের আবশ্যক । এই জন্য যে কোন উপায়েই হউক, অর্থলাভ করাই আপাততঃ নীরদচন্দ্রের প্রধান কার্য হইয়া উঠিল । দেখা যাউক, কি প্রকারে তাঁহার উদ্দেশ্য সাধিত হয় ।

নীরদচন্দ্র যেরূপ প্রতিভা লইয়া জন্ম গ্রহণ করিয়াছিলেন, তাঁহার স্বভাব যদি সুকোমল হইত, তাহা হইলে নিশ্চয়ই তিনি আদর্শ-পুরুষ হইতে পারিতেন । কিন্তু বিধাতার ইচ্ছা অন্যরূপ ।



# ষষ্ঠ পরিচ্ছেদ ।

—::—

## বৈষয়িক কথা ।

“ Go we as well as haste will suffer us  
To this unlooked-for unprepared pomp ”

Shakspeare.

পরদিন অতি প্রত্যুষে প্রবোধবাবু শয্যা হইতে গাল্লোথান করিয়া প্রাতঃকৃত্য সমাপন পূর্বক কার্যা হইতে অবসর গ্রহণ করিবার অভিপ্রায়ে আপিসের কৰ্ত্তাকে একখানি পত্র লিখিলেন, এবং একটী চাকরকে ডাকিয়া পত্রখানি পোষ্ট-আপিসে দিবার জন্ত আদেশ দিলেন ।

নীরদবাবু পূর্বরাগেই মোস্তাফীর নিকট তাঁহার জ্যেষ্ঠভ্রাতার পীড়ার কথা কর্ণগোচর করিয়াছিলেন । কিন্তু তখনই তাঁহাকে একটী মুমূর্ষু রোগীর নিকট যাইতে হয়, কাজেই সে রাত্রি আর প্রবোধবাবুর সহিত সাক্ষাৎ করা হয় না । পরদিন প্রাতঃকালে তিনি জ্যেষ্ঠের সহিত সাক্ষাৎ করিবার জন্ত বৈঠকখানায় আসিয়া উপস্থিত হইলেন ।

“ প্রবোধবাবু তখন একখানি সংবাদপত্র পাঠ করিতেছিলেন । নীরদকে দেখিতে পাইয়া বলিলেন, “নীরদ ! বোধ হয় আমার উদরের কোনরূপ পীড়া হইয়া থাকিবে, সেইজন্যই তোমাকে ডাকিয়াছি, আরও অনেক কথা আছে ; বসো, একটু বিলম্ব হইবে। ”

নীৰদ উপবেশনান্তে বলিলেন, “বয়স হইলে লোকের একটা না একটা পীড়া হইয়াই থাকে ; সুতরাং সামান্য পেটের পীড়ার জন্য কষ্টগুলি ঔষধ খাইয়া শরীরকে কষ্ট দিবার বিশেষ কোন আবশ্যক নাই। তবে আপনি না হয় একটু একটু সিজি খাইবেন, তাহাতে এ বয়সে উপকার ভিন্ন অপকারের কোন সম্ভাবনা নাই।”

“তাই হবে,—আর এক কথা আছে। যে ভাই নীৰদ ! যাবার যখন স্বর্গারোহণ হয়, তখন তোমরা নিতান্ত দ্বালক। তিনি আমার হস্তে তোমাদিগকে সমর্পণ করিয়া গিয়াছিলেন। আর বৈষ্ণবী যাহাতে রক্ষা হয়, সেবিষয়েও আমাকে বারবার উপদেশ দিয়াছিলেন। তোমরা দেখিতেই পাইতেছ যে, এখন আমি আর কার্যক্ষম নহি। বিশেষ আমার পুঞ্জকন্ডা কেহই নাই। সেই জন্য আমি কার্য হইতে একেবারে অবসর গ্রহণ করিবার মানস করিয়াছি। আমার পিতা যেমন তোমাদিগকে আমার হস্তে সমর্পণ করিয়া গিয়াছিলেন, আমিও সেই আদেশমত প্রাপণে তোমাদের লালনপালন করিয়াছি। আর পূৰ্ব্বাপেক্ষ আমা হইতে বিষয়েরও কিকিৎ আয় বৃদ্ধি হইয়াছে। এখন তোমাদের অর্থ তোমরা ব্যয়িত্ব লইলেই আমি পরিত্রাণ পাই। আমি দিনকত পশ্চিম যাইয়া শরীর সুস্থ করিবার কল্পনা করিয়াছি।”

যোষ্ঠের কথার প্রত্যুত্তরে নীৰদ বলিলেন, “দাদা ! এসকল বিষয় এত শীঘ্র শীঘ্র বন্দোবস্ত করিবার প্রয়োজন কি ? আপনার পশ্চিম যাইতে ইচ্ছা হইয়াছে, অথবা বিষয়,—দেখিবে—আপনি সুস্থশরীরে বাটীতে প্রত্যাগমন করুন। তাহার পর এসকল কথা হইবে। আপনি কতদূর যাইতে ইচ্ছা করিয়াছেন ?”

“কতদূর যাইব, তাহা এখন স্থির করি নাই। তবে

প্রথমতঃ যাবার পিওদানার্থ একবার প্রয়াগতীর্থে গমন করিব। তৎপরে কাশী, বৃন্দাবন ও অন্যান্য তীর্থও ভ্রমণের বাসনা করিয়াছি।”

নীরদ পুনরায় বলিলেন, “আপনার সঙ্গে আর কে কে যাইবে?”

“সঙ্গে আর কে কে যাবে? মা যাবেন, আর বড় বউ যাবে। আমার এত শীঘ্র যাবার তত প্রয়োজন ছিল না, তবে কি জান, এই সবে কার্য্য হইতে অবসর গ্রহণ করিতেছি, এখন যদি আলস্তে দিন অতিবাহিত করি, তাহা হইলে অধিকদিন আর জীবনধারণ করিতে হইবে না। আর মাকেও অনেকদিন বলিয়া আসিতেছি যে, তাঁহাকে আমি নিজে সঙ্গে করিয়া লইয়া যাইব।”

নীরদ কহিলেন, “আচ্ছা দাদা! আমাদের কত টাকার বিষয় হবে?”

প্রবোধ বাবু তৎক্ষণাৎ উত্তর করিলেন, “আমার পৈতৃক বিষয় সবে ত্রিশহাজার টাকা ছিল। এখন তাহা হুদে আসলে প্রায় লক্ষাধিক হইয়াছে। আমার ইচ্ছা, এখন ঐ টাকা একসঙ্গেই থাকে। তবে যদি তোমরা ইচ্ছা করিয়া স্বতন্ত্র কোন বন্দোবস্ত করিতে চাও, আমার তাহাতে আপত্তি নাই। তোমাদের টাকা—তোমরা যাহা ইচ্ছা করিতে পার; তোমরা ত এখন বালক নও।”

এই কথা শুনিয়া নীরদ কহিলেন, “আমাদের আবার ইচ্ছা কি? আপনি যাহা ভাল বুঝিবেন, তাহাই করিবেন। বিষয় আমাদের হস্তে থাকিলে ভাল দেখায় না। আপনি জ্যেষ্ঠ,—পিতার সদৃশ, আপনার নিকট থাকাই ভাল।”

প্রবোধবাবু প্রীত হইয়া কহিলেন, “তুমি যাহা বলিতেছ, তাহা সকলই সত্য। কিন্তু আমি ত আর এখানে এখন বাস করিতেছি না। স্নতরাং টাকার প্রয়োজন হইলে তোমরা কি করিবে?—

আমার দেখাই বা কিরূপে পাইবে? আর টাকার অভাবে তোমাদেরই বা কি হইবে? তাই বলিতেছি যে, এখন যেমুন আমার স্বাক্ষরে সকল কার্য্য সমাধা হয়, সেইরূপ আমার অবর্ত্তমানে তোমার দ্বারাই সেই সকল সম্পাদিত হইবে; অর্থাৎ বিষয় একই রহিল, কিন্তু এখন হইতে তোমাকেই সকল পর্য্যবেক্ষণ কুরিতে হইবে।”

মনের আনন্দে নীরদ বলিয়া উঠিলেন, “তা বেশ ত, আপনার বাহা ইচ্ছা তাহাই করুন। ইহাতে আর আমার অমত কি? তবে অতুল এখানে নাই, তাহার মতামত কিছুই জানিতে পারা গেল না; যদি সে কোনরূপ অমত করে!”

প্রবোধবাবু কহিলেন, “অতুল আমাদের সর্ব্ব কনিষ্ঠ। বিশেষ সে তোমাকে একান্ত ভক্তি করে। সে যে আমাদের কথায় বিরুক্তি করিবে, তাহা সম্ভবে না। তবে এসকল বিষয় জানাইয়া তাহাকে একখানি পত্র লেখ।”

নীরদ বলিলেন, “বে আচ্ছা।—আনার হাতে একটি মূর্খ-রোগী আছে; একবার সেইখানে যাইতে হইবে। এগন তবে আসি। আবার বৈকালে আপনার সহিত সাক্ষাৎ করিব।”

এই বলিয়া নীরদবাবু ধীরে ধীরে আপন কক্ষে প্রৱেশ করিলেন। সংসারক্ষেত্রে নীরদচন্দ্র তাঁহার উদ্দেশ্যসাধনের জন্ত একটী উপযুক্ত সহায় পাইয়াছিলেন। যে মন্ড্রে নীরদচন্দ্র দীক্ষিত, সেই মন্ত্র মোহিনীরও জপমালা। মিত্র-সংসারে তিনিই একমাত্র গৃহিণী হইবেন, আর সকলে তাঁহার পশনত হইয়া থাকিবে, এই উক্ত আশা রমণীন্দ্রর সযতনে রোপিত ও রক্ষিত হইয়াছিল। এই উদ্দেশ্য সফল করিবার জন্ত, এই পথ পরিষ্কার করিবার জন্ত মোহিনী না পারে এমন কার্য্য এ জগতে অতি বিরল।

বড়বাবুর সঙ্গে মেজবাবুর কি কথাবার্তা হয়, ইহা শুনিবার জন্ত মোহিনী উৎসুক হইয়া স্বামীর আগমন-প্রতীক্ষা করিতেছিলেন । স্বামী আসিবামাত্র তাঁহাকে জিজ্ঞাসা করিলেন, “হাঁগা ! বট্ঠাকুর কি বলেন ?” সহধর্মিণীর মুখে ঐ প্রশ্ন শুনিয়া নীরদবাবু বলিলেন, “মেজ বউ ! এতদিন আমি জানিতাম না যে, বিষয়টা আমাদের পৈতৃক । আমার ধারণা ছিল যে, উহা দাদার নিজের ; কিন্তু আজ দাদা নিজমুখে বলিলেন যে, বিষয়টা আমাদের সকলেরই । দাদার ইচ্ছা, আমিই বিষয়কর্ম দেখি । প্রথমতঃ আমি তাতে মৌখিক আপত্তি করি, কিন্তু দাদার পীড়াপীড়িতে শেষে রাজি হইয়াছি । দেখা যাক, ক্রমশঃ যদি সমস্ত বিষয়টাই হস্তগত হয়—কি বল মেজবউ ?”

“তাতে ঠিক কথা ! তুমিই দেখবে বই কি । এক ভাই চিরকাল দেখবে নাকি ? তোমারও ত সব জানাশুনা দরকার । হাঁগা ! তা কত টাকার বিষয় হবে ?”

পুনরায় নীরদবাবু পত্নীর প্রশ্নের উত্তর দিতে আরম্ভ করিলেন । এইরূপেই তাঁহাদিগের কথোপকথন চলিতে লাগিল । নীরদ বলিলেন, “তা মন্দ নয়, প্রায় লক্ষ টাকা । দেখ এই ত বিষয়, তা আবার যদি তিন ভাগ হয়, তাহা হইলে এক এক অংশে কতই বা হবে । দাদার ছেলে মেয়ে কেউ নাই, একমাত্র বড় বউ,—তা থাক, ও মেয়ে মানুষ, অত শত বুঝতে পারবে না ; সুতরাং দাদার বিষয়টা আগে হস্তগত করা যাক তার পর অতুল ।—সে ত ছেলে মানুষ । তাতে আবার যে আমারই একান্ত বশীভূত ; ডাক্তারী করে আর কতই বা আ হবে ? বিষয়ের লোভ বড় ভাল নয় । দেখি কত দূর কি হয় ।”

মোহিনী । মেজবাবু, আর একটা কথা বলবো কি ?

বিস্মত হইয়া নীরদ জিজ্ঞাসা করিলেন, “কি কথা?—বলেই ফেল না, শুনা যাক।”

“বলি কি, আমার ভাই নদের চাঁদের এখন কোন কাজ কর্তব্য নাই। আহা! তা’রা খেতে পার না। কিন্তু নদের চাঁদ খুব চালাক, তাত তুমি জান। তুমি তাকে যা বলবে, সে তাই করতে পারবে। সে তোমার অনেক কার্যে সহায় হতে পারবে। তাই বলি, যদি তার একটা কোন উপায় করতে পার, বড়ই ভাল হয়।—আমার বাপের বাড়ীর নামটাও বজায় থাকে। কি বল মেজবাবু?”

প্রিয়তমার অনুরোধ অগ্রাহ্য করিতে না পারিয়া নীরদবাবু বলিলেন, “আচ্ছা, তাকে আমার সহিত একবার দেখা করিতে বলিও। দেখি, যদি কোনরূপ সুবিধা করতে পারি।”

এইরূপ কথোপকথনে বেলা পাঁচটা বাজিল। সূর্যের উত্তাপ ক্রমে হ্রাস হইয়া আসিতে লাগিল। নিকম্মা লোক সকল নিদ্রাদেবীর কোড়ে যথেষ্ট বিরাম লাভ করিয়া, হস্তপদাদি প্রক্ষালন পূর্বক সন্ধ্যাসমীরণ সেবন করিবার জন্ত মাঠের দিকে অগ্রসর হইতে লাগিল। বালকেরা বিদ্যালয়ের ছুটির পর গৃহে একবার দেখা দিয়াই আপন আপন সঙ্গীদিগকে লইয়া খেলাকরিবার চেষ্টা করিতে লাগিল। রাখালগণ গোধন লইয়া শ্রুতিমধুর গান করিতে করিতে গৃহভিমুখে আগমন করিতে লাগিল। দেওরাজি হুয়া যবে আপন আপন বংশগণ সমভিব্যাহারে গৃহে দ্বিরিতে লাগিল। কোথাও বা কোন শ্রামাসুন্দরী গোপবালা আললায়িত কেশে গোদোহন করিতেছিল, নিকটে বংশী দণ্ডাধীন থাকিতে গাভী এক একবার সাদরে তাহার গাত্র লেহন করিতেছে। আর এক একবার গোপকন্ঠার আলুলায়িত কেশরাশির প্রতি

এ কদুই চাহিয়া রহিয়াছে। আকাশে দু-একটা নক্ষত্রমালা উঁকি মারিতেছিল। এইরূপ সময়ে নীরদবাবু পুনরায় জ্যেষ্ঠভ্রাতার সহিত সাক্ষাৎ করিবার মানসে বৈঠকখানায় উপনীত হইলেন।

প্রবোধবাবুর সম্প্রতি কোন কার্য্য না থাকাতে তিনিও আহারা-দির পুর বিপ্রাম করিবার জন্ত ক্ষণকাল নিদ্রিত হইয়াছিলেন। বেলা অবসান দর্শনে তিনিও নিদ্রা পরিত্যাগ পূর্বক সায়ংকালীন কার্য্যকলাপ পর্য্যবেক্ষণ করিতেছিলেন। এমন সময়ে নীরদ আসিয়া উপস্থিত হইলেন। নীরদকে দেখিয়া তিনি বলিলেন, “দেখ নীরদ! তবে তাহাই ঠিক হইল। বিষয় এখন হইতে তোমার নামে রহিল। আমি বাহা বাহা করিতাম, আগামী কলা হইতে তোমাকেই সেই সমস্ত করিতে হইবে। আর একটা কথা এই যে, আমি আমার লাইফ ইনশুর (Life Insure) করিয়াছি।—সে আজ প্রায় সাত বৎসরের কথা। কিন্তু আমি যে বিদেশ যাইতে মনস্থ করিয়াছি, সে কথা তাহারা জানে না। তাহাদের না জানাইয়া আমি এখন কোথাও যাইতে পারি না। তাই বলিতেছিলাম, একবার সেইখানে একখানা চিঠি লিখিতে হইবে।”

নীরদ বাবু তৎক্ষণাৎ জিজ্ঞাসা করিলেন, “কত টাকার লাইফ ইনশুর করিয়াছেন?”

“ষাইট হাজার টাকার। আমার পশ্চিম যাত্রায় তারা আপত্তি না করিলেই বাচি।”

এই কথা শুনিয়া নীরদ বলিলেন, “সে বিষয়ে বোধ হয় কোন চিন্তা নাই। আমি আজই সেই আফিসে একখানি দরখাস্ত করিব। এখন রাত্রিও হইয়াছে আহারাদিও প্রস্তুত। আপনি কি আহার করিতে আসিবেন?”

“তোমরা বসগে, আমি যাচ্ছি । কিন্তু দেখ যেন চিঠিপানি লিপিতে ভুলিও না ।”

“আজ্ঞা না ।—সে কি কথা ? আপনার কাজ ভুলিব ?”

এই বলিয়া নীরদবাবু আপন মনে ভাবিতে ভাবিতে অন্তরে প্রবেশ করিলেন । পথে পুঞ্জ হুরেশচন্দ্রের সহিত সাক্ষাৎ হইল । সে পাঠশালার দু-একটা সঙ্গীকে লইয়া ক্রীড়া করিতেছিল । পিতাকে দেখিয়া তৎক্ষণাৎ তাঁহার নিকট আসিল । নীরদবাবু হুরেশকে জিজ্ঞাসা করিয়া জানিতে পারিলেন, যে, তাঁহার সহধর্মিণী সকলের আহাঙ্গাদির উদ্‌যোগ করিতেছেন । সুতরাং তখন আর কোন কথা হইল না ।

আহাঙ্গাদি সমাপনান্তে মোহিনী নিজ গৃহে আগমন করিলে নীরদবাবু বলিলেন, “তাইত মেজবউ ! দাদা এতদিন লাইফ ইনসিওর করে রেখেছেন, তারও ত কিছুই জানিতাম না । টাকা ত কম নয়,—যাইট হাজার টাকা ।”

মোহিনী চমকিত হইয়া বলিলেন, “সে আবার কি ? তুমি ও সব ইংরাজী কথা ছেড়ে দিয়ে সহজ কথার বল । যাইট হাজার টাকা কি হয়েছে ?”

নীরদ হাস্য করিয়া বলিলেন, “আহা ! এ আর জান না ! দাদা কোন স্থানে মাসে মাসে কিছু কিছু টাকা জমা রাখেন । যখন উনি মরে যাবেন, তখন একেবারে যাইট হাজার টাকা বড় বউ পাবে ।”

মোহিনী অধিকতর বিস্মিত হইয়া জিজ্ঞাসা করিলেন, “অত টাকা দেদি কি করবে । ছেলে নাই, মেয়ে নাই অত টাকায় ওর কি করবে ।”

নীরদ বলিলেন, “তাঁত পটেই । তাই বলে সহজে কি ঐ টাকা



বড় বউ আমাদিগকে দিবেন । যা হোক, ও টাকা কোন রকমে  
হস্তগত করতেই হবে । কিন্তু দাদা জীবিত থাকতে ত হবে না ।  
তাই ভাবছি, কি করি ?”

“তোমার বাবু সকল বিষয়েই ভাবনা । অত বড় ডাক্তার  
মানুষ,—গ্রামশুদ্ধ লোকের নিকট তোমার যশ সুখ্যাতি, আর  
তুমি কি না সকল কাজেই ভাব ।”

মৃদুহাস্ত করিয়া নীরদবাবু বলিলেন, “ভাবতে হয় না, বল কি ?  
টাকার কথা,—যে সে কথা নয় । শুনেছ ত, দাদা পশ্চিম যাচ্ছেন ।  
সেই জন্তু বিষয় এখন সমঝেই আমার হাতে রহিল ।”

“সেত ভালই হলো । ও টাকার আবার ভাগ কি ? ঐ ত  
টাকা, ওকে আবার ভাগ কমলে থাকবে কি ?”

একটু যেন উত্তেজিত হইয়া নীরদবাবু বলিয়া উঠিলেন, “সে কি  
আর তুমি বলবে, তবে বুঝবো ? আমি তা অনেকদিন বুঝিয়াছি ।  
তবে দাদার ভাবনা বড়ই ভাবনা । তা বলে কি অত টাকার লোভ  
ত্যাগ করা যায়, দেখা যাক কতদূর কৃতকার্য হ’তে পারি ।  
তবে এই সময়ে বড় বউ যদি কোথাও যায় তা হলে সোণায়  
দোহাঙ্গা হয় । ভাল, মেজবউ ! তোমার ভাইকে বে আসূতে  
বলেছিলাম, তার কি হলো ?—শীঘ্রই আমার সহিত সাক্ষাৎ  
করিতে সংবাদ পাঠাও ।”

---

## সপ্তম পরিচ্ছেদ ।

—o—

### স্বপ্নের সংসার ।

“Of all the Blessings in the earth the best is a good wife”

দিল্লী সহর এখন ভারতে ইংরাজরাজত্বে যখন কলিকাতা প্রধান রাজধানী, সেইরূপ মুসলমানদিগের অধিকাংকালে দিল্লীই সর্ব-প্রধান নগরী ছিল। এইস্থানে আকবর সাহ, জাহাঙ্গীর, সাহাজাহান প্রভৃতি খ্যাতনামা সম্রাটগণ মহাশুখে রাজত্ব করিয়া গিয়াছেন। এই স্থানেই নবাবসরকারে অতুলবাবু কর্ম করেন। তাঁহার স্ত্রী প্রিয়বাল্লী ও পতির সমভিবাগারে ছিলেন। অতুলবাবুর বেতন দুই শত টাকা। তিনি মাসিক এক শত টাকা তাঁহার মাতার নিকট প্রেরণ করেন, অবশিষ্ট এক শত টাকার দ্বারা নিজের ব্যয়ভূষণ নির্বাহিত হয়। তাঁহাকে দেখিতে গৌরবর্ণ, বয়স প্রায় ত্রিশ বৎসর হইবে। তাঁহার মুখশ্রী পরম সুদৃশ্য।

প্রিয়বাল্লী পূর্ণগৌবনা। দেখিতে গ্রামবর্ণ, বয়স প্রায় অষ্টাদশ বৎসর। দেবদেব মহাদেব কৃষ্ণের যে শ্যামল গোহিনীমূর্তি দর্শন করিয়া ক্ষিপ্তপ্রায় হইয়াছিলেন, যে শ্যামলবর্ণ বৃষ্ণাঃ জন্তু অর্জুন লক্ষ্যভেদ করিয়া পরিশেষে কোঁরব ও অপরাধের রাজত্ববর্ণের সহিত তুলন করিয়াছিলেন, এসেই প্রকার শ্যামবর্ণ। আকর্ণ-বিশ্রান্ত নয়নযুগল যেন নীলোৎপলকে উপহাস করিতেছে।

তদুপরি ঈষৎ বন্ধিম জ্রাণুগল, দর্শনে বোধ হয় যেন, মম্মথ পুষ্পধনুতে ফুলশর যোজনা করিয়াছেন। আঙুলক বিস্তৃত কেশ-রাশি ময়ূর, চিকণ ও ঘোর ক্রকবর্ণ। প্রকৃত কথা বলিতে গেলে, যদিও প্রিয়বালা গৌরবর্ণা নহেন, তথাপিও তিনি যে সর্বাঙ্গমুন্দরী, তাহাতে আর অনুমাত্র সন্দেহ নাই।

প্রিয়বালার রূপ যেমন, গুণ ও তাহার অনুরূপ। যে যে গুণ থাকিলে নারিজাতিকে গুণবতী বলা যায়, প্রিয়বালা সেই সেই সমস্ত গুণেই বিভূষিতা ছিলেন। স্বামী পরম দেবতা এবং স্বামির বাক্যই বেদবাক্য বলিয়া তাঁহার দৃঢ় বিশ্বাস ছিল। কখন কোন কারণেও তিনি স্বামীকে কোনরূপ কষ্ট দিতেন না। পতির কিসে মুখ হইবে, কিসে পতি সুস্থশরীরে থাকিবেন, কিসে তাঁহার মনঃকষ্ট নিবারিত হইবে, এই সকল বিষয়েই প্রিয়বালার চিন্তা এবাস্ত আশ্রিত। অতুলবাবু তাদৃশী গুণবতী ভাৰ্য্যা পাইয়া ইহ জগতেই স্বর্গস্থ অনুভব করিতেন। তাঁহার একমাত্র পুত্র সতীশ, বয়স্ক্রম পাঁচ বৎসর মাত্র। পিতামাতার গুণে যে, পুত্রও পরিণামে সর্বগুণে গুণবান হইবে, তাহার আভাস পাওয়া যায়।

প্রিয়বালা যে কেবল স্বামীভক্তি জানিতেন এমন নহে। গুরু-গণের মান রক্ষা করিয়া তিনি সকল দিক বজায় রাখিতে পারিতেন। তাঁহার বিবাহের পূর্বেই অতুল বাবুর পিতার স্বর্গারোহণ হয়, সুতরাং প্রিয়বালা তাঁহার স্বস্তরমহাশয়কে দেখিতে পান নাই। শাণ্ডীকে যথেষ্ট ভক্তি ও সমাদর করিতেন। তাঁহার শাণ্ডী যখন মধ্যো মধ্যো দিল্লীতে আসিয়া বাস করিতেন, তখন প্রিয়বালা সকল কৰ্ম পরিত্যাগ করিয়া অগ্রে শাণ্ডীর সেবাশ্রমের নিযুক্ত হইতেন, এবং যাহাতে তাঁহার কোনরূপ অভাব বা ক্রটি না হয়, সেইদিকে বিশেষ লক্ষ্য রাখিতেন।

দিল্লীর যে স্থানে, তাঁহাদের বাস, সেখানে আর কোন বাঙ্গালী বাস করিতেন না, কেবল কতকগুলি উত্তরপশ্চিমাঞ্চলের হিন্দু সেই স্থানে থাকিতেন। তাঁহারাও যথেষ্ট সমৃদ্ধিশালী। সুতরাং তাঁহাদের সহিত অতুলবাবুর বিশেষ প্রণয় জন্মিয়াছিল। তাঁহাদের অন্তঃপুর মহিলাদিগের সহিত প্রিয়বালারও সন্ডাব ছিল।

একদা অতুলবাবু কর্মস্থান হইতে বাটী আসিয়া কিঞ্চিৎ বিশ্রাম করিবার পর স্বীয় পত্নীকে বলিলেন, “প্রিয়বালা! আজ মেজদাদার পত্র পাইয়াছি। বোধ হয়, আমাদের কিছুদিনের জন্ত চম্পাপুরে যাইতে হইবে। বড়দাদা কার্য্য হইতে অবসর গ্রহণ করিয়াছেন। মা ও বড় বোকে লইয়া তিনি শীঘ্রই পশ্চিম আসিবেন। বিষয়াদির কিরূপ ব্যবস্থা হইল, দানাই বা ইতিমধ্যে কেন পেন্সন গ্রহণ করিলেন, এসব সবিশেষ জানিবার জন্ত একবার সেখানে যাওয়া নিতান্ত আবশ্যক। প্রাতেই পত্র পাইয়াছিলাম। আমিও আজ এক মাসের ছুটি লইয়াছি। অতএব আর কালবিলম্ব না করিয়া কলাই স্বদেশ যাত্রার বাসনা করিয়াছি। কেমন, তুমি কি বল?”

প্রিয়ঃ। আমি আর কি বলিব? তোমার ইচ্ছাতেই আমার ইচ্ছা, তাও কি তুমি জান না? আচ্ছা, তবে আমাদের এ বাণীতে কে থাকবে?

অতুল। কেন বাটীতে চাবী দিয়া আমরা সকলেই যাইব। পাড়ার সকলকে বলিয়া যাইব, তারা এক একবার আমাদের বাটীর তত্ত্বাবধান করিবে।

প্রিয়ঃ। তা হলেই বেশ হবে। আমি ভাবিতেছিলাম, বৃন্দা আমাদের ঝিকে এখানে রাখিয়া যাইব।

অতুল । তাও কি হয় ? তাহা হইলে আমাদের সতীশের বড় কষ্ট হইবে ।

প্রিয় । তাই বলিতেছিলাম ।—কেননা, সতীশ শ্রামা না হইলে একদণ্ডও থাকিতে পারে না । শ্রামা না গেলে তার বড় কষ্ট হবে । ইঁগা, তা পাড়ার সকলে এক একবার আমাদের বাটী দেখিতে রাজী হবে কি ?

অতুল । তা হবে বই কি । ইঁহার সকলেই অতি সজ্জন । বিশেষ, আমি এখানে একমাত্র বাঙ্গালী আছি বলিয়া উঁহার আমায় যথেষ্ট যত্ন করে । কেন, স্ত্রীমার সহিত ওদের মেয়েদেরও আলাপ আছে ত ?

প্রিয় । তা আছে বই কি । এখন ত তাহারা বেশ । কিন্তু আমরা এখান হইতে চলিয়া গেলে কি আর সেরূপ দেখিবে ?

অতুল । সে সকল আমি ঠিক করিব । আর যদি তেমন তেমন দেখি, তাহা হইলে না হয় দুইজন দ্বারবান রাখিয়া যাইব ।

প্রিয় । সেই কথাই ভাল । তুমি যেমন ভাল বুঝিতে পারিবে, আমি কি তেমন পারিব ?

এইরূপ কথোপকথন হইতেছে, ইত্যবসরে সতীশচন্দ্র কতকগুলি ক্রীড়নক লইয়া ধীরে ধীরে সেই গৃহে প্রবেশ করিল । পিতামাতা উভয়কেই নীরব দেখিয়া একেবারে মাতার ক্রোড়ে উপবেশন করিয়া আধ আধ স্বরে কত কি কথা বলিতে লাগিল । অতুল বাবু কিয়ৎক্ষণ কোন কথা বলিলেন না, অবশেষে সতীশকে উদ্দেশ্য করিয়া বলিলেন, “সতীশ বাবু ! আমরা যে কাল দেশে যাইব, তুমি আমাদের সহিত যাইবে কি ?” সতীশ বাবু গুত কথা বুঝেন না, তাহার মাতাই তাহার হইয়া উত্তর করিলেন, “ওকে না লইয়া গেলে ত আমি যাইব না । আমি না গেলে আর একটা

লোকেরও যাওয়া হইবে না, অতএব সতীশ যাইবে। কেমন সতীশ ?” তখন সতীশ কেবল মাত্র “হুঁ” এই উত্তর দিয়া পিতা-মাতার আনন্দ বৃদ্ধি করিল, কিন্তু সে তাঁহাদের কথার বিন্দুবিসর্গও বুঝিতে পারিয়াছে কি না সে বিষয়ে সন্দেহ। অদূরে রেকাবিতে খাদ্যভব্যের উপর তখন তাহার বিশেষ মনঃসংযোগ ছিল।

যাহা হউক স্বদেশ যাত্রা স্থির হইলে অতুল বাবু ও প্রিয়বালা অপরাপর দাসদাসীগণের সাহায্যে আবশ্যকীয় সামগ্রী সকল সংগ্রহ করিয়া একে একে যথাযথরূপে সজ্জিত করিলেন। এই সমস্ত কার্য্য শেষ করিতে তাহাদের আর সে রাত্রি নিদ্রা হইল না। পর দিবস অতি প্রত্যুষেই তাঁহারা স্টেশনে আসিয়া উপস্থিত হইলেন।



## অষ্টম পরিচ্ছেদ।

—o—

### নদের চাঁদ।

পূর্বোক্ত ঘটনার পর প্রায় তিন মাস অতীত। অতুল বাবু পুত্র কলত্র সমভিব্যাহারে চম্পাপুরেই রহিয়াছেন। কিন্তু প্রবোধ বাবু এখনও পশ্চিম যাইবার সুবিধা করিতে পারিতেছেন না। তিনি একজন কৰ্ম্মক্ষম লোক ছিলেন। সুতরাং তাঁহাকে অফিসের কার্য্য বাতীত অত্যাশ্চর্য্য অনেক কার্য্য দেখিতে হইত। সে সকল কার্য্য একেবারে শেষ না করিয়া তিনি কোনরূপেই যাইতে স্বীকৃত নহেন। এতদ্ব্যতীত তিনি যেখানে তাঁহার জীবন বিমা করিয়াছিলেন, সেখান হইতে অদ্যাপি কোন চিঠী পত্র উপস্থিত হয় নাই। এই সকলই তাঁহার পশ্চিম যাত্রার বিলম্বের প্রধানতম কারণ। কিন্তু তাঁহাদের পশ্চিম যাত্রা প্রায় এক প্রকার স্থির হইয়া গিয়াছে। সেই জন্ত প্রবোধ বাবুর স্ত্রী একবার পিত্রালয়ে যাইবার জন্ত পতিকে অনুরোধ করিলেন। প্রবোধ বাবুও হাস্তমুখে ভার্য্যাকে পিত্রালয়ে পাঠাইয়া আপনার কার্য্যকলাপ তৎপর হইয়া সমাধা করিতে লাগিলেন। তাঁহার মাতাঠাকুরাণী মধ্যে মধ্যে তাঁহাকে উত্তেজিত করেন। প্রবোধ বাবু তাঁহাকে সান্ত্বনা বাক্যে বলেন, “মা! আমাদের যাইবার সমস্তই স্থির হইয়াছে, সে বিষয়ে আপনার কোন চিন্তা নাই। এবার আমরা নিশ্চয়ই যাইব।” এই সকল কথা শুনিয়া তাঁহার মাতার আর

কোন সন্দেহ রহিল না। তাঁহার দৃঢ় বিশ্বাস জন্মিল যে, এবার নিশ্চয়ই তীর্থযাত্রা ভাগ্যে ঘটিয়াছে।

অতুলবাবু একমাসের অবকাশ লইয়া আসিয়াছিলেন, কিন্তু জ্যেষ্ঠের অমুরোধে তাঁহাকে আরও কিয়দ্দিনের জন্য অবকাশ লইতে হইয়াছে। অতুলকে সমভিব্যাহারে করিয়া তীর্থযাত্রায় বহির্গত হওয়াই প্রবোধ বাবুর একান্ত বাসনা।

মোহিনী নদেরচাঁদকে আসিবার জন্য অনেক অমুরোধ করিয়া পাঠাইয়াছিলেন, কিন্তু বাণীতে অল্পপস্থিত থাকা নিবন্ধন, সে সংবাদ পায় নাই। সংপ্রতি পুনরাগমন করাতে তাহার জননী তাহাকে একবার নীরদ বাবুর বাণীতে বসিতে কহিলেন। নদেরচাঁদ জনক জননীর আদরের ধন, পিতার জীবদ্দশায় সে যাহা ইচ্ছা তাহা করিত, পিতার মরণান্তেও তাহার সে দ্বাভাবের কহুখা হয় নাই।

নদেরচাঁদ দেখিতে বিলক্ষণ ছোট পুটে;—দেহ সূল, বর্ণ কৃষ্ণ, মস্তকের কেশরাশি কৃষ্ণবর্ণ বটে, কিন্তু পাতলা পাতলা; নাসিকা নাই বলিলেও অতুক্তি হয় না, হস্ত আঙ্গুল-লব্ধিত বয়স অনুমানে ত্রিশ। অপরের চক্ষে ঘেরূপ বোধ হউক না কেন, নদেরচাঁদ স্বয়ং আপনাকে পরম সুন্দর পুরুষ বলিয়া জ্ঞান করে;—রূপের গরিমা তাহার অন্তরে সদাই বিদ্যমান। যাহা হউক, জননীর অমুরোধে নদেরচাঁদ আশু নীরদ বাবুর বাণীতে উপস্থিত হইলে মোহিনীর আনন্দের পরিদীপা রহিল না। তিনি পরম আদরে ভ্রাতাকে সম্বন্ধনা করিয়া কহিলেন, “ভাই! তুমি এতদিন কোথায় ছিলে?



বিশেষ একটা কাজের জন্য তোমার ভগিনীপতি অনেকদিন হইতে তোমার অঙ্গদেহান করিতেছেন।”

“এতদিন কাজের চেষ্টায় ছিলাম। এখন পরশা না হইলে সংস্কার চলা ভার। আমাদের কি আর সে দিন আছে?”

স্বাতন্ত্র্য নির্বেদবাক্য শুনিয়া যেন কিঞ্চিৎ বাধিতচিত্তে মোহিনী বলিয়া উঠিলেন, “সে কাজ করিছে পারিলে আর তোমার কোন চিন্তাই থাকিবে না। কেমন করিত্তে পারিবে ত?”

উদ্বেজিতভাবে নদেরচন্দ্র বলিয়া উঠিল, “দিদি! বল কি? কাজ করিতে পারিব না, তবে তোমার ভাই হইয়াছি কেন? চমক বড় বড় লোকের কত মহা মহা কাজ শেষ করিয়া দিয়াছি, আর তুমি দিদি, তোমাকে একটা কাজ পারিব না, এই কি তোমার ধারণা?”

অক্ষুটক্ষণিতে দীর্ঘে স্বরে মোহিনী বলিলেন, “ভাই! চুপ কর, মৃদুস্বরে সব কথা বল। আজি কালি এ বাড়ীর যে ভাব হইয়াছে, কে কোথা হইতে কাণ পাতিয়া শুনিবে।”

“দিদি! তুমি এত ভয় করো না। লোকে বলে নদেরচন্দ্র কোন কাজের নয়, কিন্তু নদেরচন্দ্র যে মনের মত কাজ পার না বলিয়া কাজ করে না, তাহা কেহ বুঝিতে পারে না। যা হউক, দিদি! তুমি নীরব বাবুকে বলিও যে, আমি বিলক্ষণ কাজের লোক।”

স্বপ্নী হইয়া হাসিতে হাসিতে মোহিনী বলিলেন, “সেই মন্তই ত আমি তোমাকে ডাকিয়াছি;—তুমি কাজের লোক, না আমি জানি। যাহা হউক, তোমার কোন চিন্তা নাই, মতকর আমি আছি, ততকর তোমার কিসের ভাবনা! এই

দেখ না, এই বাড়ীতেই তোমার একটা সুবিধা করিয়া দিতেছি।”

দীর্ঘনিশ্বাস ত্যাগ করিয়া নদেরচাঁদ বলিল, “দেখ, তোমার ইচ্ছা। দিদি! আমি ত আর তোমাকে পর ভাবি না, তুমি যা ভাল বুঝবে, তাহাই করবে।”

এইরূপ কথোপকথন হইতেছে, সহসা নীরদ বাবু আসিয়া উপস্থিত। নদেরচাঁদকে দেখিয়াই তিনি হাসিতে, হাসিতে জিজ্ঞাসা করিলেন, “কি হে নদেরচাঁদ! ভাল আছ ত? এতদিন কোথায় ছিলে? তোমার যে দেখা পাওয়া ভার; ব্যাপারখানা কি?”

আমতা আমতা করিয়া মন্তক কণ্ঠস্থন করিতে করিতে নদেরচাঁদ বলিল, “আজ্ঞে হাঁ, এক রকম ভালই আছি। কোন কার্যোপলক্ষে স্থানান্তরে যাওয়াতেই যথাসময়ে আপনার জীচরণ দর্শনে বঞ্চিত ছিলাম। এখন জিজ্ঞাসা করি, আপনি আমাকে আসিতে বলিয়াছিলেন কেন?”

“কোন বিশেষ প্রয়োজন আছে।—বলি, একটু স্থির হও, উত্তর। হইও না, উত্তর। কাজ নয়।—তাই ত, নদেরচাঁদ। তোমার বয়স কাঁচা,—পারিবে ত?”

পতির মুখের কথা শেন হইতে না হইতেই অমনি মোতিনী বলিয়া উঠিলেন, “হাঁ গো হাঁ, নদেরচাঁদ নিশ্চয় পারবে। আমি ওকে বেশ জানি, আমরা এক মায়ের পেটের সন্তান, আমাকে দেখে তুমি ইহার স্বভাব জানতে পারলে না, তবে তুমি আবার পুরুষ কিসের? এই বুদ্ধিটুকুও ঘটে নাই।”

সহ হাস্য হাসিয়া ধীরে ধীরে নীরদ বাবু বলিলেন, “নদের-

চাঁদ যদি পারে, সে ত ভাল কথা । আপনার লোক, হুই পরলা পায় আর বেশী গোলযোগও হয় না ।”

উত্তেজিত ভাবে মোহিনী আবার বলিয়া উঠিলেন, “পারবে, পারবে,—নিশ্চয় পারবে । লোক দেখে চিন্তে পারি না ? কি কাজ বল, না পারে আমি বুঝবো ।”

আর কোন দ্বিভুক্তি না করিয়া নীরদ বাবু তৎক্ষণাৎ নদেরচাঁদকে কতি সরিধানে ডাকিয়া তাহার কাণে কাণে অতি শুশ্রূষা কতকগুলি গল্পকথা বলিয়া পুনরায় ধীরে ধীরে মুহূরয়ে কহিলেন, “নদেরচাঁদ ! দেখিও, সাবধান, যেন কোন প্রকারে প্রকাশ না হয় ।”

নদেরচাঁদ উত্তর দিতে না দিতে মোহিনী অগ্রেই বলিয়া উঠিলেন, “তুমি কি বল গা ! সে কথা কি মাহুবে প্রকাশ করে ! তাতে আবার নদেরচাঁদ আমার ভাই ।”

তখন ধীরে ধীরে নদেরচাঁদ নীরদ বাবুর দিকে চাহিয়া কহিল, “আজ্ঞে, আমাকে কিছু শিখাতে হবে না । আমি সব বুঝিয়াছি । এত সামান্য কাজ, ইহাতে আবার ভয় কি ! আমি ইহা অপেক্ষা কত বড় বড় কাজ হাসিল করিয়াছি । তবে—হাঁ,—সাবধান হওয়া চাই বৈ কি ।”

সুখী হইয়া নীরদ বাবু বলিলেন, “পারিলেই ভাল । ইহাতে তোমার লাভ ভিন্ন কতি নাই । এখন ও সব কথার আর আবশ্যক নাই, সকলই স্থির রহিল, যাঁহা যাঁহা করিতে হইবে পশ্চাৎ বলিয়া দিব । আর একটা কথা,—তোমার বোধ হয় কিছু অগ্রিম টাকা আবশ্যক হইতে পারে ।—কেমন, চাই ত ? আমি জানি তুমি ছেলে ভাল, তোমা দ্বারাই আমার সমস্ত কাজ শেষ হইবে । তা—কত টাকা এখন তোমার আবশ্যক বলত ?”

“আজ্ঞে, কিছু না।”—বৃহৎ বৃহৎ বাক্যে নদেরচাঁদ বলিল,  
“আজ্ঞে, কিছু না। আমার এখন টাকার প্রয়োজন নাই।  
তবে যদি দেন, পুকাশটা হইলেই চলে;—আমি অন্য ঘাই,  
পুনরায় কল্যা আসিব।”

ব্যস্তভাবে মোহিনী বলিয়া উঠিল, “না না, আজি আর  
ব্যয় না, কল্যা ঘাইবে।”

নীরদও মোহিনী ঘাইতে নিবেদন করিয়া কাৰ্য্যাচ্ছলে বহি-  
স্মৃতিতে প্রস্থান করিলে নদেরচাঁদ ভগ্নীকে বিরলে জিজ্ঞাসা  
করিল, “আচ্ছা দিদি! এ কাজ করার কারণ কি?”

“সে কথা তোমার এখন শুনিয়া কাজ নাই, পরে জানিতে  
পারিবে।”

প্রত্যুত্তর শুনিয়া নদেরচাঁদ পুনরায় বলিল, “আচ্ছা দিদি,  
আমার প্রতি যদি কেহ সন্দেহ করে?”

“সে ভাবনা তোমার নাই। কাজ ত সমাধা হউক, তাহা  
পর কোনরূপ গোল হয়, তোমার ভগ্নিপতি আছেন। তোমার  
কোন চিন্তা বা ভয় নাই। এত ভয় করিলে কি কাজ হয়?”

এই কথা শুনিয়া নদেরচাঁদ আবার বলিল, “দিদি! এ  
সব কাজে বড় ভয় হয়। সেই জান ত,—একটা সামান্য কাজ  
করিয়া কি পর্য্যন্ত বিপদে না পড়িয়াছিলাম। সে কি কম  
নাকাল! তাই বলি, দিদি পরামর্শ সকলেই নিতে পারেন,  
কিন্তু শেষ রক্ষা বড় গোল।”

কিকিৎ চমকিত হইয়া তাচ্ছল্যভাবে মোহিনী বলিয়া  
উঠিলেন, “ওঃ! তুমি বুঝি সেই কথা বলিতেছ?—সেই—  
বখন গিষ্টির গহনা বন্ধক দিতে, যাও? কেন?—সে সব ত  
মিটিয়া গিয়াছে?”

“হাঁ দিদি ! তোমার আলীকর্মে খিটিয়া গিয়াছে বটে, কিন্তু কত হাতে পায়ে ধরিয়া যে মীমাংসা করি, তাহা ভাবিয়া দেখ । নচেৎ কি নিস্তার ছিল ? এতদিন হয় ত দুই-তিন বৎসরের জন্য জেলে যাইতে হইত ।”

হঠাৎ নদেরচাঁদের কথায় বাধা দিয়া মোহিনী বলিয়া উঠিলেন, “চূপ কর ভাই চূপ কর । এদিকে বুঝি কে আসিতেছে । আমি একবার দেখি ।”

“তবে দিদি আমিও একবার বাহির্গাতিতে যাই । অনেকক্ষণ এখানে আছি, আমার হাত উঠিতেছে ।” এই বলিয়া নদেরচাঁদ বাহির্গাতিতে প্রস্থান করিল । দেখিতে দেখিতে সুরেশ আসিয়া উপস্থিত । মোহিনী তাহাকে আহারীয় প্রদান করিয়া গৃহকার্য্যে ব্যাপৃত হইলেন ।

এদিকে অতুল বাবুর অবকাশ প্রায় নিশেষ হইয়া আসিল, তথাপি জ্যেষ্ঠের পশ্চিমযাত্রার সুবন্দোবস্ত ঘটয়া উঠিল না । প্রবোধ বাবুর সহধর্ম্মিণী অদ্যাপি পিতৃগৃহে অবস্থান করিতেছেন । অতুল বাবু সপরিবারে, তথায় গিয়া একবার সাক্ষাৎ করিয়া আসিয়াছেন । অবকাশ প্রায় নিশেষ হইয়া আসিল দেখিয়া তিনি প্রবোধ বাবু পরামর্শে পুনরায় অতিরিক্ত একমাসের অবকাশ প্রার্থনা করিয়া পাঠাইলেন, কিন্তু প্রত্যুত্তরে একপক্ষের মাত্র অবকাশ মঞ্জুর হইয়া আসিল । প্রবোধ বাবু তদনুসরণে পূর্বপেক্ষা অধিকতর ব্যস্ত হইয়া যাবতীয় কার্য্য সুবন্দোবস্ত করিতে প্রবৃত্ত হইলেন । নীরদ বাবুও নিশ্চিন্ত নাই, তিনি স্বীয় ঔষধালয়ের ভার অস্ত্রের প্রতি ন্যস্ত করিয়া প্রবোধ বাবুর কার্য্যের সাহায্যে প্রবৃত্ত হইলেন ।

নীরদ বাবুর পুত্র সুরেশের সহিত অতুল বাবুর পুত্র

সতীশের ইতিপূর্বে আর কখন দেখা সাক্ষাৎ হয় নাই। উহার উভয়েই সমবয়স্ক, সুতরাং অভাবতই উভয়ের প্রণয় জন্মিল। অল্পদিনের মধ্যেই তাহাদিগের উভয়ের মধ্যে একরূপ সৌহার্দ্য জন্মিয়াছে যে, সর্বদাই একত্র আহার একত্র শয়ন ভিন্ন ভিন্নের অন্নও হানাত্তরিত হয় না। একের অদর্শনে অন্তরে হৃদয়ে কিছুতেই তৃপ্তি সকার হয় না। কেহ কোন আহারীয় পাইলে উভয়ে সমভাগ করিয়া ভোজন করে। বলিতে কি, তাহাদিগের এইরূপ অকৃত্রিম প্রণয় দেখিয়া অতুল বাবু ও তদীয় সহধর্মিণীর আনন্দের অবধি রহিল না। এ আনন্দের আরও একটা বিশেষ কারণ ছিল। একদিন অতুল বাবু কথাপ্রসঙ্গে তাঁহার সহধর্মিণীর নিকট বসিয়াছিলেন যে, জ্যেষ্ঠের পশ্চিমযাত্রা আপাততঃ স্থগিত থাকিলে, অধিকন্তু ইতিমধ্যে নিজের অবকাশ নিঃশেষ হইলে তিনি তদীয় স্ত্রী ভূষণকে চম্পাপুরেই রাখিয়া যাইবেন। এই কারণে ভূষণার হৃদয়ও আনন্দে উৎফুল্ল হইয়াছিল। একমাত্র সতীশের জন্মই তাঁহার বিশেষ চিন্তা; যদি সতীশের মন প্রকৃত পক্ষে তাহা হইলে এখানে কিছুদিন অবস্থান করা তাঁহার পক্ষে তাৎপর্য কষ্টকর হইবে না।

## নবম পরিচ্ছেদ ।

মহাপ্রস্থান ।

“Mad World ! Mad composition !”

Shakespeare.

দেখিতে দেখিতে অতুল বাবুর অবকাশের দিন নিঃশেষ হইয়া আসিল, তথাপি প্রবোধ বাবুর পশ্চিমযাত্রার সুবন্দোবস্ত হইল না। প্রবোধ ও নীলদ উভয়ে বহুবিধ চেষ্টা করিয়াও সকল কাজ সুনিষ্পন্ন করিয়া উঠিতে পারিলেন না। অগত্যা অতুল বাবু জ্যেষ্ঠের পরামর্শে পুনরায় একমাস অবকাশ প্রাপ্তির দত্ত আবেদন প্রেরণ করিলেন ; কিন্তু আশালভ্য ফলবতী হইল না। আশু প্রত্যুত্তর আসিল যে, যথাসময়ে কার্য্যস্থানে উপস্থিত না হইলে অতুলকে পদচ্যুত হইতে হইবে। কাজে কাজেই প্রবোধ বাবু আর বুঝা অতুলকে গৃহে আবদ্ধ রাখিতে চেষ্টা না করিয়া গমনে অসুমতি প্রদান করিলেন। কিন্তু অতুলের জননী, ভূষণা ও সতীশকে ঘাইতে দিতে সীকৃত হইলেন না। অগত্যা অতুল চম্পাপুরেই পুত্রকলত্র রাখিয়া কথঞ্চিৎ দিবসমানে, কার্য্যস্থানে যাত্রা করিলেন। গমনের পূর্বে একবার প্রবোধবাবুর সহধর্ম্মিণীর সহিত দাক্ষ্য করিতে গিয়াছিলেন। মলিনা অতুল বাবুকে পুত্রের ন্যায় ভালবাসিতেন। একে তাঁহার সম্বানাদি জীবিত ছিল না, তাহাতে শৈশবাবধি

অতুলকে পুত্রের ন্যায় লালন পালন করিয়া আসিয়াছেন, সুতরাং অতুলের প্রতিই তাঁহার সমধিক পুত্রস্নেহ পূর্ণ মাত্রায় জন্মিয়াছিল।

ইতিপূর্বেই প্রবোধ বাবুর অসুস্থতার কথা বলা হইয়াছে। নীরদ একটা ঔষধের ব্যবস্থা করিয়া দিয়াছেন, প্রত্যহ সন্ধ্যাকালে তাহা সেবন করিত হয়। প্রবোধ বাবু বহুদিনাবধি যথানিয়মে ঔষধ সেবন করিয়া আসিতেছেন, কিন্তু কিছুমান উপকার বা শাস্তিচিহ্ন লক্ষিত হয় নাই। শারীরিক অস্বাস্থ্যই তাঁর ব্যাধার বিলম্বের একটা প্রধানতম কারণ। বাড়ীতেই ঔষধাকর, সুতরাং প্রত্যহই প্রবোধ বাবুর জন্য ঔষধ প্রস্তুত হইত এবং নীরদ স্বয়ং তাহা পর্যবেক্ষণ করিয়া দিতেন।

অতুল বাবু কর্ণহুলে প্রস্থান করিবার পর একদা প্রবোধ বাবু সাক্ষ্যসাক্ষীরণ সেখানান্তে নিহৃত কক্ষে উপবেশন করিয়া আছেন, ইত্যবসরে নফরনামক জনৈক পরিচারক ঔষধিহস্তে সম্মুখে উপনীত হইলে তিনি জিজ্ঞাসা করিলেন, “কে ও ? নফর ? ঔষধ কোথায় ?”

“আজ্ঞে,—এই এনেছি” এই বলিয়া ঔষধপাত্রটী প্রবোধ বাবুর হস্তে প্রদান করিলে তিনি পুনরায় জিজ্ঞাসা করিলেন, “যেজ বাবু দেখিয়া দিয়াছেন ?”

“আজ্ঞে, হাঁ” বলিয়া ভৃত্য তথা হইতে প্রস্থান করিলে প্রবোধ বাবুও ঔষধ সেবন করিলেন। অনতিবিলম্বেই নীরদ বাবু তাঁহার নিকট উপস্থিত হইলেন। তখন প্রবোধ বাবু ও নীরদ উভয়ের কথোপকথন চলিতে লাগিল। প্রবোধ বাবু জিজ্ঞাসা করিলেন, “নীরদ ! কৈ, ইন্সটিগ্রেসন আপিসের পত্র ত পাওয়া গেল না ?”



“দাদা! আপিসের কাজ প্রায় ঠিক সময়ে সমাধা হয় না। তা—হুই একদিন বিলম্ব হইলে আর হানি কি? অতুল ত চলিয়া গিয়াছে। এখন আমার একটা দ্বিজ্ঞান আছে। যদি আমার প্রতিই বিষয়ের তত্ত্বাবধানের ভার দেন, তাহা হইলে একটা লেখাপড়া করিলে ভাল হয় না? নচেৎ আমার কথায় সকলের বিশ্বাস না হইতে পারে।”

অম্লানবদনে তৎক্ষণাৎ প্রবোধ বাবু বলিলেন, “অবশ্য—অবশ্য লেখাপড়া চাই। বিষয়ের তত্ত্বাবধান করিতে হইলে তোমার যাহা যাহা প্রয়োজন, আত্ম সমাধা করিয়া লও।”

“আমি একখানি টোপ লেখাপড়া করিয়াছি, আপনি একবার দেখিবেন কি?”

মুহূর্তমাত্র মৌনভাবে প্রাক্ষিপ্ত প্রবোধ বাবু উত্তর করিলেন, “আচ্ছা,—থাকুক, কল্য দেখা যাইবে।”

“বেশী কিছু লেখা হয়, আপনি ইচ্ছা করিলে এখনই দেখিতে পারেন। আমি অদ্য পূর্নাঙ্কেই লিখিয়া রাখিয়া ছিলাম, আপনাকে দেখাইতে স্মরণ ছিল না।”

প্রবোধ বাবু তৎক্ষণাৎ বলিলেন, “আচ্ছা, কাগজখানি কোথায়?”

“আমার গৃহেই আছে, আমি এখনই আনিতেছি,” এই বলিয়া নীরদ বাবু ক্ষুণ্ণগমন পূর্বক অনতিবিলম্বেই কাগজ হস্তে পুনঃ প্রত্যাগত হইয়া বলিলেন, “দাদা! এই দেখুন।”

প্রবোধ বাবু কহিলেন, “আমি রাতে ভাল দেখিতে পাইব না, তুমি পড় আমি শুনি।”

নীরদ বাবু কহিলেন, “আপনি স্বয়ং পড়িলেই ভাল হইত, যাহা হউক, ইহাতে যেরূপ লেখাপড়া হইয়াছে, তাহার স্থল

মর্ম এই যে, “আমাদের বিষয়—যাহা আমি এ পর্যন্ত তত্ত্বাবধান করিয়া আসিতেছিলাম, ইহার শ্রুত ও আসল যখন যাহা প্রয়োজন হইবে, তাহা আমার ভ্রাতা শ্রীমান নীরদ চন্দ্র মিত্র আমার স্বরূপ হইয়া মাসে মাসে অথবা তাহার নিজ সুবিধামত বিনা আপত্তিতে আদায় করিলে। আমি আপন ইচ্ছার শ্রুত শরীরে এই ক্ষমতা দিলাম।”

সরল অন্তঃকরণে প্রবোধ বাবু তৎক্ষণাৎ বলিয়া উঠিলেন, “বেশ লেখাপড়া হইয়াছে। এ লেখাপড়া তুমিত করিয়াছ?”

“আমার একটি উকীল বন্ধু আছেন, তাঁহার দ্বারা ই লিখাইয়াছি। এখন তবে কাগজখানি আমার নিকটেই রাখি?”

প্রবোধ বাবু বলিলেন, “দেও, একেবারে স্বাক্ষরটা করিয়া দি। কল্যাণ আমার মনে না থাকিতে পারে। এখন কাজ যত দীর্ঘ সমাধা হয়, ততই ভাল।” এই বলিয়া নীরদের হস্ত হইতে কাগজখানি লইয়া স্বাক্ষর করতঃ তৎক্ষণাৎ পুনঃ প্রত্যর্পণ করিয়া কহিলেন, “নীরদ! কল্যাণ হইতে সমস্ত কাজ কমের ভার তোমার উপরই রহিল,—তুমিই দেখিবে। তবে এখন যাও, রাত্রি হইয়াছে, আমিও শয়ন করি।”

নীরদ বিদায় লইয়া প্রস্থান করিলে প্রবোধ বাবু শয্যাতেল শয়ন করিয়া নানাবিধ চিন্তায় প্রবৃত্ত হইলেন। চিন্তা করিতে করিতে অকস্মাৎ নিদ্রাদেবী তাঁহাকে অচেতন করিয়া ফেলিল।

কিয়ৎক্ষণ পরেই নদেরচাঁদ হৃদপদমঞ্চারে ধীরে ধীরে সেই কক্ষে উপনীত হইল। সে মনে মনে বলিতে লাগিল, “এই বার মনের মত কাজ পাইয়াছি। এ কাজে বিলক্ষণ লাভ আছে বটে, কিন্তু ঘৃণাকরে প্রকাশ পাইলে প্রাণ লইয়া টানাটানি হইবে। সুবাস্তা মনে মনে এইরূপ চিন্তা করিতে

করিতে প্রবোধ বাবুর সন্নিহিত হইতে লাগিল । ক্রমে নিকটবর্তী হইয়া কহিতে লাগিল, “আর বিলম্বে প্রয়োজন কি ? আতা ! ইতারই নাম বিনা মেঘে বজ্রাঘাত ! বাহা হউক, টাকায় না হয় এমন কাজ জগতে নাই ।” এই বলিয়া পকেট হইতে এক খানি রুমাল বহির্গত করত প্রবোধ বাবুর নাসারন্ধ্রের ভিতর যেমন সঞ্চালন করিতে লাগিল, অমনি কণ্ঠকালের মধ্যেই প্রবোধ বাবু গোঁ গোঁ শব্দে ধরাশয্যায় পড়িত হইলেন । নদেরচাঁদও সেই অবসরে একশিশি ঔষধ ঢালিয়া দিয়া ক্রতপদে প্রস্থান করিল ।

মলিনার পিতৃগৃহ গমনের পর হইতেই প্রবোধবাবু বহির্কোণে শয়ন করিতেন ; কিন্তু এককী থাকিতেন না, নফর নামক ভৃত্য তাহার আদেশে সেই গৃহে থাকিত । সে প্রত্যহ আপনার নিয়মিত কার্য শেষ করিয়া প্রবোধবাবুর শয়ন গৃহে আগমন পূর্বক শয়ন করিত ।

নফর এক জন বিশ্বস্ত ভৃত্য । কোন বিশেষ কাজ উপস্থিত হইলে প্রবোধবাবু নফরের প্রতিই তাহার ভার দিতেন । নফর শৈশবাবধি প্রবোধবাবুর নিকট প্রতিপালিত হইয়াছে, সুতরাং প্রবোধবাবুকেই পিতৃব্য জ্ঞানে ভক্তি ও সম্মাননা করিত এবং প্রবোধবাবুর কার্যে প্রাণ দিতেও কুণ্ঠিত ছিল না । প্রবোধ বাবুর সহধর্মিণী মলিনাও তাহাকে পুত্রব্য শ্রেহ করিতেন । কলকথা, নফরকে তাহার প্রকৃত নফর বলিয়া জ্ঞান করিতেন না । নফর তাহাদিগের একান্ত প্রিয়পাত্র ছিল ।

গৃহস্থের গৃহে বিশেষতঃ বহুপারিবারিক সংসারে দৈনিক কার্য প্রতিদিন প্রকৃত সময়ে বা ঠিক সময়ে সমাধা হয় না । হয় ত কোন দিন রাত্রি নয় ঘটিকার মধ্যেই আত্মাদি সমাহিত

হইয়া যায়, আবার হয় ত কোন দিন রাত্রি দুই প্রহর হইয়া পড়ে। এই সকল কারণেই নফর প্রত্যহ এক সময়ে শয়ন করিতে আসিতে পারিত না। আমরা যে দিনের ঘটনা বর্ণন করিতেছি, সে দিন সমস্ত কার্য শেষ করিতে নফরের রাত্রি দুই প্রহর অতীত হইয়াছিল। সে বাস্তবসম্মত ভাবে প্রবোধ বাবুর কক্ষে আসিয়া দেখিল, গৃহ তিমিরাবৃত; আলোক নির্দীপিত হইয়া গিয়াছে। তখন সে বহির্গমন পূর্বক গহাস্তর হইতে একটি আলোক লইয়া কক্ষ মধ্যে যেমন পুনঃ প্রবেশ করিল, অমনি তাহার শরীর লোমাক্ষিত হইয়া উঠিল;—ভীষণ দৃষ্ট দর্শনে তাহাকে চিত্তপুত্তলিকাবৎ স্তম্ভিত হইতে হইল। প্রবোধ বাবু খটখটায় হইতে ভূপতিত হইয়া নিশ্পন্দ—নিশ্চেষ্ট ভাবে লুপ্তিত হইতেছেন! তদর্শনে নফর বাকশক্তি রহিত ও কিংকর্তব্যবিমূঢ় হইয়া কণকাল অবস্থান পূর্বক দ্রুতগতি প্রবোধ বাবুর জননীর নিকট গিয়া সংবাদ দিল। বৃদ্ধা মণিহারী কণিনীর স্ত্রায় পাগলিনী বেশে ছুটিয়া আসিলেন;—দেখিলেন, তাঁহার হৃদয়ের ধন ধরাশয্যায় পড়িয়া বিলুপ্তিত হইতেছে। তদর্শনে বৃদ্ধা বস্মে করাঘাত করিয়া উচ্চৈঃস্বরে ক্রন্দন করিয়া উঠিলেন। “হা হতবিধে! তোমার মনে কি এই ছিণ? হা প্রবোধ! একবার অভাগিনীর সহিত কথা কও, তাপিত প্রাণে প্রবোধ পাই। এই কি তোমার বুদ্ধাবনে যাওয়া! অভাগিনীকে ফেলিয়া কোথায় গমন করিলে?” এইরূপে রোদন করিতে করিতে অকস্মাৎ বৃদ্ধা মুচ্ছিতা হইয়া ধরাশায়িনী হইলেন।

বৃদ্ধার রোদনধ্বনি কর্ণকুহরে প্রবেশ মাত্র বাটীর সকলেই সেইস্থানে আসিয়া উপস্থিত হইল। মোহিনী ও ভূষণা দাসদাসী-গণের সাহায্যে বৃদ্ধাকে তথা হইতে অন্তঃপুরে লইয়া গেলেন।

এদিকে নীরোদ বাবুও সেই সংবাদ বখা সময়ে প্রাপ্ত হইলেন । তিনি তৎক্ষণাৎ একজন ভাল ডাক্তার আনাইয়া সস্তর তাঁহার ঘোষ্ঠের নিকট উপস্থিত হইলেন । উভয়ের কিম্বৎকণ পরামর্শ হইল । নীরদ বাবু বলিলেন যে, আমার বোধ হয়, দাদার কোন জ্বররোগ হইয়া থাকিবে । কিন্তু তিনি যে কেন ইহা আমাদের জানান নাই, তাহা আমি অবগত নহি । কেমন, আপনার কি বোধ হয় ? নীরোদ বাবুর কথা শুনিয়া তিনি বলিলেন, “আমি স্পষ্টই দেখিতেছি যে আপনার ডাক্তার জ্বররোগ ছিল এবং সেই রোগেই তাঁহার হঠাৎ মৃত্যু হইয়াছে । বাহা হউক, আর কোম গোলযোগের প্রয়োজন নাই । বাহা হইবার অবশ্যই হইবে । আমরা সইস চেষ্টা করিলেও ঘটনাচক্রের গতি ফিরাইতে পারিব না ।” পরে নীরদবাবুকে সম্বোধন করিয়া বলিলেন, “নীরদ বাবু ! আপনি স্বয়ং একজন ডাক্তার । এইরূপ ঘটনা প্রায়ই আপনার প্রতি গোচর হইয়া থাকে । অতএব ইহার মন্ত আপনাদেব স্বীয় ধীর প্রকৃতির লোকের এতাদৃশ চঞ্চল হওয়া উচিত নহে । আপনি শীঘ্র শীঘ্র উদ্যোগ করিয়া মৃতদেহের সংকার করিতে আদেশ দিন । আর কতকাল এরূপ করিয়া সময় নষ্ট করিবেন । বাহা গিয়াছে তাহাত আর ফিরিয়া পাই-  
কেন না । তবে মৃতদেহ অধিকক্ষণ গৃহে রাখিয়া সকলকে দাওনা দেওয়া উচিত নহে । আপনি যত শীঘ্র পারেন সংকারের উদ্যোগ করুন । নতুবা কোন গোলযোগের সম্ভাবনা নাই । এই বলিয়া তিনি তথা হইতে প্রস্থান করিলেন ।

নীরোদ বাবু তাঁহার কথামত প্রবোধ বাবুর মৃতদেহ সংকারের আদেশ করিয়া অন্তরে প্রবেশ করিলেন ও মলিনাকে পিতৃদেহ হইতে আনয়ন করিতে আদেশ দিলেন ।

## দশম পরিচ্ছেদ ।

By Heaven I'd do.

Shakespeare.

### পারিবে ত ?

প্রবোধবাবুর বুদ্ধা জননীর আর সংজ্ঞা লাভ হইল না। তিনি অচেতনভাবে শয়ন করিয়া থাকেন আর মধ্যে মধ্যে এক একবার “প্রবোধ প্রবোধ” বলিয়া চীৎকার করিয়া উঠেন। মোহিনী ও ভূষণা আহাৰ নিজে ত্যাগ করিয়া তাঁহার সেবা করিতেছেন, কিন্তু কিছুতেই রোগের বিন্দুমাত্রও উপশম হইল না। উত্তরোত্তর পীড়ার বৃদ্ধি দেখিয়া নীরদ বাবু একজন সুবিজ্ঞ বহুদর্শী ডাক্তারকে আনয়ন করিলেন। ডাক্তার মহাশয় বহুক্ষণ যাবৎ রোগপরীক্ষা পূৰ্ণক ঔষধের বন্দোবস্ত করিয়া একটি দীর্ঘনিশ্বাস পরিত্যাগ করতঃ কহিলেন, “নীরদ বাবু! আমি ঔষধ দিলাম বটে, কিন্তু আমার বিবেচনায় রক্ষা পওয়া হুঁকুহ। বৃদ্ধ বয়সে এরূপ রোগে প্রায়ই জীবিত থাকিতে দেখা যায় না।”

ডাক্তার এই কথা বলিয়া প্রস্থান করিলে বাটীর সকলেই ব্যাকুলিত চিত্তে রোদন করিতে লাগিল। নীরদবাবু প্রবোধ বচনে সকলকে সান্ত্বনা করিয়া স্বয়ং জননীর সেবার নিমুক্ত রহিলেন। কিন্তু অধিক দিন তাঁহাকে এরূপ সেবা করিতে হয় নাই। প্রবোধ বাবুর মাতা প্রিয় পুত্র প্রবোধ চন্দ্ৰের বিচ্ছেদ বাতনা সহ করিতে পারিলেন না। তিনিও সংসারের

অপর সকলকে পরিত্যাগ করিয়া স্বয়ং প্রবোধ বাবুর সহিত সাক্ষাৎ মানসে ইহলোক পরিত্যাগ করিলেন।

নীরোদ বাবু এককালে জ্যেষ্ঠভ্রাতা ও জননীকে হারাইয়া প্রথমতঃ বিশেষ উদ্বিগ্ন হইয়া পড়িলেন। কিন্তু অল্প সময়ের মধ্যে সকল শোক বিস্মৃত হইয়া আবার সংসারিক কর্ত্তব্যে মনঃ সংযোগ করিলেন। অতুলকে যথাসময়ে এই দৈব দুর্ঘটনায় বিষয়-আদ্যোপান্ত জ্ঞাপন করিলেন।

নীরোদ বাবু বাহ্যিক যতই কেন দুঃখিত হউক না, তিনি আন্তরিক অত্যন্ত আনন্দিত ছিলেন। তিনি জানিতেন যে, জ্যেষ্ঠকে কোনরূপে শেখ করিতে পারিলে বিষয় তাঁহারই হইবে। কিন্তু তাঁহার মাতা যে ইহাতে মৃত্যুমুখে পতিত হইবেন, ইহা তাঁহার ধারণা ছিল না। বাহ্য হউক, ইহাতেও তিনি কম আনন্দিত নহেন।

যথাসময়ে প্রবোধ বাবুর ও তাঁহার মাতার শ্রাদ্ধাদি সম্পন্ন হইয়া গেল। মিত্র মহাশয়দের ইতিপূর্বে যতগুলি কর্ত্তব্য হইয়া গিয়াছে, সে সকল গুলিই অত্যন্ত সমারোহের সহিত হইয়াছিল। কিন্তু একাধো সেরূপ কিছুই নাই। নীরোদ বাবু একাকী, স্মৃতরাং তিনি সকল কার্য্য কিরূপে সম্পন্ন করিবেন। বিশেষ নীরোদ বাবুর স্ত্রী মোহিনীর কথায় নীরোদ বাবু অল্পব্যায়েই সমস্ত সমাধা করিলেন। অতুল বাবুর নিকট হইতে ইতিপূর্বে একখানি পত্র পাইয়াছিলেন, তাহাতে নীরোদ বাবু জানিতেন যে, শ্রাদ্ধের সময় অতুল বাবু উপস্থিত হইতে পারিবেন না, তবে যদি অবকাশ পান, পরে আসিতে পারেন। স্মৃতরাং নীরোদ বাবুর সকল বিষয়েই সুবিধা হইয়াছিল।

নদেরচাঁদ একটা কার্য্য সম্পন্ন করিয়াছে। সে কর্ত্তব্য আবার

যে সে কর্তৃক নহে,—বিশেষ সাবধানের সহিত সম্পন্ন করিতে হইরাছে। সেইজন্য নদেরচাঁদ নীরোদ বাবুর অত্যন্ত প্রিয়-পাত্র হইয়া উঠিল। পূর্বে তাহার যে ভয় ছিল, এখন আর তাহার সে ভয়ের কিছুই রহিল না। নদেরচাঁদ এইরূপে ভগ্ন-পতির অসুখ হইয়া আপনাকে ক্ষুদ্র নবাব বলিয়া ভাবিতে লাগিল, কাহাকেও বড় জ্ঞেপ করিত না, যাহা ইচ্ছা তাহাই করিত। আর তাহার কার্য্যে কোন লোকও কিছু বলিতে সাহস পাইত না। কেন না নীরোদ বাবু ও মোহিনী তাহাকে যথেষ্ট যত্ন করেন। এখন নদেরচাঁদের উপরই একরূপ সন্ত্রাস রক্ষার ভার অর্পিত হইল।

একদিন নদেরচাঁদ বহির্কোণে উপবেশন করিয়া আছে এমন সময়ে একজন ডাক হরকরা সেই স্থানে আসিয়া বলিল, “মহাশয়! নীরোদ বাবুর নামে একখানা চিঠি আছে নিম্ন। আর চারিটা পয়সা বেশী দিতে হবে।”

নদেরচাঁদ। বেশী দিতে হবে কেন? টিকিট দেওয়া রয়েছে ত।

ডাক। আজ্ঞে ওজনে কিছু বেশী আছে। সেই জন্য আরও পয়সা দিতে হইবে।

নদেরচাঁদ। তবেই ত গোল। বেটারা গেল কোথায়? কাহাকেও যে দেখিতে পাই না। বেটারা থাকে আর যুমাতে, কাজের সময় পাওয়া যায় না। আমি হ’লে এতদিনে বেটারদের সব দূর করে দিই—” এই বলিয়া নব! নবু! বলিয়া চীৎকার করিতে লাগিল।

নব প্রবোধ বাবুর প্রিয় ভৃত্য, হুতরাং তাহারই উপর এখন সকল কর্তব্যের ভার পড়িয়াছে। এখন



নদেরচাঁদ তাহাকে আহ্বান করিতেছিল, তখন সে পোহোনে নিযুক্ত ছিল। অনেক ভাকাডাকির পর নব বহির্দ্বাৰীতে আসিয়া উপস্থিত হইল। তাহাকে দেখিয়াই নদেরচাঁদ ক্রোধে প্রজ্জ্বলিত হইয়া উঠিল এবং বলিল, “হ্যাঁরে নবা! এতক্ষণ কি করছিলি? আমার কথা কি তোর খাতিরে আসে না?”

নব। আজ্ঞে আপনার কথা শুনিতে পাই নাই।

নদেরচাঁদ। না শুন্তে পাইনি। আমার ভাকে পাড়াগড় লোক বাতিবস্ত হইয়া পড়িল, আর তুই বেটা বলিস্ কি না শুন্তে পাইনি। এখন দিদির কাছ থেকে চারিটা পরসানিয়ে আর’ বলিস্ মেজ বাবুর একখানা চিঠি এসেছে।

নবকুমার ‘যে আজ্ঞে’ বলিয়া তথা হইতে প্রস্থান করিল ও তৎক্ষণাৎ এক আনা পরসান লইয়া নদেরচাঁদের হস্তে দিয়া আপনা আপনি কি বলিতে বলিতে অপর কণ্ঠে নিযুক্ত হইল। নব প্রস্থান করিলে পর নদেরচাঁদ হরকরাকে জিজ্ঞাসা করিল, “এ চিঠি খানা কোথা হতে আসছে।”

ডাক। আজ্ঞে দেখুন না, কোথাকার শীলমোহর আছে।

নদেরচাঁদ। এ ত আমি বুঝতে পারি না। তুমি দেখত বাপু।

ডাক। আজ্ঞে এখানি দিল্লী হইতে আসিতেছে।

নদেরচাঁদ। ওঃ বুকেছি বুকেছি, এখানি অতুল বাবুর নিকট হইতে আসিতেছে।

‘যথাসময়ে নদেরচাঁদ সেই পত্র নীরোদ বাবুর হস্তে প্রদান করিল। নীরোদ বাবু পত্র খুলিয়া পাঠ করিলেন, পরে বলিতে লাগিলেন, দেখ নদেরচাঁদ, ঈশ্বর আমাদের সহায়। তা না হইলে এমন সময়ে এটি আমার নিকট আসিবে কেন।

অতুল লিখে, এখন তাহার কাজের এত গোলযোগ যে, সে কোন ক্রমেই বাটীতে আসিতে পারিবে না। ঘাছা হউক, এতকণে আমার মন কতকটা স্থির হ'ল। এমন সময়ে যদি অতুল এখানে এসে উপস্থিত হয়, তাহা হইলে আমাদের সকল কাজই নষ্ট হইবে। নদেরচাঁদ তোমাকে সে দিন য কাজের কথাটা বলিলাম, তাহার কি করিলে? পারিবে ত?

“জাঙ্কে ই, খুব পারুব। আপনি ত স্বচক্ষে দেখলেন নদের চাঁদ কেমন কাজের লোক, আবার আপনি সন্দেহ করেন?”

নীরোদ। সন্দেহ নয়হে, এটা তার চেয়েও শক্ত কাজ। জান ত কত বিপদ। সেই জন্য তোমাকে সাবধান করিয়া দিতেছি।

নদেরচাঁদ। মনের মত কাজ পেলে খতই কেন শক্ত কাজ হউক না সহজেই শেষ করিতে পারি। টাকায় কিনা হয়?

নীরোদ। ওহে তাতে তোমার কোন সন্দেহ নাই। কিন্তু দেখ যেন শেষে গোল না হয়। আর তোমার ভয়েরই বা কারণ কি? আমি যখন তোমার সহায় রহিলাম তখন তোমার ভয় কিসের?

নদেরচাঁদ। সে আর বোলতে। আপনি আমার দিকে রহিলে আর কাহাকে ভয়? আচ্ছা আপনারই বাগানে যওয়া কবে হবে?

নীরোদ। সেই বিষয়টা একদিন ধার্য্য করে বলে দেওয়া যাবে। এখন তোমার টাকার কিছু ব্যয়ত আছে?

নদেরচাঁদ। আস্তা ছিল বুটে কিন্তু—

নীরোদ । কিন্তু কেনহে । এই নাও, এমন একশত টাকা ।  
যদি ইহার মধ্যে আরও কিছু প্রয়োজন হয়, তাহা হইলে আমাকে  
জানাইও ।

নদেরচাঁদ । যে আজ্ঞা । নীরোদ বাবু আপনি নিশ্চিন্ত  
থাকুন, নদেরচাঁদ একাজ ঠিক শেষ করিবে ।

নীরোদ । বেশ ! বেশ ! দেখা যাবে । আর পান্নেই তোমার  
ভাল । এখন চল, কাল যা হই পরামর্শ করা যাইবে ।

নদেরচাঁদ । আজ্ঞা আমি এখন এখানেই কণেক অপেক্ষা  
করিব । একজন লোক আমার সহিত সাক্ষাৎ করিতে আসিবেন ।  
আপনি অগ্রসর হউন । নীরোদবাবু প্রস্থান করিলে পর নদেরচাঁদ  
মনে মনে নানা প্রকার চিন্তা করিতে লাগিল । সে ভাবিল,  
নীরোদ বাবু বাস্তবিকই আমার দুঃখে দুঃখী, তা না হইলে উনি  
কিরাপে জানিতে পারিবেন যে, আমার হাতে টাকা নাই ।  
এরূপ ভগ্নীপতি না হইলে আমাদের মত লোক গুলির দশা  
কি হইবে । যাহা হউক আরও সকল অসৎ চিন্তায় প্রয়োজন  
নাই । অনেক দিনের পর টাকা গুলি পাওয়া গেছে, একটু আমোদ  
করা যাউক । এই বলিয়া নদেরচাঁদ তথা হইতে প্রস্থান করিল ।

অতুল বাবু দিল্লী যাইবার সময় শ্রামা নাম্নী পরিচারিকাকে  
তাঁহার স্ত্রী পুত্রের পরিচর্যা করিবার জন্য রাখিয়া যান । শ্রামার  
বয়স হইলেও যৌবনমত্তাবস্থায় চপলতার ভ্রাস হয় নাই ।  
শ্রামাকে দেখিলেই বোধ হয় যে, সে যৌবনকালে একজন  
নন্দরী ছিল । কিন্তু তা বলিয়া শ্রামার চরিত্র বিষয়ে কোন দোষ  
আছে এরূপ মনে করিবেন না । নদেরচাঁদ অনেক দিন হইতেই  
শ্রামাকে পাইবার চেষ্টা করিতেছে, কিন্তু কোনরূপে কৃতকার্ধ্য  
হইতে পারে নাই । হাতে টাকা পাইয়া নদেরচাঁদ একবার

জামাকে অধোণ করিতে লাগিল । কিন্তু কোনকপে কৃতকার্য হইতে না পারিয়া পুনরায় নীরোদ বাবুর বাটীর বাহিরে আসিয়া নানা প্রকার চিন্তা করিতে লাগিল । এমন সময় নবকুমার তাহার নিকট আসিয়া বলিল যে, বহির্জ্বারে তাহাকে কে অধোণ করিতেছে । নদেরচাঁদ শশবাস্তে যেমন সেই স্থানে গমন করিবে, অমনি বাহির হইতে কে যেন বলিয়া উঠিল, “হাঁরে নদেরচাঁদ ! তুই এখানে ভগ্নিপতির ব্যাটীতে থাকিয়া সুখভোগ করিতেছিস্, আর ব্যাটীতে তোর মার যে শক্ত বারাম—বাড়ী যাবি না—আয় ।” নদেরচাঁদের অবস্থা তখন ভাল ছিল না । বহুদিন পরে আজ তাহার হাতে টাকা পড়িয়াছে, সুতরাং সে যে টাকার সদ্যবহার করিবে, তার আর আশ্চর্য্য কি ? সেই জন্যই সে আজ কিঞ্চিৎ পরিমানে মদ্য পান করিয়া বড়ই ক্ষুধিত অনুভব করিতেছিল । এমন সময়ে মাতার পীড়ার কথা তাহার ভাল লাগিবে কেন ? সে সেই কথা শুনিয়া তৎক্ষণাৎ বলিয়া উঠিল, “ক হে তুমি ! বড় লোক দেখে বুঝি মো সাহেবি কোহতে এসেছ । সে সব হবে না হে । এ কিছু আর আমি পৈতৃক বিষয় পাইনি যে, দশ পেনেরটা মো সাহেব রাখিব । এ আমার নিজের রোজগারের টাকা । এখানে ওসব কিছু হবে না, সরে পড় ।”

আগতক নদেরচাঁদের পিতৃবা । নদেরচাঁদ অল্প বয়সে পিতৃহীন হইলে তাহার পিতৃবাই তাহাকে লালন পালন করিয়া ছিলেন । আপাততঃ নদেরচাঁদের মাতা ভয়ানক পীড়িত, সেই জন্য তাহার পিতৃবা তাহাকে সেই সংবাদ নিতে আগমন করিয়াছেন । কিন্তু নদেরচাঁদের মস্তিষ্ক তখন স্মরণদেবীর কৃপায় বিদূর্ণিত হইতেছিল । সেই কারণে সে ভাল করিয়া কণ্ঠের বৃষ্টিতে

পারে, নাই। তাহার পিতৃব্য তাহার মুখে ঐ কথা শুনিয়া বলিলেন, “নদেরচাঁদ ! তুই কাকে কি বলিতেছিস, আমি যে তোর কাকা।” নদেরচাঁদও অল্পে ছাড়িবার নহে, সেও বলিয়া উঠিল, “দেখ বেণী কথা বলিবার প্রয়োজন নাই। পরসূ হইলে অমন অনেক বাবা খুড়ো হয়ে থাকে, বলছি চলে যাও, এখানে কিছু হবে না। নদেরচাঁদ কি ভেমন পাত্র ?” এই বলিয়া তৎক্ষণাত্ তথা হইতে প্রস্থান করিয়া অন্তরে প্রবেশ করিল। আগন্তুক অনেকক্ষণ পর্যন্ত তাহার প্রত্যাশায় রহিলেন, কিন্তু যখন দেখিলেন যে, নদেরচাঁদ আর প্রত্যাগমন করিল না, তখন তিনি মনে মনে আপনাতক শিকার দিতে দিতে স্বগৃহে প্রত্যাগমন করিলেন।

নীরোদ চন্দ্র স্বীয় উদ্দেশ্য অনেক পরিমাণে সাধিত করিয়া আনিয়াছেন। বিষয় হস্তান্তর করিবার জন্য প্রধান কটক জোষ্ঠ ভ্রাতাকে সুকৌশলে ইহ জগত হইতে অপহৃত করিয়া দিলেন। প্রবোধ চন্দ্রের একরূপ আকস্মিক ব্যারাম ও মৃত্যু সকলেই যে বিশ্বস্তমনে বিশ্বাস করিয়াছিল তাহা নহে। অনেকেরই মনে ধারণা হইয়াছিল যে, ইহার ভিতরে কিছু না কিছু গোলযোগ আছে। এখন নীরোদ চন্দ্র প্রভূত ঐশ্বর্যের অধীশ্বর। সেই জন্যই প্রতিবেশীরা কেহই তাঁহার সমক্ষে এ বিষয়ে কোন কথা উত্থাপন করিতে সাহস করে নাই। নীরোদ চন্দ্রের অনাক্ষাতে তাহারাই এই সব কথা লইয়া যথেষ্ট আন্দোলন করিত, এবং নীরোদ চন্দ্র যে এই ঘটনার মধ্যে আছেন একরূপ মত প্রকাশ করিতেও কুণ্ঠিত হইত না। নীরোদ চন্দ্রও কি তাহা আনিছেন না ? এতদূর নিষ্ঠুর কার্য কি তাঁহার স্বদয়কে একটুও চঞ্চল করে নাই ? অবশ্য তাঁহার মন

এক একবার অতীত ঘটনা স্মরণ করিয়া অবসর হইয়া পড়িত । তখনই আবার অপরিমিত অর্থতৃষ্ণা আসিয়া তাঁহার মনকে অন্যপথে লইয়া বাইত । তিনি মনে করিতেন, এইক্ষণ যখন কালসপকে আলিঙ্গন করিয়াছেন, তখন ইহাতে আর পঞ্চাংগদ হইবার প্রয়োজন কি ? তিনি কি করিতেছেন ? ইহার চরম পরিণতি কি ? এপর্যন্ত একদিন ভাবিবার অবকাশ পান নাই, অথবা মনকে ভাবিতে অবকাশ দেন নাই । যদি কখন কোন কার্য দ্বারা নীরোদ চক্ষের মনে একটু ভাবান্তর লক্ষিত হয়, অমনি মেজ বউ মোহিনী শক্তি দ্বারা সে টুকু অপসারিত করিয়া দেয় । সত্যই যখন আমরা কোন পাপকার্য করিতে যাই, তখন কি একবার ভাবিয়া দেখি, যে কি করিতে যাইতেছি, ইহার ফলাফল কি ? যদি তাহাই ভাবিবার শক্তি থাকিবে, তাহা হইলে হয়ত সে কার্য করিতাম না । মানব নীতিস্থ দুর্বল, প্রলোভনে স্থির থাকিতে পারে না । কোনজন প্রলোভনের বস্ত্র সম্মুখে আসিলেই অমনি “পতঙ্গবৎ বহির্মুখঃ” কাপাইয়া পড়ে । তখন তাহার হিতাহিতজ্ঞান শূন্য হইয়া যায় । ভাল মন্দ কিছুই বুঝিতে পারে না, অথবা বুঝিয়াও বুঝিতে চায় না । দারুণ মোহে মত্ত হইয়া পুড়ে । প্রলোভনের বস্ত্রটি হস্তে আসিয়া পড়িলেই অতি ধীরে জ্ঞানের বিকাশ হইবে, অতি ধীরে স্বীয় কুকার্যের জন্য অনুতাপ আসিয়া উপস্থিত হয় । ক্রমে অনুতাপ বৃদ্ধি হইলে একরূপ কাজ আর করিব না বলিয়া মনঃ স্থির করিতে চেষ্টা হয় । কিন্তু তাহা কতক্ষণ ; দুদিন পরেই দেখিবে, মনের সেই দৃঢ়তা হ্রাস হইতেছে আবার একটু পাপ কার্যে মন অগ্রসর হইতেছে ।

হাস্য করিয়াছিল। তুমি যদি মানব হৃদয়কে এত ভাল করিয়া গড়িয়াছ, তবে কেন তুমি কেন স্বার্থ করিয়াছ ? আমার পথ এত মন্থণ কেন ? ক্ষতিই বা তোমাকে কে দিতে বলিয়াছিল ? ভগতে এত বিচিন্তার সমাবেশ কেন ? এক ভাবেই ত চলিতে পারিত ? দয়াময় ! ইচ্ছা করিয়া মানব মনে এত কষ্ট দেও কেন ? ইহাও কি তোমার মহত্বের পরিচায়ক ! অথবা আমরা দুঃখময় পৌরভগতের মধ্যে পৃথিবী একটি ক্ষুদ্র কলিকা মাত্র, তাহার মধ্যে মানব একটি ক্ষুদ্রাদপি অণুমাত্র । মানব তোমার বিশ্বব্ৰহ্মের মহিমা কি বুঝিবে ? আমরা বাহাকে কার্য বলিয়া মনে করি, এবং পাপপুণ্য বলিয়া প্রভেদ দেখি, তোমার কাছে বোধ হয়, তাহা কিছুই নয় !

দেখা যাউক আমাদের নীরোদচক্ষু তাঁহার অর্থহিয়ার জন্য আরো কতদূর অগ্রসর হন।

## একাদশ পরিচ্ছেদ ।

এই ত সুযোগ ।

“The earth had not a hole to hide this deed.”

Shakespeare.

ঐশ্বর্যকাল । বেলা প্রায় নয়টা বাজিয়াছে । রৌদ্রের উজ্জ্বল  
ক্রমেই বাড়িতেছে । রাখালগণ গরুর পাল লইয়া এক এক  
গাছি লাঠি হস্তে মাঠের দিকে ধীরে ধীরে গমন করিতেছে ।  
গোপগৃহিণীগণ তুফাও হস্তে লইয়া বাড়ী বাড়ী তুফা বিক্রয়  
করিয়া বেড়াইতেছে । কুলবধূগণ গৃহকর্ণে মনঃসংযোগ করি-  
তেছে । বুদ্ধা রমণীগণ স্নানের উদ্যোগ করিতেছে । বাড়ীর  
কর্তারা একে একে পরিচারকদিগকে আবশ্যকীয় দ্রব্য সামগ্রী  
অনয়ন করিতে আদেশ করিতেছেন । বালকেরা তাঁহাদের  
নিকট অগ্রসর হইয়া “আনায় সন্দেশ ! আমায় মিঠাই !”  
এইরূপ অনুরোধ করিতে আরম্ভ করিতেছে । কর্তা নিঃশব্দগণ  
এক একবার ভৃত্যকে হিসাব বুঝাইয়া দিতেছেন, আর এক  
একবার ছেলেদের শাস্ত করিতেছেন । যুবকেরা প্রাতঃস্নাত্য  
সমাপন করিয়া আপন আপন কর্ণে মনঃসংযোগ করিতেছেন ।  
এইরূপ সময়ে অতুল বাবুর পুত্র সতীশ ভূষণার নিকট দৌড়িয়া  
আসিয়া বলিল, “মা ! জ্যেষ্ঠাইমারা কোথায় যাচ্ছেন ?”



ভূষণার স্বামী অতুলবাবু অনেক দিন হইল দিল্লী গিয়াছেন। কিন্তু ভূষণা এ পর্য্যন্ত তাঁহার কোনও সংবাদ পান নাই। যাইবার কালীন ভূষণাকে বলিয়া যান যে, তিনি মধ্যে মধ্যে পত্রাদি লিখিয়া তাহাদের সঙ্গাদ লইবেন, কিন্তু ভূষণা অনেক দিন পর্য্যন্ত কোনও সংবাদ না পাওয়াতে বড়ই চিন্তিতা ছিলেন। এমন চিন্তা আজ তাঁহার নুতন নহে। এই চিন্তাই তাঁহার কালস্বরূপ হইয়াছে। অবসর পাইলেই অতুল বাবুর চিন্তা তাঁহার মনোমধ্যে আপনা আপনিই উদয় হইয়া থাকে।

পুত্রের কথায় ভূষণার চিতন্যোদয় হইল। তিনি বলিলেন, “সতীশ! তোমার সেঠাইদারা আজ ঠাকুর দর্শনে যাকেন। কেন, তোমার যাবার ইচ্ছা হয়েছে? তুমি যাবে?”

সতীশ। চল না মা, আমার যেতে বড়ই সাধ হয়েছে।

ভূষণা। যাবে বই কি বাবা।

সতীশ। কবে যাবে মা। আজ তুমি ওদের সঙ্গে চল না মা।

ভূষণা। ওদের সঙ্গে কি করে যাবো বাবা। ওরা কি আমায় নিয়ে যাবে?

সতীশ। কেন নিয়ে যাবে না মা! আমরা ত ওদের কিছুই করি নি। আর সুরেশ দাদা যদি আমায় দেখে, তা হলে আমাকেও সঙ্গে করে নিয়ে যাবে। আচ্ছা মা, বাবা কবে আসবেন?

ভূষণা। শীঘ্রই আসবেন। তিনি এলেই আমরা যাব। এই কথা শেষ হইতে না হইতে নীরোদ বাবুর পুত্র সুরেশ তথায় আসিয়া সতীশকে বলিল, “সতীশ! আর, মা ডাকছেন।”

ভূষণা। কেন বাবা সতীশকে তোমার মা ডাকছেন?

সুরেশ। আমরা আজ ঠাকুর দেখতে যাবো কিনা, তাই ও আমাদের সঙ্গে যাবে।

সতীশ । মা যাবো গা, বল না ।

ভূষণা । বাও বাবা ! কিন্তু দেখো যেন কোন দুই'মি ক'য়োনো ।

সতীশ । না মা, কখনই দুই'মি কোরব না । সুরেশ বাবা এস । এই বলিয়া সুরেশের হস্তধারণ পূর্বক সতীশ তৎক্ষণাৎ হাসিয়ুখে সেই গৃহ হইতে নিষ্কান্ত হইল । ভূষণাও পূর্বমত চিন্তায় নিযুক্ত হইলেন ।

ভূষণা ঐরূপ চিন্তা করিতেছেন, এমন সময় তাঁহার পরিচারিকা শ্রামা সেই স্থানে আসিয়া বলিল, “হাঁগা মা ! সতীশ সুরেশের হাত ধরে কোথায় যাচ্ছে ?”

ভূষণা । আজ মেজ দিদিরা ঠাকুর দেখতে কোথায় যাবেন, তাই সতীশকে নিয়ে যাবার জন্য সুরেশ এখানে এসেছিল ।

শ্রামা । ওমা, মায়া দেখে যে আর বাঁচি না । আর বাবু তুমিও খুব মা, কোলের ছেলে ছেড়ে দিলে । আমি অমন আদর দেখতে পারি না ।

ভূষণা । কেন শ্রামা, আজ যে ভুই এমন কথা বল্ছিলাম !

শ্রামা । ওগো তার অনেক কথা । তোমার মেজ দিদি তোমার উপর যেমন হিংসা করে, লোকে সতীনের উপরও তত হিংসা করেনা । তার উপর ছেলেকে যে এত মায়া, এত ভালবাসা আমার ভাল ঠেকে না । এই দেখুন না কেন, এখনও এক বৎসর হয় নাই অমন ভাসুর আর খাণ্ডি স্বর্গে গেলেন, সে শোক করা দূরে থাক, আজ কিনা ও'ব মার ব্যারাম আরোগ্য হয়েছে বোলে মহা সমারোহে ঠাকুর দর্শনে যাচ্ছেন । তোমার ঐ একদারও ডাকেনি । তুমিই

কেবল মেজ দিদি করে বেড়াও, কিন্তু তোমার মেজ দিদি তোমার উপর বিষ ।

ভূষণা । যাক্ শ্রামা ওদের ভাল ওরা বুঝুক । আমাদের বধায় কাজ কি, তবে সতীশকে ছেড়ে দিয়েছি আর ত ফিরিয়ে আনা যায় না ।

শ্রামা । না না, তাও কি হয় ? তাহা হলে এখনি নানা কথা হবে । তুমি মেজ মাকে যে ভাল ভাল কর, আমিও কিছুই দেখতে পাই না ।

ভূষণা । যাক্ ও সব কথা প্রয়োজন নাই । আমার গিনি মন্দ কোরবেন জগদীশ্বর তাঁর বিচার কোরবেন । আমি মানুষ হয়ে তার কি কোরব বল । অচ্ছা শ্রামা, তোকে একটা কথা জিজ্ঞাসা করি, তিনি ত আজ অনেক দিন হ'ল গেছেন, আজ পর্যন্ত একখানাও চিঠী পেলামি না, এর তাৎপর্য কি জানিস ? সে মানুষ বলে গেলেন যে, সেখানে গিয়াই চিঠি লিখি, তিনি অনেকদিন পর্যন্ত একখানা পত্রও লিখিলেন না ; এর মানে কি ? শ্রামা ! তাঁর ত সেখানে কোনও অশুখ হয় নাই ?

শ্রামা । বালাই বালাই অশুখ হবে কেন ? ভগবান করুন তিনি নিরোগী থাকুন, আমার মাথায় ঘত চুল, তত পরমাণু হউক । প্রায়ই ত মেজবাবুর নিকট তাঁর পত্র এনে থাকে । তুমি তর কিছু জান না নাকি ?

ভূষণা । কৈ শ্রামা ! আমি ত কিছুই জানি না । তাঁর চিঠি আসে, তোকে ফে বসে ?

শ্রামা । কেমন গো, বলবার কি আর লোক নাই । এই মেজবাবুর গুণধর শালাই বলে, তা শালাই বলে, আর পুষিপুতুরই বল । এই যে আজই বলে যে, কাল দিল্লী হতে

একখানা চিঠি এসেছে। চিঠি আসে বৈ কি, ছোটো মা!  
তা নী হলে সে বলবে কেন ?

ভূষণ। আর আমাদের খরচের কিছু এসেছে জানিস ?

শ্রীমা। সে কথা বলতে পারি না।

ভূষণ। মেজঠাকুরত একদিনও আমাদের জানান নি যে,  
তার চিঠি এসেছে, তিনি ভাল আছেন ? তা হলেও একটু  
স্থির থাকি।

শ্রীমা। কি জানি কেন শুনান না। আমার বোধ হয়  
সেটাও তোমার মেজ দিদির কৌশল। ওমা, দেখতে দেখতে  
বেলা অনেক হয়ে গেল।

ভূষণ। কেন শ্রীমা! তুই আজ কোথায় যাবি নাকি ?

শ্রীমা। হাঁগো ছোটো মা। আমার ভাস্বরপো দেশ  
থেকে এসেছে, তাই একবার তার সঙ্গে দেখা করতে যাবো।  
আর আমার বাড়ীতে কতকগুলি জিনিসও পাঠিয়ে দিব মনে  
করেছি।

ভূষণ। এখানে তোর ভাস্বরপো কোথায় এসে রয়েছে ?

শ্রীমা। কেনগো, ও পাড়ায় যে আমার বুনতির খণ্ডর  
বাড়ী। সে সেইখানেই আছে।

ভূষণ। তবে কখন আসবি ?

শ্রীমা। আসতে একটু দেরি হবে মা। অনেক দিন দেখা  
হয় নাই। পাঁচ দণ্ড কথা কইবো, দেশের ভাল মন্দ খবর  
শুনবো। তবে যত শীগগির পারি আমি আসবো। আর  
তুমি একলা এখানে থেক না, ঘরে যাও।

শ্রীমা প্রস্থান করিলে পর ভূষণ। সন্দ্বিদ্ধ মনে আপন  
শয়নকক্ষে গমন করিলেন। প্রথমেই ভূষণার মনে এই চিন্তা

উদয় হইল, সত্যই কি মেজদিদি তাঁহার উপর হিংসা করে, মেজদিদি কি তাঁহার শত্রু। ভূষণা অনেকগুলি কথাটা নিজের মনে তেলাপাড়া করিলেন। অনেক ঘটনাবলীকে কথাকাটা মিলাইয়া দেখিলেন, কিছুতেই তাঁহার মনে এ সন্দেহটা আধিপত্য লাভ করিতে পারিল না। ভূষণা নিঃশব্দ সরল। তাই ভূষণা সংসারের এত জটিল চক্র বুঝিয়া উঠিতে পারিলেন-না। অবশেষে শ্রামার উপর সমস্ত ভাষা চাপাইয়া ভূষণার এ চিন্তা নিবৃত্ত হইল। অবশ্য পাইয়া আর একটি চিন্তা ভূষণার জন্ম অধিকার করিল। সেইটাই ভূষণার প্রধান চিন্তা। যে সমী তাঁহাকে এত আদর—এত যত্ন করিতেন, এতদিন তিনি কোন সংবাদ লইলেন না কেন? সহসা যেন ভূষণা চমকিত হইয়া উঠিলেন। যেন কোন ভাবী বিষয়ের আশঙ্কা তাঁহার মনকে উদ্বেলিত করিয়া দিল। অক্ষুটস্বরে ভূষণা বলিলেন, “স্বামিন্, প্রণেখর, এমন ক্ষম্যে তুমি কোথায়? তোমা ছাড়া ভূষণার আর এ জগতে কে আছে? যে চরণ-ছায়াতে এতদিন এ জীবন বাঁচিয়াছে, আজ যেন তাহাতে বঞ্চিত হইল। যদি কোন বিপদ ঘটে, তোমার চরণ দুগল ধ্যান করিয়া তাহা হইতে যেন উত্তীর্ণ হই।”

প্রায় একটা বাজিয়াছে। মিত্র মহাশয়দের বাটীতে লোক জনের কোন সমাগম দেখিতে পাওয়া যায় না। সকলেই ঠাকুর দর্শনে প্রস্থান করিয়াছেন। ভূষণাই কেবল একাকিনী আপন শয়নকক্ষ বিষম চিন্তায় নিমুক্ত। শ্রামা এখনও আসে নাই। সুতরাং ভূষণা ভিন্ন স্বাভাবিক সে দিন অন্ধর মহলে আর কেহ ছিল না। ভূষণা পূর্ণযুবতী। তাঁহার পক্ষ একরূপ একাকিনী অবস্থার থাকা বিপদজনক, তাহাতে আর সন্দেহ

কি ? কিন্তু তুমি তাহা য়োকে নাই । তিনি অনন্যামনে অতুল বাবুকে চিন্তা করিতেছিলেন । একরূপ সময় সহসা নদেরচাঁদ সেইস্থানে উপস্থিত হইয়া বলিল, “হাঁগা, তোমার ঘরে দেশালাই আছে ? দিদির ঘরে গিয়েছিলামি, কিন্তু সেখানে কাহাকেও দেখতে পেলাম না, তাই তোমার নিকট এসেছি । হাঁগা দিদির ঘর সেলেন কোথায় ?”

ভূষণা - দিদির আঙ্গ ঠাকুর দর্শনে গিয়াছেন । আমি দেশালাই দিতেছি ।

নদেরচাঁদ । তাইতে কাকেও দেখতে পাচ্চিনা বটে । আমি মনে মনে ভাবছিলুম যে এরা গেল কোথায় ?

এই বলিয়া ক্রমে ক্রমে গৃহের ভিতর প্রবেশ করিয়া নদেরচাঁদ পালঙ্কের উপর উপবেশন করিল । ভূষণা পূর্বে কখন নদেরচাঁদকে একরূপ ব্যবহার করিতে দেখেন নাই । অঙ্গ তাহার এতদৃশ ব্যবহারে অত্যন্ত আশ্চর্য্যান্বিত হইলেন । পাঠক ! বোধ হয় বুঝিতে পারিয়াছেন, নদেরচাঁদ কি উদ্দেশে ভূষণার-গৃহে প্রবেশ করিয়াছে । পালঙ্কের উপর বসিয়াও নদেরচাঁদ তৃপ্ত হইল না । সে আরো একটু অগ্রসর হইয়া ভূষণার পার্শ্বে বসিবার উপক্রম করিল । ভূষণা এইবার সমস্ত বুঝিতে পারিলেন । একবার ভাবিলেন খুব চাৎকার করিবেন, কিন্তু তখনই মনে পড়িল, অঙ্গর মহলে কেহ নাই । অনন্যোপায় হইয়া ভূষণা সাহসে ভর দিয়া তীব্রস্বরে বলিলেন, “একি ! একি ! তুমি যে বড় পালঙ্কের উপর বসিলে, উঠে যাও ! উঠে যাও ! তোমার ত একরূপ ব্যবহার কখন দেখি নাই । অঙ্গ তুমি আমার প্রতি ওরূপ আচরণ করিতেছ কেন ? উঠ, উঠ, শীঘ্র বাহিরে যাও !

নদেরচাঁদ। কেন, আমার কি বসিতে নাই। এতে দোষ কি?

ভূষণ। দোষ থাক আর নাই থাক, তুমি শীঘ্রই এখান হতে উঠে যাও, এখন যদি কোন লোক দেখতে পায় তবে আমাকে কি মনে কোরবে বল দেখি। আমি এ সব বড় ভাল বুঝি না।

নদেরচাঁদ। কি বল আশেখরী, তুমি এখনো লোকের কথায় ভয় পাও। দেখ ভূষণ! তোমা বিহনে আমার প্রাণ যায়, তা কি তুমি আমার আকার প্রকার দেখে বুঝতে পাচ্চ না।

ভূষণ। তুমি ওসব কি বোলছ। কোন নেশা করেছ নাকি, উঠে যাও বলছি। আমার ঘরের বাহিরে শীঘ্র যাও, আমি দেয়াশালাই দিতেছি।

নদেরচাঁদ। ভূষণ! বুঝা কেন আমার তিরস্কার কর। যে অবশি আমি তোমার ঐ চন্দ্রবদন দর্শন করিয়াছি, সেই দিন হইতেই আমি তোমার নেশায় বিভোর হইয়াছি। আমি তোমার প্রেমের দাস। সর্বদা তোমারই মুখকমল চিন্তা করি। ভূষণ! আর আমার কষ্ট দিও না, প্রেম দানে অধীনের প্রাণ বাঁচাও, এই আমার বাসনা।

ভূষণ। কি উত্তর দিবেন প্রথমতঃ তাহার কিছুই স্থির করিতে পারিলেন না। প্রকাণ্ড বাটী। অন্দর মহলে একটীও লোক নাই। ভূষণের উত্তর দিতে যতই বিলম্ব হইতেছে, নদেরচাঁদ ততই আপনার অভীষ্ট সিদ্ধির উপায় উদ্ভাবন করিতে লাগিল। ভূষণের সর্বস্বতীর কোথে ও লজ্জায় কম্পিত হইতে লাগিল। সুন্দর বপু স্বর্ণসিক্ত হইল। মুক্তা নদী স্বর্ণবিন্দু সকল কপলে সজ্জিত

ধাকাতে ভূষণার তৎকালীন লজ্জা ও ক্রোধযুক্ত শরীর সুন্দর দেখাইতে লাগিল। সেই সৌন্দর্য্যে নদেরচাঁদ আরও অধীর হইয়া উঠিল। ভূষণার হস্ত ধারণ করিবার উত্তোগ করিতে লাগিল।

নদেরচাঁদের অবস্থা দেখিয়া ভূষণার মনে আরও ভয়ের উদয় হইল। কিন্তু ভূষণার বুদ্ধি অত্যন্ত প্রবীণ ছিল। তিনি কিরূপে এই নরপিশাচের হস্ত হইতে নিষ্কৃতি লাভ করিতে পারিবেন, তাহার উপায় উদ্ভাবন করিতে লাগিলেন। এইরূপ চিন্তার অধিকক্ষণ সময় ছিল না। কেননা নদেরচাঁদ কেবলই তাঁহাকে ধরিবার জন্য স্মরণে অধেষ্ট করিতে লাগিল। কিছুক্ষণ এইরূপে অতিবাহিত হইলে পর ভূষণা যখন দেখিলেন যে, নদেরচাঁদ ছাড়িবার পাত্র নহে, যখন দেখিলেন,—মিষ্ট কথায় নদেরচাঁদ গৃহ হইতে নিষ্কৃতি হইল না, তখন তিনি স্পষ্টই বুদ্ধিতে পারিলেন, নদেরচাঁদ তাঁহাকে একাকিনী জানিয়া এই কার্য্য করিতেছে। ভূষণার বিলম্ব করিবার একটু উদ্বেগ ছিল। শ্রামা যে তাহার কোন আত্মীয়ের বাড়ী গিয়াছে, তাহা নদেরচাঁদ জানিত না। শ্রামা আসিলেই গোলযোগ মিটিয়া যাইবে এই অভিপ্রায়ে ভূষণা কিছুক্ষণ বৃথা সময় ক্ষেপণ করিলেন।

নদেরচাঁদ এই বিলম্বের কারণ অন্যরূপ বুঝিয়াছিল। সে জানিত ভূষণা সাক্ষী। সুতরাং একেবারে তাহার কথায় সম্মত হওয়া অসম্ভব। সেই জন্যই ভূষণা মনে মনে নানী প্রকার আন্দোলন করিতেছে। ক্ষণেক এইরূপ চিন্তা করিয়া নদেরচাঁদের সাহস হইল, সে তখন বলিয়া উঠিল, “প্রাণপ্রিয়ে ! কেন এ পদানত দাসের উপর ওঁকপ কোপ দৃষ্টি করিতেছ ?



আমার প্রাণ যে তোমা বিনা এ সংসারে আর কিছুই জানে না।

ভূষণা আর স্থির থাকিতে পারিলেন না। তিনি বুঝিতে পারিলেন যে, তাঁহার উত্তর দিতে বিলম্ব হওয়াতেই নদেরচাঁদ আশা পাইয়াছে। ভূষণা মনে মনে লজ্জিত হইয়া বলিলেন, “নদেরচাঁদ! আমি তোমার জননীস্বরূপ, আর তুমি আমার সম্ভানস্বরূপ। তোমার মুখে কি গুণব কথা শাজে। কেন আজ তুমি গুরুপ করিতেছ, ভাল বল্‌চি, এখান হইতে চলিয়া যাও।” নদেরচাঁদ ভাবিল, ভূষণা একটু নরম হইয়াছে, আর কিছুক্ষণ পরে আর স্বাধীন হইতে পারে। অতএব সেও কিছু নম্রভাবে বলিল, “ভূষণা আবার তুমি ঐ কথা মুখে আনিতেছ। প্রাণেশ্বরী! তুমি প্রেমিকা। তোমার হৃদয় কখনই এরূপ কঠিন হইবেনা। দেখ তোমার জন্য আমার প্রাণ যায়, আমি পায়ে ধরিতেছি, আমার কৃপা করিয়া জীবন দান কর। ভূষণা! এই ক্ষুদ্র প্রাণের তুমিই অধিকারী। এস স্বয়ং-স্থির! কৃপা করিয়া একবার আমার হৃদয়ে উপবেশন কর।”

এবার ভূষণার সহ হইল না। তিনি তৎক্ষণাৎ নিকটস্থ দ্রবাগুলির উপর এরূপভাবে দৃষ্টিনিষ্ক্ষেপ করিতে লাগিলেন, যেন তিনি কোন বস্তুর অন্বেষণ করিতেছেন। সুযোগও তেমনি ঘটয়া উঠিল। সম্মুখে একখানি কর্তৃত্বিকা ছিল, ভূষণা সেই খানি হস্তে উঠাইয়া লইয়া একেবারে বেগে নদেরচাঁদকে মারিবার জন্য তাঁহার দিকে ধাবমান হইলেন।

নদেরচাঁদ যখন দেখিল যে, ভূষণা কর্তৃত্বিকা লইয়া তাঁহার দিকেই ধাবমান হইতেছেন, তখন প্রথমতঃ তাঁহার ভয় হইল, কিন্তু পরক্ষণেই সে যেমন ভূষণার বামহস্ত ধারণ করিতে


যাইবে অমনি ভূষণা দক্ষিণ হস্তস্থিত কর্তরিকা দ্বারা তাহাকে আঘাত করিলেন । এইরূপ প্রহার খাইয়া নদেরচাঁদ তৎক্ষণাৎ হস্ত ছাড়িয়া দিল, এবং চীৎকার করিতে করিতে বাটীর অন্তর ছাড়িয়া বাহিরে আসিয়া পড়িল ।

ভূষণার তখন বিবেকশক্তি নাই । ভাল মন্দ জ্ঞান নাই । লজ্জা সরসের ভয় নাই । কেবল ক্রুরপে নদেরচাঁদকে হত্যা করিবে, এই চেষ্ঠা । সুতরাং নদেরচাঁদ যখন তাঁহাকে ছাড়িয়া দিয়া বহির্দ্বাৰাতে আসিল, ভূষণাও তাহার পশ্চাৎ পশ্চাৎ সেই অস্ত্র হস্তে সেই দিকে ধাবমানা হইতে লাগিলেন । কেশ আলু-নাশিত, পরিধান বসনের অনেক ব্যতিক্রম, ভূষণার এ রণবেশ কতি সুন্দর দেখাইতেছিল । নদেরচাঁদ আহত হইয়া বড়ই ভীত হইল । তাহার প্রাণের আশা বিলক্ষণ আছে । এবসনে তাহার মরিতে সাধ নাই । সেইজন্য ভূষণাকে দেখিয়াই নদেরচাঁদ “ওরে বাবারে মেয়ে ফেলে রে” বলিয়া পলাইতে লাগিল । ভূষণাও তাহার পশ্চাৎ পশ্চাৎ এই বলিয়া যাইতে লাগিলেন, “দাঁড়া দাঁড়ারে নরপিণ্ডাচ ! আজ তোকে খুন করিব ! তোয় পাপের প্রায়শ্চিত্ত হইবে । তাতে আমার জীবন যায় সেও ভাল । যদি জগদীশ্বর থাকেন, যদি যথার্থ ধর্ম থাকে, যদি আমি স্বামী ভিন্ন অপরের চিন্তা ভ্রমেও না করিয়া থাকি, তাহা হইলে ইহার যথার্থ বিচার হইবেই হইবে !”

ক্রমে উভয়ে বাটীর বহির্দ্বাৰে উপস্থিত হইল । দৈবযোগে একটা পথিক সেই স্থান দিয়া যাইতেছিল । তিনি নদেরচাঁদের অবস্থা দেখিয়া তৎক্ষণে তাহার কারণ জিজ্ঞাসা করিল । নদেরচাঁদ সহসা কিছু বলিতে পারিল না । একটা মিথ্যা কথা সাজাইয়া তাহাকে বলিল । পথিক তাহাতে বিশ্বস্ত হইয়া

একজন পুলিশ কর্মচারিকে আহ্বান করিয়া তথা হইতে আহ্বান করিল।

ভূষণা দেখিলেন যে, তাহার দীকার পলায়ন করিয়াছে। তখন তাহার বিবেক আসিল, ভাল মন্দ বুঝিবার ক্ষমতা আসিল। লজ্জাও সেই সঙ্গে সঙ্গে দেখা দিল। তখন ভূষণা বুঝিতে পারিলেন যে, তিনি কি ভয়ানক কার্যা করিয়াছেন। এতক্ষণ ক্রোধে তাঁহার মস্তিষ্ক বিকৃত হইয়াছিল, এখন আপনার অবস্থা বুঝিয়া উঠিয়াপড়ে পড়ান করিতে লাগিলেন।



## দ্বাদশ পরিচ্ছেদ ।

খুন ।

“Measure for Measure.”

Shakespeare.

শ্রামা যথাসময়ে আপনার কার্য্য সম্পাদন করিয়া বাটী  
আগমন করিল। আসিয়াই দেখিল, বাটীর বহির্দ্বারে ভয়ানক  
গোলযোগ। জমাদার পাহারাওয়ালা প্রভৃতিগণের কোলাহলে  
ও প্রতিবেশীদিগের কথাবার্ত্তায় যেন রথ-দোল পড়িয়া পিয়াছে।  
শ্রামা এ সকল ব্যাপারের কিছুই জানিত না, সে দ্বারে উপস্থিত  
হইয়া দেখিল যে, নীরোদ বাবুর সেই গুণধর শালক নদেরচাঁদ  
যন্ত্রণায় ছটফট করিতেছে আর এক একবার চীৎকার করিয়া  
“রাফসীই আমায় খুন কোরলে” এইরূপ কাতরোক্তি করিতেছে।  
কিন্তু তাহার কারণ কিছুই জানিতে না পারিয়া একজন পুলিশ  
কৰ্ম্মচারীকে জিজ্ঞাসা করিল, “হাঁগা বাহা, এখানে এত গোল-  
যোগ কিসের?”

পাহারাওয়ালা তাহার কথা শুনিয়া বলিল, “খুন হয়েছে,  
দেখতে পাচ্চনা।”

শ্রামা। কে খুন হ'লো।

পাহা। নদেরচাঁদ বাবু! তুমি ত এ বাড়ীর দাসী, তুমি  
জান না ইনি কে?

শ্রামা। বাবু ত বেশ কথা কচ্ছে, তবে আবার খুন কিসের ?  
পাহা। বাবু মরে নাই, আঘাত পেয়েছেন। বাবু  
তোমাদের কে হয় ?

শ্রামা। আমাদের মেসবাবুর সখী। আস্তা কে আঘাত  
করেছে ?

পাহা। তুমি এখানে কতদিন চাকরি কোচ্ছ ?

শ্রামা। তা প্রায় ৭ কিসর হবে। কেন গা ?

পাহা। ঐ যে স্ত্রীলোকটি দ্বারের পার্শ্বে লুকাইয়া আছেন,  
উহাকে তুমি চিন্তে পার ?

শ্রামা পাহারাওয়ালার কথায় একবার দ্বারের পার্শ্বে  
দুই নিক্ষেপ করিয়াই ভূষণর অশ্রুযুক্ত বদনকমল দেখিতে  
পাইল এবং তৎক্ষণাৎ পাহারাওয়ালাকে বলিল, উনিই  
আমার মনিব, কেন গা পাহারাওয়াল সাহেব ! কি হয়েছে গা ?

ভূষণও শ্রামাকে দেখিতে পাইলেন। দেখিয়াই ইঙ্গিতে  
তাহাকে নিকটে আসিতে আদেশ করিলেন। সুতরাং শ্রামা  
পাহারাওয়ালার উত্তরের আশা না করিয়াই একেবারে ভূষণর  
নিকট গমন করিয়া তাহাকে সকল কথা জিজ্ঞাসা করিতে  
লাগিল। ভূষণা শ্রামাকে পাইয়া ক্রন্দন করিতে করিতে বলি-  
লেন, “শ্রামা ! আর দেখ্‌চিস্ কি ? সর্বনাশ হয়েছে। আমি  
নবেরচাঁদকে খুন কোরেছি।

শ্রামা। আহা, কৈদোনা, চোখের জল মুছে ফেল। হাঁগা  
ছোট মা ! বাপারখানা কি বলনা গা, আমি ত কিছুই বুঝ্‌তে  
পাচ্চিনা।

ভূষণ। আর বুঝ্‌বি কি, আমি খুন করেছি, আমার  
বাবিয়ে দে, তারপর আমার অদৃষ্টে বাহা হয় হবে।

শ্রামা । এমন কথা বলনা মা । তুমি অবার খুন করবে, কাকেই বা খুন করে ।

এইরূপ কথোপকথন হইতেছে, এমন সময়ে জমাদার সাহেব শ্রামাকে ধমক দিয়া বলিলেন, “এ মাগি, ওখানে কি হচ্ছে ! গোল ক’র না ।” শ্রামা তখন বলিয়া উঠিল, “কেন সাহেব ! পোড়ালোক খুন করবে আর আমরা বুঝি বাড়ী যেতেও পাব না আর মনিবের সঙ্গে কথাও কবনা । যে খুন করে তার কিছু না কোরতে পেয়ে শেষে বুঝি যত রাগ আমার উপর । যাও সাহেব, তোমার আমি কি ধার ধারি ।”

জমাদার সাহেব অত কথার কিছুই শুনিতে পাইলেন না । তিনি তখন আপনাদের লেখা পড়া লইয়াই ব্যতিব্যস্ত ছিলেন । পরে একজন পুলিশ কর্মচারীকে একখানি গাড়িভাড়া করিয়া আনিতে বলিয়া আবার আপন কর্মে মনোনিবেশ করিলেন ।

গাড়ী আনয়ন করিতে তাহার কিছু বিলম্ব হইল । শ্রামা সেই অবসরে একবার এদিকে ওদিকে লক্ষ্য করিল কিন্তু কাহাকেও দেখিতে পাইল না, অবশেষে হতাশ হইয়া ভূম্বাকে শাস্ত্রনা করিতে লাগিল । ভূম্বাকে কোন কথা বলিলেই তিনি আপনায় কার্য্য স্মরণ করিয়া কেবল আপনাকেই অযথা তিরস্কার করেন আর অনবরত অশ্রুপাত করিতে থাকেন । সুতরাং শ্রামা ভূম্বাকে তথায় একাকিনী রাখিয়া কোন আত্মীয় লোকের বাটী গমন করিল, কিন্তু অদৃষ্ট সঙ্গে সঙ্গে যায় ; সেখানেও শ্রামা কাহাকেও দেখিতে না পাইয়া ক্ষুব্ধমনে যেমন বাটির দিকে আসিলে অমনি নীরোদ বাবুকে নপরিবারে আগমন করিতে দেখিতে পাইল ।

কুীরোদ বাকি দেখিতে পাইয়া শ্রামা তৎক্ষণাৎ ক্ষতবেগে

তাঁহার নিকট গমন করিল এবং বাটীর সমস্ত ব্যাপার তাঁহাকে জ্ঞাপন করাইয়া উচ্চৈঃস্বরে রোদন করিতে লাগিল । নীরোদ বাবু প্রথমতঃ তাহার কোন কথাই স্পষ্টরূপে বুঝিতে পারেন নাই, অবশেষে যখন শ্রামা ভূষণার নাম করিল, তখন তাঁহার আর বুঝিতে বাকি রহিলনা । তিনি জানিতেন না যে, তাঁহার কৌশল একরূপে নিষ্ফল হইবে ।

নীরোদ বাবুর স্ত্রী মোহিনীই এই কৌশলের প্রধান পরামর্শদাত্রী । তাঁহারই পরামর্শে কোন সূত্র করিয়া ঠাকুর দর্শনে গমন করিবার ছলে ভূষণাকে একাকিনী বাটিতে রাখিতে বলিয়াছিলেন এবং তাঁহারই পরামর্শে নদেরচাঁদ এই ভয়ানক পাপকার্য্যে নিযুক্ত হইয়াছিল । ভূষণা কিন্তু এই সকল বিষয়ের কিছু মাত্রও অবগত ছিলেন না । শ্রামা অনেকবার অনেক প্রকার মড়যন্ত্রের কথা তাঁহাকে শুনাইয়াছিল কিন্তু দাসীর কথায় আদৌ বিশ্বাস করিতে পারিতেন না । যাহা হউক নীরোদ বাবু তৎক্ষণাৎ আপন পরিবারবর্গকে সেই স্থানেই রক্ষিত করিয়া স্বয়ং বাটীর বহির্দ্বারে আগমন করিলেন । জমাদার সাহেব তাঁহাকে অবলোকন করিয়া শ্রামাকে জিজ্ঞাসা করিলেন, “এ বাবুকে চেন ?” শ্রামা উত্তরে বলিল, “কেন চিন্বে না সাহেব । উনি যে এই বাটীর মেজবাবু”

নীরোদ বাবু আপনার কথা শুনিয়া জমাদারকে আপনার পরিচয় প্রদান করিলেন এবং একে একে সমস্ত ব্যাপার অবগত হইলেন । ইতিবিসরে গাড়ী আসিয়া উপস্থিত হইল । তখন জমাদার সাহেব শ্রামা, ভূষণা, নদেরচাঁদ ও নীরোদবাবুকে লইয়া যথাস্থানে গমন করিলেন ।

## ত্রয়োদশ পরিচ্ছেদ ।

—○—

বিচার ।

“Hell is empty and all the devils are here !”  
Shakespeare.

“ধর্মের অর আর অধর্মের পরাজয়” ইহা সকল স্থানেই হইয়া থাকে । বিচারে অনেক কূটতর্ক উপস্থিত হইলেও নদেরচাঁদের দোষ সাব্যস্ত হইল এবং ভূষণা যে আত্মরক্ষার্থ সেই অসম্ভবসাহসিক কার্য্য করিয়াছেন তাহাও প্রকাশিত হইয়া পড়িল । বিচার শেষ হইলে শ্রীমা প্রফুল্ল বদনে তাঁহাকে লইয়া গৃহাভিমুখে আগমন করিল ।

নীরোদ বাবু নদেরচাঁদকে রক্ষা করিবার জন্য বিশেষ চেষ্টা পাইলেন । তাঁহারই পরামর্শে নদেরচাঁদের সেইরূপ অবস্থা হওয়াতে মনে বড়ই অসুখ বোধ হইল । কিন্তু এখন আর কোন উপায় নাই । নদেরচাঁদ যেরূপ আহত হইয়াছিল তাহাতে যদিও তাহাকে চিকিৎসালয়ে প্রেরিত হইল তথাপি তাহার জীবনের কোন আশা রহিল না । সুতরাং অনন্যোপায় হইয়া ক্ষুণ্ণমনে বিচারালয় হইতে বাটি প্রত্যাগমন করিলেন । তাঁহার স্ত্রী মোহিনী ও অপরাপর লোক সকল তাঁহার পূর্বেই বাটি আগমন করিয়াছিলেন ।

নীরোদবাবু কক্ষে প্রবেশ করিলে মোহিনী তাঁহাকে জিজ্ঞাসা করিলেন, “হাঁগা, কি হ’লো । নদেরচাঁদ কোথায় ? আর শ্রীমা যে বড় হাঙ্গু হাঙ্গু হোটেবোঁকে নিয়ে এল ? এর ব্যাপার কি ?



নীরোদ । ব্যাপার আর কি ? নদেরচাঁদ চিকিৎসালয়ে আরোগ্যলাভ করিতে গিয়াছে । বিচারে তাহারই দোষ প্রমাণ হইল । আর ছোটবৌ আত্মরক্ষার জন্য তাহাকে আশাত করিয়াছে তাহাও নিশ্চয় হইল । সুতরাং আমাদেরই পরাজয় প্রকার করিতে হইল । কিন্তু আমিও তেমন পাত্র নর যে সহজে ছাড়িব ।

মোহিনী । হাঁগা, আমি একটি কথা জিজ্ঞাসা করি, এ মোকদ্দমার কি আপীল হয় না ? যদি হয় ত একবার দেখনা, ক্ষয় হয়ে যাক । আবাবী আর কারো উপর নজর না দিয়ে শেষে কি না আমার ভায়ের উপর নজর দিলে । তুমি একটু চেষ্টা করে দেখ যাতে আবার মোকদ্দমা হয় ।

নীরোদ । সে কি আর না চেষ্টা করিছি । কিন্তু কোজদারির যে আপীল হয় না । আর আমার আপীলের প্রয়োজনই বা কি ? যার জন্য এত সঙ্কল্প করা হয়েছিল সেই কার্ণো কৃতকার্য হয়েছি । তবে এক দুঃখের মধ্যে নদেরচাঁদ আহত হলো । সে আর আমার দোষ কি ? আমি ত সকল বন্দোবস্তই ঠিক করেছিলাম, কেবল নদেরচাঁদ কতকগুলি ভাল সাক্ষী সংগ্রহ করিতে পারে নাই বলিয়াই ত মোকদ্দমা মিটে গেল, তা না হলে কি আর রক্ষা ছিল ।

মোহিনী । তুমিই কেন সাক্ষী দিলে না, তা হলে ত নদেরচাঁদের জিত হ'ত ।

নীরোদ । তুমি বল কি ! তাও কি মাহুষে পারে ? হাজার ইউক বাহিরে চক্ষু লজ্জিত আছে, আর আপনার লোক ত সকলেই জানে ।

মোহিনী । ওমা ! কি আমার আপনার লোক গা ! আর

হলেই বা, সত্য কথা বলবে তার আবার আপনার পর কি ? তুমি ত আর কতকগুলি মিথ্যা কথা সাজিয়ে বলছ না ? সত্য কথা বাপের বিরুদ্ধে বলা যায়, তা অন্য ত পয়ের কথা । ছি ছি ! এটা পারলে না । এরকম কত শত হয়ে গেল আর আমাদের বেলাই হ'ল না । ঐ শীলেন্দের স্মৃশীলার দেবর তার বিপক্ষে নাকী দিয়ে তাহার পাওনা টাকা ভাগ করতে দিলেনা । সেও ত তার চরিত্র দোষ দেখাইয়াছিল । তখনত কোন লোকে কোন কথা বলে নাই । আর আমাদের বেলাই যত কথা ।

নীরোদ । তা বনুক । সেটা তার ভাল হয় নাই । দেশ শুদ্ধ লোক তাহাকে সেই কার্যের জন্য ছি ছি কোরতে লাগিল ।

মোহিনী । তা কল্লেই বা । লোকে বলে বলে তার গায়ে ত আর আঘাত লাগে নাই, আর বিষয়ও ত পেনে ।

নীরোদ । অমন বিষয় পেনেই কি আর না পেনেই কি ? লোকে তাহার যেরূপ অখ্যাতি করেছে, তা শুনলেও কষ্ট হয় । আর তুমি শোন নাই যে এই সকল ঘটনা জানাইয়া অতুলকে আমি একখানি পত্র লিখেছি । শীঘ্রই ইহার সংবাদ আসবে । দেখনা সেই বা কি উত্তর দেয় । তার পর জনা পরামর্শ করা যাবে ।

মোহিনী । সে আর কি কোরবে । তাহার স্বীকে কি জলে ফেলে দেবে না দূর করে দেবে । তাহার স্বী বড় না তুমি বড় ?

নীরোদ । মোহিনী ! তুমি অতুলের স্বভাব জান না । আমি তাহাকে উঠতে বললে উঠে, বসতে বললে বসে । সে আমার

হাত ধরা। আর একটা কথা তোমার বলতে ভুলেছি। আমি মধ্যে মধ্যে ছোট বোঁএর চরিত্র দোষের বিষয় জানাইয়া থাকি। তার কি এতদিনে কোন ফল হয় নাই।

মোহিনী। হাঁগা সত্য নাকি, কৈ এতদিন ত আমার এ সকল কথা শোনাও নাই। তবে বুঝি তুমি আমাকেও সকল কথা খুলে বল না, তা বলবে কেন। আমি ত আর তোমার আপ-  
নার নয়।

নিরোদ। না তুমি আমার পর। আর পরের জন্যই এই সকল ষড়যন্ত্র করা হচ্ছে। তোমার কেমন অজেই রাগ হয়। কি জান, সকল কথা তোমার ঠিক সময়ে বলতে পারা যায় না। যদি কোন সূত্রে কেহ শুনতে পায় তা হ'লে সকলই গোল হয়ে পড়বে। বিশেষ শ্রামাকে তুমি বোধ হয় এখনও চেন না। শ্রামা বড় ভয়ানক মেয়ে। শ্রামার জন্যই ত ছোট বোঁএর জিত হ'লো।

মোহিনী। বটে, আচ্ছা আমি যদি মোহিনী হই, তা হলে শ্রামাকে যে কোন উপায়ে পারি জন্ম কোরবই কোরব। দেখি সে কত বড় মেয়েমানুষ আর আমিই বা কত বড়। এই-রূপ কথা বার্তা কহিতে কহিতে রাত্রি অধিক হইল দেখিয়া সেদিন আর কোন কথা না বলিয়া আহারাদি সমাপন করত শয়ন মন্দিরে গমন করিলেন। বলা বাহুল্য সেদিন মোহিনীর নিদ্রা হয় নাই। কিরূপে শ্রামাকে জন্ম কোরবো সেই চেষ্টাই তাহার বলবতী ছিল।

পর দিন প্রাতঃকালে দিল্লী হইতে এক পত্র আসিল। নিরোদ বাবু শিরোনামা দেখিয়াই বুঝিতে পারিলেন যে, অতুল বাবুই তাঁহাকে সেই পত্র প্রেরণ করিয়াছেন। পত্রের মর্ম্ম অবগত

হইয়া নীরোদ বাবু আচ্ছাদিত মনে একেবারে মোহিনীর নিকট গমন করিয়া তাঁহাকে বলিলেন, “মোহিনী ! আজ এই পত্রখানি অতুলের নিকট হইতে পেয়েছি। অতুল যাহা লিখেছে তাহাতে আমার আশাতীত ফললাভ হয়েছে। কিন্তু কি কোরে যে ছোট বোকে এই সকল কথা বোল্বে তাহাই চিন্তা কোচ্ছি।

মোহিনী। হাঁগা ছোট ঠাকুরপো কি লিখেছে ?

নীরোদ। কেন ! সে লিখেছে যে পত্রপাঠ “সেই কুল-কলঙ্কিনী ছোট বোকে বাড়ী হতে দূর কোরে দিবেন”।

মোহিনী। আহা ! এমন দিন কবে হবে গা। আবাবী বাড়ী থেকে কবে বেরোবে গা। আমার যে আর সহ হয় না। আমার ভাইয়ের উপর নজর। আহা ! নদেরচাঁদ আমার কিছুই জানেনা, বড় ভালমানুষ। তার শরীরে আঘাত ! আবাবী মরেনা গা !

নীরোদ। তাইত ভাবছি যে, এই সর্সনেশে ঘটনা কেমন করেই বা বলি, এ সকল কথা বড় সামান্য নয়। ঘরের নৌকে বাড়ী থেকে বার করে দিলে পাঁচ জনেই বা আমায় কি বল্বে।

মোহিনী। এতে আর তোমায় কি বল্বে। ঘাঁহাঁর স্ত্রী সেই যখন দূর করে দিতে লিখেছেন, তখন আর আমাদের দোষ কি ?

নীরোদ। সে ত বুঝলাম। কিন্তু অতুল যদি এখানে থাকত, তাহলে কোন গোলযোগ ঘটত না। এখন যদি আমি ছোট বোকে বাটী হতে দূর কোরে দি, তা হ'লে লোকে বোল্বে আমি তাড়াইয়া দিলাম। অতুল যে একাজ করছে

তা কি লোকে বুঝবে। তারা আমারই দোষ ধরবে। আর বলবে যে ছোট ভাই যদি রাগের ভরে একটা কথা বলে, তা হ'লে বড় ভাইয়ের এ কার্য্য করা ভাল হয় নাই। সেই জন্য সাত পাঁচ চিন্তা করছি। কিন্তু কি করি তাহাব কিছুই স্থির কোরতে পাচ্ছি না।

মোহিনী। পোড়া লোকে এতে কেন আমাদের দোষ দিবে। আমরা যদি নিজের কথায় এ কাণ্ড করি, তবে ত তাহারা ছুসতে পারে, নতুবা তাহাদের এ সকল কথায় প্রয়োজন কি? আর তাতেও যদি তাহারা না বুঝে ত কি করবো, তাদের মুখ ত আর চাপা দিতে পারবোনা। কিন্তু বাবা বুদ্ধিমান তাহারা ঠিক বুঝবেন যে ভাইয়ের পরামর্শ ক্রমেই তাহার স্ত্রীকে বাঁটা হতে দূর কোরে দেওয়া হ'ল। তুমি অত ভয় পেওনা। তুমি যদি এ কাজ না পার আমায় দাও, আমি ঠিক বোলবো এখন।

নীরোদ। বেশত! বেশত! তা তুমি যদি একবার বলে দেখতে পার ত বড়ই ভাল হয়, কেন না মেয়েদের কথা মেয়েদের দিয়াই বলা ভাল। আমারও তাই ইচ্ছা। কিন্তু দেখো, পার্কে ত?

মোহিনী। তা পার্কোনা কেন? একি আর এত শরু কাজ। আমি ত আর নিজে বল্চি না। তারই স্বামী তাকে দূর করে দিতে বল্ছে। সেই কথাটা বলা বই ত নয়, সে আমি বেশ পার্কো। এমনই ভাল কথায় বুঝাইয়া দিব যে তুমি যেন আর তখন আমায় দোষ দিও না।

## চতুর্দশ পরিচ্ছেদ ।

একাকিনী ।

“The wills above be done.”

Shakespeare.

হরেন্দ্রকুমার এবং তাহার বৃদ্ধ পিতামাতাকে আমরা অনেক দিন ছাড়িয়া আসিয়াছি। ব্রাহ্মণীর ইচ্ছা বোধ হয় এতদিনে ফল-বতী হইল। আজ মহাধুম। হরেন্দ্রকুমারের বিবাহ! এত দিন অর্থের অকুলান বশতঃই হরেন্দ্র বিবাহে অনিচ্ছা প্রকাশ করিতেন এখন তাঁহার বেতন বৃদ্ধি হওয়াতে আয়ের অনেক সুবিধা হইয়াছে জানিতে পারিয়া পিতা মাতার অনুরোধে বিবাহযুগ্রে বন্ধ হইবার ইচ্ছা হইল।

চম্পাপুর গ্রামের সাত আট কোশ উত্তরে অবিনাশ বন্দ্যোপাধ্যায় নামক একজন সদাশয় ব্রাহ্মণ বাস করেন। তাহার একমাত্র কন্যা ও দুইপোষ্য একটি বালক ভিন্ন পিতা বনিতা আর কেহই ছিল না। সেইজন্য অবিনাশ বাবুর সম্পূর্ণ ইচ্ছা ছিল যে, জামাতাকে গৃহে রাখিয়া তাহার তত্ত্বাবধান করিবেন। কিন্তু সেরূপ পাত্র না পাওয়াতে অবিনাশ বাবু অগত্যা হরেন্দ্রকুমারকেই কন্যা সমর্পণ করিতে মনস্থ করিলেন। হরেন্দ্রকুমার বহুদিন অগ্রে আপন মাতার মুখে সেই কন্যার রূপের কথা শুনিয়াছিলেন এবং সেই কথায় বিশ্বাস করিয়া অবিনাশ বাবুর কন্যা শশীকলাকেই বিবাহ করিতে প্রস্তুত হইয়াছিলেন।

পূর্বেই বলা হইয়াছে, হরেন্দ্রকুমার কলিকাতার চাকরি করিতেন। তাঁহার মাতুলই তাঁহাকে ঐ কর্ম করিয়া দেন। সেই কর্ম পাইয়া অবধি হরেন্দ্রকুমার আর কখনও বাটী আইসেন নাই। এবার বিবাহ উপলক্ষে প্রভুর নিকট হইতে অবকাশ লইয়া বাটীতে আগমন করিয়াছেন। ইতিপূর্বেই পাঠকগণ হরেন্দ্রবাবুর পরিবারের বিষয় অবগত ছিলেন কিন্তু আজ বিবাহ উপলক্ষে সেই অল্প পরিসর কুটীর আত্মীয়বর্গে পরিপূর্ণ হইল। জীলোকের ও শিশুদিগের কলরবে এক অপূর্ব অম্পষ্ট ধ্বনি উঠিতে লাগিল। ঘন ঘন শব্দাদে পল্লী প্রতিধ্বনিত হইতে লাগিল। প্রতিবাসী ও নিমজ্জিত কুলকামিনীগণের উল্লুখনিত কুটীর পূর্ণ হইতে লাগিল। দেখিতে দেখিতে সময় অতিবাহিত হইতে লাগিল। দরিদ্র ব্রাহ্মণের পর্ণকুটীরও আজ উল্লাসে হাসিল।

শুভদিনে শুভক্ষণে হরেন্দ্রকুমারের বিবাহ শেষ হইয়া গেল। পরদিন বরকন্যা গৃহে আগমন করিল। মহা আনন্দে ব্রাহ্মণী নববধূকে ক্রোড়ে গ্রহণ করিয়া মনের আশা পূর্ণ করিলেন। ব্রাহ্মণেরও আনন্দের পরিসীমা রহিল না।

হরেন্দ্রকুমারের বিবাহ উপলক্ষে নীরোদ বাবু ও তাঁহার সমস্ত পরিবারবর্গ নিমজ্জিত হইয়াছিলেন। জীলোকের মধ্যে মোহিনী ও পুরুষের মধ্যে নীরোদ বাবুর পুত্র সুরেশ ও অতুল বাবুর পুত্র সতীশ ইহারাই ব্রাহ্মণ বাটীর নিমন্ত্রণ রক্ষা করিতে গিয়াছিলেন।

মোহিনী সেদিন আর ভূষণাকে সেই মর্মভেদী কথা বলিবার সাবকাশ পান নাই। পরদিন অতি প্রত্যুষে মোহিনী শয্যা হইতে গাত্রোত্থান করিয়া ভূষণার অবেশে গমন করি-

লেন। পথে আমাদের সহিত তাঁহার সাক্ষাৎ হইল। তিনি তাহাকে ভূষণার কথা জিজ্ঞাসা করিলে সে বলিল, "ছোট মা বোধ হয় গৃহে আছেন। কেন গা, তোমার কি কিছু প্রয়োজন আছে? মোহিনী তাহার কথায় কর্ণপাত না করিয়া একেবারে ভূষণার কণ্ঠে উপনীত হইয়া বলিলেন, "ছোট বৌ! একলা বসে কি ভাবছ?"

ভূষণা। এস দিদি এস! আমি আর ভাববো কি বল।

মোহিনী। না বোন, বোস্বে না। এখন কি বসবার সময়, তবে একটা কথা আছে তাই তোমায় বলতে এসেছি। কিন্তু সে কথা যে কেমন করে বলবো তাই ভাবছি। আবার এদিকে না বোল্লেও নয়। আমি কি করব বল।

ভূষণা। মেজ দিদি, কি কথা তাই শীঘ্র বল, আমার ক্ষেপাল।

মোহিনী। কি করে বলি ছোট বৌ। সে কথা শুনে অবধি আমার মন বড়ই খারাপ হয়েছে। কাল এক থানা চিটা দিল্লী থেকে এসেছে। উনি সেখানি পড়ে সেই সর্ব্বনেশে কথা তোমায় শোনাতে বলেছেন।

ভূষণা। সর্ব্বনেশে কথা! কি সর্ব্বনাশ মেজ দিদি! মেজ দিদি তোমার কথা আমার বড় ভাল বোধ হচ্ছে না, কি কথা শীঘ্র বল?

মোহিনী। ছোট বৌ, আমার ত তাই সে কথা বলতে সাহস হয় না। তবে যদি না বলি তাতেও বিপদ। কথা এই যে, তোমায় দিন কতক অস্ত্র কোন স্থানে গিয়া থাকতে হবে। এ কথা কিছু আমি বলছি না। এই চিটাখানি নাও, দেখ, ইহাতে কি লেখা আছে।



ভূষণা পত্রখানি মোহিনীর নিকট হইতে গ্রহণ করিলেন । পত্র পাঠ করিতে করিতে তাঁহার প্রভু কমন সন্তুষ্ট হইল । আনন্দ অশ্রুজলে সিক্ত হইল ! তাঁহার চক্ষু জলে পরিপূর্ণ হইল । তিনি সমস্ত পত্র পাঠ না করিয়াই পত্রখানি মোহিনীর হস্তে পুনর্বার অর্পণ করিলেন । মোহিনী পত্র পাইয়া তাহাকে জিজ্ঞাসা করিলেন, “ছোট বো, আমার ভাই কিছু দোষ নাই, আমাদের উপর রাগ করলে কি হবে ভাই । আমরা কি কোরব বল ?

ভূষণা । তোমাদের দোষ কি । দোষ আমার অদৃষ্টের, নতুবা গিনি আমার চরিত্রে কথঞ্চিৎ কোন দোষ পান নাই, তিনি কিনা আজ আমাকে কলঙ্কিনী বলেন । ইহাতে আমার মনই মঙ্গল । তুমি তোমার কার্য্য কোরেছ, এখন আমিও তাঁহার আদেশ মত কার্য্য কোরব ।

মোহিনী । এখন তুমি কি কোরবে ।

ভূষণা । কি আর কোরব । যথায় হুই চক্ষু যায় তথায় যাব । এ সংসারের সহিত আমার আর কোন সম্বন্ধ রহিল না । আমি কলঙ্কিনী ! কলঙ্কিনীর এ সংসারে স্থান নাই । তাই আমি মনে করেছি যেখানে আমার চক্ষু যাবে সেই খানেই যাব ।

মোহিনী এই কথা শুনিয়া মনে মনে আনন্দিতা হইল । এবং কিয়ৎক্ষণ পরে ভূষণাকে সেইরূপে রাখিয়া ধীরে ধীরে আপন কক্ষে গমন করিলেন ।

মোহিনী প্রস্থান করিলে পর ভূষণা অনেকক্ষণ ধরিয়া চিন্তা করিতে লাগিল । কিন্তু যত ঐ চিঠির কথা তাঁহার মরণ পথে উদিত হইতে লাগিল, ততই তিনি ক্রন্দন করিতে লাগিলেন । একবার সন্তীশের কথা মনে পড়িল, তখন

মনে হইল শ্রামা রহিল। অবশেষে দৃঢ়সংকল্প হইয়া বেশ পরিবর্তন পূর্বক সকলের অজ্ঞাতনারে সেই পাপ পুরী হইতে প্রস্থান করিলেন। ভূষণ! যতই কেন গোপনে গৃহ পরিত্যাগ করুন না কেন একজন তাহা দেখিতে পাইয়াছিল। তাঁহারই বাটীর নাপিতানীর সহিত তাঁহার সাক্ষাৎ হইয়াছিল। কিন্তু তখন তাহাকে কোন কথা না বলিয়াই ভূষণ! তৎক্ষণাৎ ক্রতগতিতে অন্য দিকে অদৃশ্য হইয়া গিয়াছিলেন। নাপিতানী একে ধূর্ত তাহাতে তাহার এক সম্ভান ছিল। যদি কোন স্ত্রী তাহার একটা কর্ণের সম্ভান করিতে পারে, তাহা হইলে পরে তাহাকে আর নাপিতের কার্য্য করিতে হইবে না, এই আশায় সে সেই দিনই মোহিনীর নিকট আগমন করিল।

মোহিনীর সহিত নাপিতানীর অধিক প্রণয়। এই পৃথিবীতে সমান বয়স, সমান উদ্দেশ্য, সমান মানী প্রভৃতির একটা হইলেই তাহার সহিত প্রণয় কিছু অধিক হইয়া থাকে। মোহিনীর মন যেরূপ ক্রুরা নাপিতানীরও তদ্রূপ, সুতরাং এই দুই জনের প্রণয় যে অধিক হইবে, তাহার আর আশ্চর্য্য কি? নাপিতানী মোহিনীর নিকট আসিয়া বলিল, “মেজ মা! তোমাদের ছোট বৌ কোথা গেল গা?” নাপিতানীর মুখে ঐ কথা শুনিয়া মোহিনী তাহাকে জিজ্ঞাসা করিলেন, “নাপ্তে বৌ! তুই কোথা থেকে সংবাদ পেলি যে, আমাদের ছোট বৌ পালিয়েছে।”

নাপিতানী। ওগো কথায় বলে নাপ্তিত ধূর্ত। আমরা সেই নাপিতের ঘেষে, আমাদের নজর থেকে সহজে কি কিছু যেতে পারে। আমি আজ দুপুরের সময় যখন হাট থেকে আসছি, তখন দেখি কিনা তোমাদের ছোট বৌ তাড়াতাড়ি

কোথা বাচ্ছে। আমি মনে করি বুঝি এখানেই কোথা বাচ্ছে, তাই যেমন আমি তার কাছে বাব, অমনি সে কোথায় অদৃষ্ট হয়ে গেল। হাঁগা তা কি হয়েছিল। ঝগড়া কেন হ'লো।

মোহিনী। ঝগড়া কোথা নাপতে বৌ। সেদিনকার ব্যাপার ত তুই জানিস, তাই আবার উনি একখানা পত্র ছোট ঠাকুরপোকে লিখেছিলেন, আতে তিনি বলেন যে, "অমন কলঙ্কিনীর মুখ দর্শন করিতে নাই, উহাকে পত্র পাঠ মাত্র বাটী হ'তে দূর কোরে দিওন" তাই আজ সকালে সেই পত্র খানি আমি ছোট বোঁকে দেখাই। তিনি পত্র পোড়েই সমস্ত বুঝতে পারলেন, তাই ক্রোধ হয় কাহারও পরামর্শ না লয়ে কোথায় চলে গেছেন।

নাপিতানী। তাইত গা, বল কি। ভদ্রলোকের বৌ। তোর কি অমন করে যাওয়া ভাল দেখায়।

মোহিনী। তা নয় নাপতে বৌ। ওর পেছনে নিশ্চয়ই মাহুয আছে, তা না হলে কি তার এত বড় সাহস হয়। এই তুইই বল না কেন তোর কি কোথাও আপনার মতে যেতে সাহস হয়।

নাপিতানী। না মেজ মা, আমার এত তেজ নাই যে আমি একলা কোথাও বাই।

এমন সময়ে সুরেশ চন্দ্র ও সতীশ পাঠশালা হইতে পড়িয়া আসিল। সুরেশ চন্দ্র আপনার মাতার কাছে আসিল। সতীশও তাহার মাতার কক্ষ গমন করিল। কিন্তু বালক তথায় তাহার মাতাকে দেখিতে না পাইয়া পুনর্বার সুরেশের নিকট আসিয়া বলিল, "দাদা মা কোথায় ভাই।" মোহিনী সেই স্থানেই ছিলেন। তিনি সতীশকে সাংসনা করিবার জন্য বলিলেন,

“সতীশ! বাবা! তোমার ভয় কি। তোমার মা কোথায় গেছে, দুদিন পরে আবার আসবে।

সতীশ। জ্যেঠাই মা! তবে কি আমি আর মাকে দেখতে পাব না। মা কি আর আসবে না।

মোহিনী। আসবে বইকি বাবা! তোমার মন কেমন করছে! এগনি তোমার মা আসবে। কতক্ষণ তোমার মা তোমায় ছেড়ে থাকবে বল। কেঁদো না বাবা কেঁদো না।

সতীশ। হাঁ জ্যেঠাই মা! মা কি তবে ঝগড়া করে গেছে?

মোহিনী। না, কার সঙ্গে ঝগড়া করবে।

সতীশ। তবে স্বরময় গহনা ছড়ান কেন। কোথা গেছে তবে?

মোহিনী। তা গেছে গেছে তোমার ভয় কি বাবা! আমরা আছি, তোমার সুরেশ দাশ আছে। আর কেঁদো না বাবা। ক্ষিদে পেয়েছে কিছু খাবে?

সতীশ। না জ্যেঠাই মা, আমি এখন কিছু খাব না। আগে বল, আমার মা কোথা গেছে তার পর খাব।

মোহিনী। খাবে বইকি বাবা। তোমার ক্ষিদে পেয়েছে কিছু খাও, তা না হলে যে তোমার অস্থখ করবে। টাড়াও, আমি খাবার ও দুধ এনে দিচ্ছি। মা তোমার এগনি আসবে। আর এমন মাও কখন দেখিনি যে, এমন সোনারটাদ ছেলে ফেলে যায়। এই বলিয়া মোহিনী দুধ ও খাবার আনয়ন করিতে প্রস্থান করিলেন, নাপিতাণীও তথা হইতে নিষ্কান্ত হইল। সুরেশও সতীশের হস্ত ধারণ পূর্বক তাহাকে বিদায় করিতে লাগিল। সতীশ বুঝিবার পাত্র নয়। সে কখনও কথা কবপাত না করিয়া আপন মনে রোদন করিতে লাগিল।

ইত্যবসরে মোহিনী দুইটা পাত্র করিয়া দুই-এ যৎকিঞ্চিৎ মিষ্টান্ন আনিয়া সুরেশের হস্তে দিয়া বলিলেন, 'তুমি খাও আর সতীশকে দাও। মাতার কথামত সুরেশচন্দ্র সতীশকে একটি দুগ্ধপাত্র প্রদান করিল; মোহিনী তাহা দেখিয়া তৎপর বলিয়া উঠিলেন, 'সুরেশ! ওটা তুমি খাও আর একটা সতীশকে দাও।' সুরেশ তৎক্ষণাৎ অন্য পাত্র লইয়া সতীশকে বলিল, 'খাও ভাই খাও, আর কেঁদ না, তোমার ঐ রকম দেখলে আমার মন কেমন করে।' সতীশ দুগ্ধপাত্র হস্তে লইয়া সুরেশকে বলিল, 'দাদা! তুমি দিলে ভাই, কিন্তু আমার খেতে ইচ্ছা নাই। তুমি বোলছ আমি তোমার কথা কি করে না শুনি। তুমি আমার যা বল, আমি তাই করিতে পারি, কিন্তু ভাই আজ আমার মন যে কেমন কচ্ছে তা আমি তোমার বলতে পারি না। কেমন করে খাব ভাই।' সুরেশ সেই কথা শুনিয়া বলিয়া উঠিল, 'তুমি না খেলে যে ভাই আমিও খেতে পারি না, আগে তুমি খাও তবে আমি খাব, তুমি না খেলে আমারও যে ভাই খাওয়া হবে না। তবে কি তুমি আমারও ভালবাস না। আমি যখন যা দিই তখনই তুমি আমার কথায় তাহা খাও, আজ কেন ভাই আমার কথা এখনও শুনছো না।'

দুইটা ভাতায় এইরূপ কথোপকথন হইতেছে এমন সময়ে শ্রামা বাহির হইতে সতীশকে আহ্বান করিল। সতীশ এতক্ষণ মাকে দেখিতে না পাইয়া শ্রামা দাসীর অন্বেষণ করিতেছিল, কিন্তু তাহাকেও দেখিতে না পাওয়াতে সতীশ মনে করিয়াছিল যে শ্রামা তাহারই মাতাকে অন্বেষণ করিয়া বেড়াইতেছে। বাহির হইতে শ্রামার কণ্ঠস্বর পাইয়া সতীশ দুগ্ধপাত্র হস্তে তৎক্ষণাৎ বাহিরে আসিয়া তাহার সহিত সাক্ষাৎ করিল।

ইতিপূর্বে প্রাক্কগজ্ঞাত আছেন যে যেমন অতুল বাবুর  
শ্রামানায়ী এক বিধানী পরিচারিকা ছিল, নীরোদ বাবুরও  
সেইরূপ “নফরের মা” নামী এক দাসী ছিল। যখন ভূষণ  
বাটী হইতে বহির্গত হইয়া যায়, শ্রামা তখন কোন কার্যে গিয়া  
ছিল, সুতরাং ভূষণার সহযোগের বিষয় সে কিছুই জানিত না।  
শ্রামা যখন বাটীতে আসিল, কখন নফরের মা তাহাকে ডাকিয়া  
বলিল, “বলি ও শ্রামা ! তোদের গিন্নি কোথায় গেল।”

নফরের মা পূর্বে কখন এরূপ ভাবে তাহাকে সম্ভাষণ  
করিত না, আজ সহসা এরূপ প্রশ্নে তাহার বড়ই রাগ হইল, কিন্তু  
তখন কোন কথা না বলিয়া একেবারে ভূষণার কক্ষে উপনীত  
হইল। ভূষণা পূর্বেই বাটী হইতে নিষ্কান্ত হইয়া গিয়াছিলেন,  
সুতরাং শ্রামা ভূষণাকে তথায় দেখিতে না পাইয়া অপরাপর  
দাস-দাসীকে তাহার সংবাদ জিজ্ঞাসা করিল। সকলেই  
এক কথা বলিল। তাহারা বলিল, “ছোটমা আজ বেলা দুই  
প্রহরের পর বাড়ী থেকে বেরিয়ে কোথায় চলে গেছেন।” এই  
সংবাদ জানিবার জন্তই সে সতীশকে ডাকিয়াছিল।

সতীশকে নিকটে ডাকিবার আরও একটি কারণ ছিল। যে  
দিন দিয়া হইতে নীরোদ বাবুর নামে একখানি পত্র আইসে,  
সে দিন সে গুপ্তভাবে নীরোদ বাবু ও তাহার সহধর্মিণী মোহিনী  
এই উভয়ের পরামর্শ শুনিয়াছিল। সেই কথা শুনিয়া অবধি  
শ্রামা মোহিনীর স্বপ্ন সকলই বুঝিতে পারিয়াছে। সেই দিন হই-  
তেই শ্রামা সতীশকে আপনার নিকট হইতে অল্প কাহারও কাছে  
যাইতে দিত না। আজ কোন কার্য উপলক্ষে বাহিরে যাওয়াই  
মোহিনী সতীশকে নিকটে পাইয়াছে। শ্রামা থাকিলে তিনি কখনই  
তাহাকে পাইবেন না ভাবিয়া আজই অতীষ্টসিদ্ধির সুযোগ খুঁজিল।

সে বাহা হউক শ্রামার স্বরে মোহিনীও ভীত হইলেন। তিনিও সতীশের অনুসরণ করিতে লাগিলেন। ক্রমে মোহিনী ও শ্রামার চারি চক্ষু এক হইল। শ্রামা সতীশের হস্তে হৃৎ পাত্র দেখিয়া তাহার আর বুকিতে, কিছুই বাকি রহিল না। সে তৎক্ষণাৎ সতীশের হস্ত হইতে সেই হৃৎ পাত্র বলপূর্বক গ্রহণ করিয়া দূরে নিক্ষেপ করত সতীশকে বলিতে লাগিল, “সতীশ! আর তোর দুধ খেয়ে কাজ নাই, তুই আমার কাছে আয়।”

মোহিনীর এ সকল আর সহ্য হইল না। সামান্য পরিচারিকা তাঁহার অপমান করিল। তাঁহার প্রদত্ত হৃৎপাত্র ভূমিতলে নিক্ষেপ করিল, এ অপমানের কিরূপে প্রতিশোধ লইবেন তাহারই উপায় উদ্ভাবন করিতে লাগিলেন। অবশেষে ক্রোধে কম্পিত কলেবর হইয়া শ্রামাকে বলিলেন, “শ্রামা তোর যে বড় অহঙ্কার দেখতে পাই। আমি ছেলেকে দুধ খেতে দিলাম আর তুই বেটী দাসী হ’য়ে কিনা সেই দুধ ফেলে দিলি। এত তেজ তোর কিসে বলত।”

শ্রামাও এতদিন কোন কথা না বলিয়া নিরুপদ্রবে সকলই সহ করিয়া আসিতেছিল, কিন্তু আজ তাহার হৃদয়ে বড়ই আঘাত লাগিয়াছে। আজ ভূষণার জন্য তাহার প্রাণ আকুল হইতেছে। যে সতীশকে সে আশৈশব লালন পালন করিয়া আসিতেছে, আজ তাহাকে মোহিনী বিষ-মিশ্রিত হৃৎ প্রদান করিয়া তাহার প্রাণহানি করিতে চেষ্টা পাইয়াছে, সুতরাং শ্রামা আর চূপ করিয়া রহিল না; ক্রোধে বলিয়া উঠিল, “এগো তোমার আর অর্ধ মায়ী দেখাতে হবেনা। তোমার যত মায়ী তাহা এক কথায় জানা গেছে। তোমরা মনে করেছ যে তোমাদের মনের কথা কেহই জানতে পারবে না, কিন্তু ইহা বেশ স্পষ্ট

যে, যত দিন শ্রামা দাসী এ বাটীতে থাকবে, ততদিন এদের কিছু বড় করতে পারবে না । আর যদি কিছু বেশী বাড়াবাড়ী কর, তাহলে আমি এখনি সে দিনকার সেই পরামর্শের কথা সকলের নিকট প্রকাশ করি। আরও কি তোমাদের আশা মিটেনা ? অমন বাপের মত বড় ভাই তাহাকে খুশ, যাহার গর্ভে দশমাস দশদিন থাকিয়া পৃথিবী দেখলে, সেই মাকে পর্যন্ত কৌশলে হত্যা, সাক্ষাৎ লক্ষী ভূষণার মাথায় কলঙ্কের ডালি অর্পণ, এমনকল তোমারই পরামর্শ । আবার শেষে কি না এই দুধের ছেলেকে বিষ দান । হা অগদীশ্বর ! এ পাপের কি প্রায়শ্চিত্ত আছে । কিন্তু তুমি বেশ মনে দেন যে, যতদিন শ্রামাদাসী আছে, ততদিন সতীশের একগাছি কেশেরও অনিষ্ট করতে পারবে না । পরে সতীশকে ডাকিয়া হস্ত ধারণ করত অগ্রসর হইতে লাগিল ।

মোহিনী শ্রামার কথা শুনিয়া প্রথমতঃ লজ্জিত পরে ভীত ও অবশেষে ক্রোধে উন্মত্ত হইয়া বলিয়া উঠিলেন, “শ্রামা এগনি আমার বাটী হতে দূর হ । নতুবা তোর কপালে আজ অনেক কষ্ট আছে । আমার যা খুসী তাই কোরব তোর তাতে কি ? তুই আমাদের সখান লোক ? দাসী দাসীর মত থাক, দাসী হয়ে বড় কথা কেন ? ভাল চাস্ ত এখনি দূর হ ।”

শ্রামা সেই কথার আর কোন উত্তর না করিয়া আন্তে আন্তে বাহিরে গমন করিল ।

ভূষণার নিকট হইতে প্রহার থাইয়া দিন কয়েক নদের-চাঁদকে চিকিৎসালয়ে অবস্থান করিতে হইয়াছিল । কিন্তু অল্প দিনের মধ্যেই তাহার ক্ষত স্থান গুলি আরোগ্য হইয়া যাওয়াতে নদেরচাঁদকে অগত্যা ছাড়িয়া দিতে হইয়াছিল । তথা হইতে



নিষ্কৃতি পাইয়া মনে মনে কত কি চিন্তা করিতে করিতে পুনরায় নীরোদ বাবুর বাটীতে আগমন করিল। যখন সে বাটীতে প্রবেশ করে, তখন শ্রামা দাসী সতীশের হস্ত ধারণ পূর্বক আপন মনে গালাগালি দিতে দিতে বাটী হইতে বহির্গত হইতেছিল। শ্রামার মুখে গালাগালি শুনিয়া নদেরচাঁদ তাহার কারণ বুঝিতে পারিল না। সে তৎক্ষণাৎ মোহিনীর কক্ষে গমনপূর্বক তাঁহাকে সম্বোধন করিয়া বলিল, “দিদি ! শ্রামা কাহাকে গালি দিতেছে।” মোহিনী শ্রামার নিকট অপ্রতিভ হইয়া ক্রোধে কম্পিত কলেবর হইতেছিলেন, সহসা নদেরচাঁদকে দেখিতে পাইয়া তিনি বলিলেন, “নদেরচাঁদ ! তুই থাকতে আমার এত অপমান হয়, আমার যেনন অদৃষ্ট তা না হ’লে কি আর চিরকালই কষ্ট ভোগ করি। এমন ঘরে পোড়েছি যে একদণ্ডের জন্য আমার সুখ হ’ল না। এমন স্থানেও বাপ-মায় বিবাহ দেয়।” নদেরচাঁদ তখন ক্রোধভরে বলিয়া উঠিল, “আচ্ছা, আমার নাম যদি নদেরচাঁদ হয় তবে এর প্রতিশোধ নিশ্চই তুলিব। কে তোমায় অপমান করে, বলনা, দেখি তাহার ঘাড়ে ক’টা মাথা।”

মোহিনী। কেন সেই বাদির বাদি শ্রামা দাসী আমার বড়ই অপমান করেছে, শ্রামা দাসী যদিও সতীশকে লইয়া বাটীর বাহির হইয়াছিল বটে, কিন্তু যখন সে দেখিল যে, নদেরচাঁদ আবার বাটীতে প্রবেশ করিল, তখন সেও ফিরিল এবং কিছু অন্তরালে থাকিয়া তাহাদের কথোপকথন শুনিতে লাগিল।

মোহিনীর কথা শুনিয়া শ্রামা আর চুপ করিয়া থাকিতে পারিল না। সে সেখান হইতে তখনই বলিয়া উঠিল, কেন করবে না ? আমার গালাগালি দিলে আমি বুঝি চুপ করে থাকবো।

এমন খাতির রাখিনা। উনি কে যে আমার দু'কথা বলবে। আমি কি ওর মাহিনা খাই ?”

শ্যামা যে গুপ্তভাবে থাকিয়া তাহাদের কথোপকথন শুনি-  
য়েছে ইহা মোহিনীর সন্দেহ হয় নাই। সহসা শ্যামার কণ্ঠস্বর  
পাইয়া সাহস ভরে নদেরচাঁদকে বলিলেন, “ঐ শোন, বেটীর  
স্পর্ধা দেখেছ। দাওত বেটীকে বাটা হ’তে দূর করে ”

শ্যামাও সহজে ছাড়িবার পাত্র নয়, সেও বলিয়া উঠিল, “কেন  
হবে না ? ভোমার খেয়ে ত আর নয়। কে বার করবে করুক  
না, আমি ত পালাই নাই।”

এইরূপ কথায় কথায় আবার বিবাদ উপস্থিত হইল। কিন্তু  
এবার শ্যামারই পরাজয় হইল। নদেরচাঁদ প্রহার করিতে  
করিতে শ্যামাকে গৃহ হইতে বহিষ্কৃত করিয়া দিল। কিয়ৎক্ষণ  
পরে নদেরচাঁদ মোহিনীকে জিজ্ঞাসা করিল, “দিদি ! ভূষণ  
কোথা গেছে ?”

মোহিনী। নদেরচাঁদ তুমি কি এ সকল কথায় কিছুই জাননা ?

নদেরচাঁদ। কোন কথা দিদি ? আর আমি আজ নবে  
ডাক্তারখানা থেকে আসছি। এত দিন সেই স্থানেই ছিলাম।  
কিরূপেই বা বাহিরের সংবাদ জানতে পারবো।

মোহিনী। আরে ভূষণকে তার স্বামী বাটা থেকে বাহির  
কোরে দিতে লিখেছিলেন। তা মেজবাবু ত সে কথা বলতে  
কোন মতেই রাজী হন না, অবশেষে আমি বজ্রম যে, যাহার  
স্ত্রী সেই যদি দূর করে দেন, তাতে আমাদের কি ? সেই কথা  
শুনে তিনি আমারই উপর ঐ ভার দিলেন। আমিও তাঁহার কথা  
মত সেই সকল কথা ছোট বোঁকে বলি। ছোটবোঁ আমার সেই  
কথা শুনে রাগ করে কোথায় চলেগেছে।

নদেরচাঁদ । বলকি দিদি, বাটী থেকে একলা কোথা গেল ?

মোহিনী । কে জানে কোথা গেল । সে কি আর একা গেছে অবশ্য পেছনে লোক না থাকলে কি আর একা হইত ।

নদেরচাঁদ । তাই আমিও বলছি । তা যা'ক এখন তোমার হ'লো ভাল, ভূষণা গেছে আপন গেছে আর এখন সেই স্ত্রীমা ও সতীশ এ দুজনেও গেছে । এখন আর ভয় কাকে । - নিরুটকে রাজ্য ভোগ কর । আর আমাকে তোমাদের প্রসাদ দাও ।

— — —

## পঞ্চদশ পরিচ্ছেদ ।

—o—

হরেন্দ্রকুমার ।

“Lend to my woes a patient ear”

Shakespeare.

শ্রীমা প্রহার খাইয়া প্রায় চলৎশক্তি রহিত হইয়া পড়িয়াছিল। সে সতীশের হস্ত ধারণ করিয়া কোনরূপে তাহার এক অঙ্গীয়ের বাটী গমন করিল, সেখানে কাঁচাকেও কোন কথা না বলিয়া পরদিন সতীশের সহিত কলিকাতা-অভিমুখে আসিতে লাগিল। এখন যেমন এক স্থান হইতে অন্যস্থানে যাইবার নানাবিধ উপায় আছে, তখন এরূপ ছিল না। সুতরাং প্রায় ২০।২৫ দিন পরে শ্রীমা ও সতীশ কলিকাতায় আসিয়া উপস্থিত হইল। শ্রীমা আরও অনেকবার কলিকাতায় আসিয়াছিল ; সুতরাং ইহার প্রায় সকল স্থানই তাহার পরিচিত ছিল। সে কোথাও বুধা কালবিলম্ব না করিয়া একেবারে একটি হাসপাতালে আসিয়া উপস্থিত হইল। তথাকার অধ্যক্ষ শ্রীমার অবস্থা দেখিয়া তাহাকে তথা হইতে কোনরূপে ছাড়িয়া দিলেন না। শ্রীমা অনেক আপত্তি করিল, কিন্তু অধ্যক্ষ তাহার কিছুই শুনিলেন না। তিনি বলিলেন, এরূপ অবস্থায় রোগীকে ছাড়িয়া দিলে আমার পর্য্যন্ত শাস্তি হইতে পারে। তখন শ্রীমা বলিল যে, যদি সতীশকে রাখেন, তাহা হইলে আমি থাকিতে

পারি। অর্ধাঙ্গ অগত্যা তাহাতেই স্বীকৃত হইলেন এবং তাহাকে একটি স্বতন্ত্র কক্ষ দেখাইয়া দিলেন। শ্রামা যদিও যথেষ্ট প্রহার খাইয়াছিল, তথাপি তাহার শরীরের অনেক অংশ অক্ষত ছিল। এই কারণ বশতঃ সে অতি অল্প দিনের মধ্যেই সম্পূর্ণরূপে আরোগ্য হইয়া উঠিল। শ্রামা আরোগ্যলাভ করিলে, একদিন সে ভাঙ্কারের বিনা অনুমতিতে আপনার অভিলষণীয় কোন খাদ্যদ্রব্য ক্রয় করিতে স্থানীয় দৃত্যাকে প্রেরণ করিল। কিন্তু বহু অনুসন্ধানেরও সে কোনমতে তাহা আনিতে না পারিয়া হতাশ মনে প্রত্যাগমন করিলে শ্রামা সতীশকে তাহার নিকট রাখিয়া নিজেই ধীরে ধীরে গমন করিল। সতীশও তাহার সহিত হাইত চাহিয়াছিল, কিন্তু শ্রামা নিষেধ করাতে সে অগত্যা নিরস্ত হইল। যদিও সতীশের বয়স ছয় বৎসরের অধিক হইবে না, তথাপি এই বয়সে তাহার বিশেষ জ্ঞান হইয়াছিল। অত্যন্ত সমবয়স্ক বালকের ন্যায় দৌরাছু বা কোন উৎপাত করিত না।

শ্রামা অনেক অনুসন্ধান করিয়াও সেই দ্রব্য ক্রয় করিতে পারিল না, সুতরাং ক্ষুধমনে যেমন প্রত্যাগমন করিবে, অমনিকে যেন তাহাকে ডাকিতেছে, তাহার এরূপ বোধ হইল। যদিও সে অনেকবার কলিকাতায় আসিয়াছিল, তথাপি তাহার পরিচিত লোক এখানে অতি অল্পই ছিল। সহসা তাহার নাম শুনিয়া সে এদিক ওদিক অন্বেষণ করিতেছে, এমন সময়ে হরেন্দ্রকুমারকে দেখিতে পাইল।

যখন হরেন্দ্রকুমার বিবাহ করিতে চম্পাপুরে যান, সেই সময়ে তিনি শ্রামাকে অনেকবার মিত্র মহাশয় দিগের বাটীতে দেখিয়াছিলেন; সুতরাং তিনি উহাকে তাহা-

দেবী দাসী বলিয়াই জানিতেন। সহসা তাহাকে কলিকাতায় দেখিয়া হরেন্দ্রকুমার শ্রামাকে জিজ্ঞাসা করিলেন, “শ্রামা! তুমি এখানে কেন?” শ্রামাও হরেন্দ্রকুমারকে জানিত, কেন না তাঁহার বিবাহ উপলক্ষে সেও অনেকবার তাঁহাদের বাটীতে গিয়াছিল, অনেক কৰ্ম করিয়াছিল। সে আরও জানিত যে, হরেন্দ্রবাবু কলিকাতায় কৰ্ম করেন ও তাঁহার সহিত অতুল বাবুর বিশেষ সৌহার্দ আছে, সুতরাং তাঁহাকে সকল কথা গোপন না করিয়া প্রকাশ করিলে তাহাদের ইষ্ট ভিন্ন অনিষ্টের সম্ভাবনা নাই জানিয়া সে বলিল, “হরেন বাবু! সে অনেক কথা। আমি শুনিয়াছি যে, আপনার সহিত আমার মনিব অতুল বাবুর বিশেষ আলাপ আছে। যদি আমি আপনাকে সকল কথা খুলিয়া বলি, আপনি কি অনুগ্রহ করিয়া অতুল বাবুকে জানাইতে পারিবেন?” হরেন্দ্রবাবু আনন্দ সহকারে সম্মতি সূচক উত্তর প্রদান করিলে শ্রামা বলিল, “আমি আপাততঃ এই ডাক্তার-খানায় চিকিৎসার জন্য বাস করিতেছি। সেখানে অতুল বাবুর পুত্র সতীশও আছে। আমি রোগমুক্ত হইয়াছি বটে, কিন্তু এখনও তথা হইতে বাহির হই নাই। আজ আমি কোনরূপে একবার বাহিরে আসিয়াছি, সুতরাং বিলম্ব করিলে বিপদ ঘটবে। আপনি আমার আপনার বাসার ঠিকানা বলুন। ডাক্তার বাবু ছাড়িলে আপনার নিকট যাইয়া সকল কথা ব্যক্ত করিব।” হরেন্দ্র বাবুও তখন বিশেষ ব্যস্ত ছিলেন, শ্রামার কথায় সম্মতি প্রদান করিয়া বাসস্থানের ঠিকানা বলিয়া দিলে শ্রামা পুনরায় চিকিৎসালয়ে প্রবেশ করিল। হরেন্দ্র-কুমারও নানাবিধ চিন্তা করিতে করিতে আপন কৰ্মে গমন করিলেন।

এক সপ্তাহ পরে একদিন প্রাতঃকালে ডাক্তারখানার অধ্যক্ষ শ্রামার নিকটে আসিয়া বলিল, “দেখ, প্রায় দুইমাসকাল এখানে থাকিয়া তুমি সম্পূর্ণরূপে আরোগ্যলাভ করিয়াছ। অন্য কোথাও থাকিলে আরোগ্য হইতে প্রায় চারি মাসকাল লাগিত। যাহা হউক, আজ হইতে তোমার আর এই চিকিৎসালয়ে থাকিতে হইবে না, তুমি স্বচ্ছন্দে যথা ইচ্ছা গমন করিতে পার।”

এতদ্বশ্রবণে শ্রামা আশ্চর্যে উৎফুল্ল হইয়া তাঁহাকে অগন্য ধন্যবাদ প্রদান করিতে করিতে সতীশের হস্ত ধারণ পূর্বক ধীরে ধীরে চিকিৎসালয়ের সীমা অতিক্রম করিয়া চলিয়া গেল।

শ্রামা বাহিরে আসিয়া কোন চিন্তা না করিয়া একেবারে হরেন্দ্র বাবুর বাসস্থান নির্দেশ করিবার জন্য অন্বেষণ করিতে লাগিল। অতি অল্প সময়ের মধ্যেই সে সেবিষয়ে হৃদয়কাষ হইল বটে, কিন্তু হরেন্দ্র বাবুর সহিত সাক্ষাৎ করিতে পারিল না। তিনি ইতিপূর্বেই কর্ণস্থানে গমন করিয়াছিলেন।

শ্রামা হতাশ হইল না। সতীশকে যৎসামান্য জলখাবার খাওয়াইয়া নিজে কিছুৎ জলযোগ করিল এবং হরেন্দ্রকুমারের জন্য অপেক্ষা করিতে লাগিল। বেলা প্রায় ছয়টার সময় হরেন্দ্রকুমার গৃহে প্রত্যাগমন করিলেন এবং শ্রামাকে দেখিতে পাইয়া তাহাকে তাহার কুশল সমাচার জিজ্ঞাসা করিলেন। শ্রামাও তাঁহার পদধূলি গ্রহণ করিয়া তাঁহাকে আপনার আরোগ্য সংবাদ দিল। পরে হরেন্দ্রকুমার তাহাদের আহারাদির ব্যবস্থা করিয়া দিয়া শ্রামাকে ডাকিয়া মিত্র পরিবারের সমস্ত খবর জিজ্ঞাসা করিলেন। শ্রামা তখন ধীরে ধীরে বলিতে আরম্ভ করিল। শ্রামা নিষের পরিচয়ই অগ্রে বলিতে লাগিল।

“যখন আমার বয়স প্রায় ১০ দশ বৎসর, তখন আমার বিবাহ হয় এবং বিবাহের একমাস পরেই আমি বিধবা হই। বিধবা হইলাম এই অপরাধে আমার মাতাও আমাকে যৎপরোনাস্তি অন্যান্য তিরস্কার করিতে লাগিলেন। আমি কি করি, আমাদের অবস্থা তখন এত মন্দ যে, প্রতিদিন অন্নহার ঘটিত না। এই সময়ে শুনিতে পাইলাম যে, অতুল বাবু দিল্লীতে কর্ম পাইয়াছেন তিনি এক জন দাসীর অন্বেষণ করিতেছেন। আমার মায় সহিত প্রবোধ বাবুর মাতার জানাশুনা ছিল, সুতরাং আমিই অতুল বাবুর দাসী হইয়া দিল্লী গমন করিলাম। সেই অবস্থায় আমি উহাদের দাসী আছি। আমি উহাদের বিষয় অনেক জানি, এবং আমাকে উহারা অত্যন্ত বিশ্বাস করিয়া থাকেন। সে বাহাইউক, এবার যখন আমরা দিল্লী হইতে চম্পাপুরে আসি, তখন শুনিলাম যে, বড় বাবু কষ্টে ছাড়িয়া দিয়াছেন ও পশ্চিম যাইতে মনস্থ করিয়াছেন। একদিন বড় বাবুর পেটের পীড়া হয়, তাহাতে মেজ নীরোদবাবু যিনি ডাক্তার, প্রবোধ বাবুকে চিকিৎসা করেন। ইতিমধ্যে বড় মা কোন কার্যের জন্য বাপের বাড়ী যান।

“ইহার পর একদিন আমি বাড়ীর বারান্দায় সতীশকে নিয়ে বেড়াছি, সহসা কে যেন আস্তে আস্তে কথা কছে শুনিতে পাইলাম, তখন ভয়ানক অন্ধকার, বাড়ীর সেখানে তখন কোন মেয়ে ছেলে ধাইবার সময় নয়। আমি স্বরে মেজমা ব’লে বুঝিতে পারিলাম। কোন গোলযোগ না কৌরে আমি সতীশকে কোলে করিলাম ও একটু নিকটে যাইয়া সকল কথা শুনিতে লাগিলাম। কিন্তু সব কথা ভাল বুঝিতে পারিলাম না। একবার বড় বাবুর নাম করে, একবার নীরোদ বাবুর শ্রালক



নদেরচাঁদের নাম করে। কিন্তু সেই দিন রাত্রেই প্রবোধ বাবুর মৃত্যু হয়, ইহার ভিতর অবস্থা কোন গুঢ় রহস্য আছে।

তার পর একদিন অতুল বাবুর স্ত্রীকে কোন কথা না বলিয়া বাড়ী থেকে সকলে তাঁকে দূর করিতে যান। সেদিন আমিও বাটীতে ছিলাম না। সেই সুযোগে নদেরচাঁদ অতুলবাবুর স্ত্রীকে একাকিনী পেয়ে অত্যন্ত অপমান করে। অবশেষে তিনি আত্মরক্ষার জন্য অনন্যোপায় হইয়া একখানি অস্ত্রদ্বারা নদেরচাঁদকে আক্রান্ত করিয়া অব্যাহতি পান। শেষে তাঁহাকে কি কম লাঞ্ছনা ভোগ করিতে হইয়াছিল? কিন্তু বিচারে তাহার নির্দোষিতা প্রমাণ হইল। আমার বোধ হয়, ইহাও নীরোদ বাবুর ষড়যন্ত্র ভিন্ন আর কিছুই নহে।

“এই ঘটনার দু একদিন পরে একদিন আমি কোন কাৰ্য্যে গিয়াছি, আসিয়া শুনিলাম, অতুল বাবুর স্ত্রী বাড়ী হইতে বাহির হইয়া গিয়াছে। নীরোদ বাবুর স্ত্রী মোহিনীকে কারণ জিজ্ঞাসা করিলাম, তিনি বলিলেন যে, অতুল বাবু তাহার কলঙ্কের কথা শুনিয়া তাহাকে বাটী হইতে বাহির করিয়া দিতে বলিয়াছেন, তাই সে কোথায় চলিয়া গিয়াছে। আমি আর কোন কথা না বলে এদিক ওদিক অন্বেষণ করিয়া আসিলাম, কিন্তু তাঁহাকে কোথাও দেখিতে না পাইয়া সতীশকে সঙ্গে রাখিবার জন্য বাড়ী গেলাম।

সতীশকে সঙ্গে রাখিবার একটা কারণ ছিল। একদিন আমি বাহিরে আছি, মেজমা তাহা জানেন না। খানিক পরে নীরোদ বাবু ও মেজমা কি পরামর্শ করিতে করিতে সেদিক দিয়া চলিয়া গেলেন। তখন অল্প অল্প অন্ধকার ছিল, সুতরাং আমাকে কেহই দেখিতে পাইলেন না, আমিও তাঁহাদের অনু-

সরণ করিলাম। সকল কথা শুনিতে পাইলাম। তাঁহারা গোপনে সতীশকে হত্যা করিবার কৌশল করিতেছেন।

“এ সংসারে অর্থই সকল অশ্বখের সামগ্রী। কেন যে তাঁহাদের অত কৌশল, অত পরামর্শ তখন আমি সকলই বুঝিতে পারিলাম। প্রথমে মনে করিলাম, সতীশকে হত্যা করিয়া নীরোদ বাবুর লাভ কি? তারপর যখন দেখিলাম যে, বিষয়ে সতীশের এক অংশ আছে, তখন সকলই বুঝিতে পারিলাম।

“তারপর আমি ত ভাড়াভাড়া সতীশকে আনিতে যাই, এমন সময়ে দেখি, নীরোদ বাবুর ছেলে সুরেশ সতীশকে এক পাত্র দুগ্ধ পান করিতে দিতেছে। আমি তখনই সন্দেহ করিলাম, সতীশকে নিকটে ডাকিয়া দুগ্ধপাত্র কাড়িয়া দূরে নিক্ষেপ করিলাম। এই অপরাধে নদেরচাঁদ আমাকে ধরেষ্টে গ্রেহা করিয়া বাটি হইতে দূর করিয়া দিল। আমি মাত্র খাইয়া সতীশের সঙ্গে আস্তে আস্তে অনেকদিনের পর কলিকাতায় আসিয়া উপস্থিত হইলাম। চিকিৎসালয়ে প্রায় দুই মাসকাল ছিলাম। আজ আপনাকে সমস্ত ঘটনা বলিবার জন্য আপনার নিকট আসিয়াছি। আপনি সে দিন বলিয়াছিলেন যে, এই সকল কথা অতুল বাবুর নিকট জানাইবেন। আমি আমার সমস্ত কথা বলিলাম, এখন আপনি যাহা ভাল বুঝেন তাহা করুন।

“আমার সঙ্গে এই যে বালকটাকে দেখিতেছেন, এইটাই অতুল বাবুর পুত্র সতীশ। বাছার আমার যদিও অল্প বয়স, তবুও বিলক্ষণ বুদ্ধি আছে। আমি ছেলেবেলা থেকে ইহাকে লালন পালন করিতেছি বলিয়া এ বাপ মার চেরে আমাকে অধিক ভালবাসে। সেই জন্যই আমি ইহাকে আমার নিকট রাখিতে কোন কষ্ট পাই নাই। আমার সহিত অল্প টাকা

আছে, যদি এখানে কোথাও সুবিধা হয় তাহা হইলে আমরা সেই স্থানে কিছুদিন বাস করিতে পারি। এ সময়ে আপনি যদি তাঁর পুত্রের কোনরূপ উপকার না করেন, তবে আর কে করিবে?”

হরেন্দ্রকুমার শ্রামার এই সকল কথা শ্রবণ করিয়া মনে মনে আফ্লাদিত হইলেন। এবং তৎক্ষণাৎ অতুল বাবুকে এক পত্র লিখিয়া তাঁহার বাটীর সকল সমাচার বিস্তারিত রূপে জানাইলেন। পরে শ্রামাকে বলিলেন, “শ্রামা, আপাততঃ আমাদের বাসায় একটীও দাসী নাই। আমরাও একটী বিশ্বাসী দাসীর অন্বেষণ করিতেছি, যদি তোমার কোনরূপ আপত্তি না থাকে, তবে তুমিই সেই কার্যে নিযুক্ত হইতে পার। অবশ্যই বেতন পাইবে। আর আজ হইতে আমি তোমার সতীশের ভার গ্রহণ করিলাম। সতীশের জন্ত যাহা কিছু ব্যয় হইবে, আমি দিব। বন্ধুপুত্রের ও আপনার পুত্রের কোন প্রভেদ নাই। অতএব আজ হইতে তোমায় আর সতীশের জন্য চিন্তা করিতে হইবে না।

হরেন্দ্র বাবুর এই আনন্দজনক কথা শুনিয়া শ্রামা অতীব আফ্লাদিত হইল। বলা বাহুল্য, শ্রামা ও সতীশ হরেন্দ্রকুমারের কথামুযায়ী সেইখানেই বাস করিতে লাগিল।

## ষোড়শ পরিচ্ছেদ ।

সন্দেহ ভঞ্জন ।

“O the heavens ! what & one play had we.”

Tempest.

প্রবোধ বাবুর বিধবা পত্নী মলিনা স্বামী ও শ্বশুরীয় মৃত্যুর  
প্রায় দুইমাস পর হইতেই পিতৃদালয়ে বাস করিতে ছিলেন ।  
সম্প্রতি ভূষণার গৃহত্যাগের কথা তাঁহার কর্ণে উঠিল, তিনি  
আর নিশ্চিন্ত থাকিতে পারিলেন না । বিশেষ সম্পত্তিতে তাঁহা-  
রও অংশ আছে ভাবিয়া বুঝা কালহরণ না করিয়া অল্পদিনের  
মধ্যেই পুনরায় শ্বশুরালয়ে আগমন করিলেন । নীরোদ বাবুর  
স্ত্রী মোহিনী তাঁহাকে সাধ্যমত যত্ন করিতে ফ্রাটি করিলেন না ।

হরেন্দ্রকুমার মনোযোগের সহিত শ্রামার সমস্ত কাহিনী  
শ্রবণ করিয়া প্রথমতঃ অনেকক্ষণ ধরিয়া কত কি চিন্তা করিতে  
লাগিলেন । প্রবোধ বাবুকে তিনি বিলক্ষণ জানিতেন । বিশেষ  
তিনি তাঁহার পিতৃ-মাতার নিকট প্রবোধ বাবুর অশেষ গুণের  
কথা শুনিয়া ছিলেন । নীরোদ ডাক্তারকে তিনি চিনিতেন,  
তবে তাঁহার সহিত কখন আলাপ হয় নাই । গ্রামের লোকে  
অনেকবার তাঁহার অসদাভিপ্রায়ের কথা কানাকানি করিত ।  
কিন্তু কার্যে কিছুই দেখিতে না পাইয়া হরেন্দ্রকুমার বিশেষ  
কিছু মনে করিতেন না । বরং গ্রামের বিখ্যাত ডাক্তার জানিয়া  
তাঁহাকে বিশেষ সম্মান করিতেন । অতুলবাবু ও হরেন্দ্রকুমার

প্রায়ই সমবয়স্ক, সুতরাং শৈশবকালে উহাদের মধ্যে বিশেষ প্রণয় লক্ষিত হইত। এখন যদিও তাঁহাদের মধ্যে শতশত যোজন ব্যবধান, তবুও সেই পূর্বপ্রণয়ের স্মৃতিটুকু মুছিয়া যায় নাই।

যাহা হউক, হরেন্দ্রকুমার শ্রামার সমস্ত কথা শুনিয়া অত্যন্ত বিস্মিত ও আশ্চর্য্যান্বিত হইয়া বলিলেন, “শ্রামা, একথা যদি তুমি পূর্বেই জানিতে পারিয়াছিলি, তবে এতদিন কেন আর কাহাকেও বলিয়া অতুলকে পত্র পাঠাইতে পারিস নাই?”

শ্রামা বলিল, “বড় বাবুর মৃত্যুর পূর্বে আমার একটু সন্দেহ হইয়াছিল মাত্র। কিন্তু তাঁহার মৃত্যুর পর হইতেই আমার সেই সন্দেহ বাড়িতে লাগিল। যখন আমি নিশ্চয় জানিতে পারিলাম যে, অতুলবাবু ও তাঁহার স্ত্রী এই ভয়ানক কাণ্ডে লিপ্ত আছেন, তখন প্রথমতঃ সাহস করিয়া বলিতে পারি নাই। কি জানি, যদি হিতে বিপরীত হয়। বিশেষ আমি মেয়ে মানুষ, কোনরূপে অতুলবাবুকে পত্র পাঠাইবার সুবিধা করিতে পারি নাই। এখন আপনার নিকটে আসিয়া পড়িয়াছি, আপনি অনুগ্রহ করিয়া অতুল বাবুকে একখানি পত্র লিখুন এই প্রার্থনা।”

অগত্যা হরেন্দ্রকুমার অতুলবাবুকে পত্র লিখিলেন। পত্র যথাসময়ে অতুলবাবুর হস্তগত হইলে তিনি উহা খুলিয়া পাঠ করিলেন। প্রথমতঃ তিনি পত্রের কিছুই বুঝিতে পারিলেন না। আবার পড়িলেন, এবার কতক কতক উপলব্ধি হইল বটে, কিন্তু হরেন্দ্রবাবুর কথায় কোন মতে বিশ্বাস স্থাপন করিতে পারিলেন না। যদিও হরেন্দ্রের কথা তাঁহার অবিশ্বাস করিবার কোন কারণ নাই, তথাপি এতদ্বারা অতুলবাবু তাঁহার সমস্ত কথা স্বপ্নের ন্যায় বোধ করিতে লাগিলেন।

নীরোদ বাবুকে অতুল বাবুর দৃঢ়বিশ্বাস । এ বিশ্বাস হওয়া সহজেই সম্ভব । কনিষ্ঠ জ্যেষ্ঠের উপর বিশ্বাস স্থাপন করিবে, ইহাতে আর আশ্চর্য্য কি ? যাহা হউক, অতুল বাবু হরেন্দ্র কুমারের পত্র পাঠ করিয়া কিংকর্তব্যবিমূঢ় হইয়া পড়িলেন । মনে মনে চিন্তা করিতে লাগিলেন, “বড় দাদার মৃত্যু, মার মৃত্যু, ছোট বৌএর গৃহত্যাগ, এ সকলই মেজদাদা ও মেজবৌএর কাৰ্য্য, একথা কিরূপে বিশ্বাস করি । শ্রামা অত্যন্ত বিশ্বাসী, তাহাকেও কখন মিথ্যা বলিতে শুনি নাই, কিন্তু সে যে তাঁহাদের পরামর্শ করিতে দেখিয়াছে, একথা কিরূপে বিশ্বাস করি । মেজদাদা মধো মধ্যে আমাকে ছোটবৌএর চরিত্র দোষ সম্বন্ধে অনেকবার লিখিয়াছেন, তাহার পরই নদেরটালের সহিত সেই ঘটনার উল্লেখ করেন । আমি তাই ভূষণার চরিত্রে দোষ জানিয়া বাটী হইতে দূর করিয়া দিতে বলিয়াছিলাম । যদিও মেজদাদা আমাকে ও সকল কথা লিখেছেন বটে, যদিও আমি তখন জ্ঞানশূন্য হইয়া ভূষণার প্রতি এরূপ নিষ্ঠুর আচরণ করিয়াছিলাম, তথাপি সে সকল কাৰ্য্য আমার জ্ঞানবৃত্ত নহে । ভূষণা যে এরূপ বিশ্বাসঘাতিনী হইবে, ইহা স্বপ্নেও ভাবি নাই ।

শ্রামার কথায় আমার এখন ভ্রম দূর হইতেছে । আমি এখন সমস্তই বুঝিতে পারিতেছি । ইতিপূর্বে বড়বৌও আমাকে বড়দাদার ও মার মৃত্যুতে সন্দেহ করিয়া এক পত্র লিখিয়া ছিলেন, কিন্তু তাহাতে আমি কিছুই বুঝিতে পারি নাই, এখন আমার নিশ্চয় বিশ্বাস যে, শ্রামার কথা সত্য । উঃ ! মেজদাদার কি ভয়ানক ষড়যন্ত্র ! কি ভয়ানক কুহকজাল বিস্তার ! আশ্চর্য্য ! সে, শেষে মেজদাদা এমন কাজ করিলেন ! যাহাকে আপনা অপেক্ষা অধিক বিশ্বাস করিতাম, যার একমাত্র কথায় বিশ্বাস

করিয়া প্রার্থের ধন ভূষণকে ত্যাগ করিলাম, তাঁহারই যখন এইরূপ বিশ্বাসঘাতকতা, তখন এ অগতে আর কাহাকেই বা বিশ্বাস করি ? আপনার সহোদরে যখন একাজ করিতে পারিলেন, তখন অপরে যে এমন কার্য্য করিবে, তাহাতে আর আশ্চর্য্য কি ! বড় দাদাকে খুন ! অবশ্যই অর্থের জন্য । যদি অর্থের জন্য বড় দাদাকে হত্যা করিতে পারিলেন, তখন সে যে ভূষণর মস্তকে কলঙ্কের পসরা অর্পণ করিবেন, তাহাতে আর সন্দেহ কি ? বড়দাদা—আমাদের বড়দাদা কি সামান্য লোক ছিলেন, যাঁহার লালন পালনে আমরা শৈশবকালে পিতৃহীন হইয়াও পিতৃহীন বলিয়া ক্ষণকালের জন্য অশুভব করি নাই, তাঁহার সেই অলস্ত ভ্রাতৃস্নেহের জন্য প্রতিশোধ স্বরূপ বুদ্ধি তাঁর প্রাণদণ্ড হইল । এইরূপ চিন্তা করিতে করিতে অতুল বাবু ক্ষণেক অন্যমনস্ত হইলেন । তাঁহার চক্ষু দিয়া অনবরত অশ্রুধারা প্রবাহিত হইতে লাগিল । ক্ষণেক পরে তিনি কিয়ৎ পরিমাণে আশ্বস্ত হইলেন এবং নীরোদ বাবুকে সম্বোধন করিয়া বলিতে লাগিলেন, “মেজদাদা ! তোমাকে ধন্য ! তুমি কোন্ অপরাধে মেহময়ী জননীকে এ সংসার হইতে দূরীভূত করিয়া দিলে ? কোন্ অপরাধেই বা তুমি হতভাগিনী ভূষণকে এরূপ যজ্ঞণা দিয়াছ বুদ্ধিতে পারিতেছিল । আর তুমি আমার ভ্রাতা নও । তোমার সহিত আর আমার কোন সম্বন্ধ রহিল না । তুমি যেরূপ আমাদের প্রতি ব্যবহার করিতেছ, আমিও এখন হইতে তাহার প্রতিশোধ লইতে চেষ্টা করিব ।

এইরূপ চিন্তা করিয়া সেই দিনই কর্মস্থান হইতে অবসর গ্রহণ করিলেন এবং কালবিলম্ব না করিয়া একেবারে চাম্পাপুরে আসিয়া উপস্থিত হইলেন । নীরোদ এ বিষয়ের কোন সংবাদও জানেন না ।

## সপ্তদশ পরিচ্ছেদ ।

### পরামর্শ ।

“Sweet is revenge.”

Shakespeare.

পাঠক অবগত আছেন যে, ভূষণা গৃহ হইতে নিষ্কান্ত হইলে যেদিন নদেরচাঁদ স্ত্রীমাকে প্রহার করিয়া বাটা হইতে দূর করিয়া দেয়, সেইদিন হইতেই মিত্রদের প্রকাণ্ড বাটা ও সমস্ত বিষয় নীরোদ বাবুরই অধিকারের মধ্যে আইসে। কিন্তু বিষয় এখনও সম্পূর্ণ তাঁহার হস্তগত হয় নাই। কারণ, প্রবোধ বাবুর মৃত্যুর পরে যে বাইট হাজার টাকা পাওয়া যাইবে, সে টাকা এখনও তিনি আদায় করিতে পারেন নাই। বড় বউ মলিনা তাহার প্রকৃত উত্তরাধিকারিণী। কিন্তু নীরোদ বাবু মলিনাকে কোন মতেই সে কথা জানাইতে চান না; তাহা হইলে মলিনা টাকা দাবি করিবে।

অনেক দিন চিন্তার পর নীরোদ বাবু এক উপায় উদ্ভাবন করিলেন। একটা স্বীলোককে জাল মলিনা সাজাইয়া তাহারই নামে টাকা লইলেন। মলিনা এ সকলের বিন্দুমাত্রও জানেন না। তাঁহার ভাতা হারাপ বাবু একজন প্রুটীন ও বহুদর্শী লোক। তিনি প্রবোধ বাবুর হঠাৎ মৃত্যু সংবাদ শুনিতে পাইয়া কিছু সন্দেহ করিয়াছিলেন। বাহা হউক ভগিনীপতির মৃত্যুর পর যে বাইট হাজার টাকা মলিনা পাইবে, ইহা



তাঁহার জানা ছিল। তিনি একসময়ে প্রবোধ বাবুর মুখে ঐ কথা শুনিয়াছিলেন। প্রবোধ বাবুর অমুরোধে তিনি ঐ কথাটা এতদিন গোপন করিয়া রাখিয়াছিলেন। প্রবোধ বাবুর মৃত্যুর কিছুদিন পর তিনি একবার সেই টাকার তত্ত্ব লইয়াছিলেন, কিন্তু তাহাতে জানিতে পারেন যে, এখনও তাহা জমা আছে। মলিনা তখন স্বশ্রমালয়ে ছিলেন। আরও দিন কতক গত হইলে আর একবার অনুসন্ধান করিয়া জানিতে পারিলেন যে, মলিনা সেই টাকা প্রাপ্ত হইয়াছেন। তৎপরে হারাণ বাবু ভগিনীর সহিত সাক্ষাৎ করিবার জন্ত একবার মিত্র-বাটী গমন করেন, এবং প্রসঙ্গক্রমে ঐ টাকার কথা উত্থাপন করেন। মলিনা টাকার বিষয় কিছুই জানিতেন না, সে কথা স্পষ্টই বলিলেন। হারাণ বাবু বিষম সন্দেহে পতিত হইয়া বাটী ফিরিয়া আসিলেন; এবং নীরোদ বাবুকে এই সম্বন্ধে একখানি পত্র লিখিলেন। পত্রের উত্তর আসিল না। তখন হারাণ বাবুর সন্দেহ আরও বদ্ধমূল হইল। কি করিবেন, কিছুই স্থির করিতে না পারিয়া মলিনার নিকটে আসিয়া সকল ব্যাপার বুঝাইয়া বলিলেন। মলিনা অত্যন্ত আশ্চর্য্যভরা হইলেন; এবং এ সব কথা প্রকাশ করিতে নিষেধ করিয়া বলিলেন, “আমার আর কয় দিন? যে কয়দিন আমার জীবন ধারণ করিতে হইবে, তাহা শান্তিতে যাইতে দাও। অর্থে আমার প্রয়োজন নাই। যে অর্থের জন্য আমি অমন স্বামী হইতে বঞ্চিত হইলাম, সেই অর্থের জন্য আমি আর আত্মীয় স্বজনদের সহিত বাদবিসম্বাদ করিতে ইচ্ছা করি না। তুমি এ সকল কথা প্রকাশ করিলে তাহাদিগের নিকট আমার আর মুখ দেখাইবার উপায় থাকিবে না। মেজ ঠাকুরের পুত্র

সুরেশ ও অভূলের পুত্র সতীশ যদি রক্ষা পায়, তবেই আমরা পরকালে এক গণ্ডু ব জল পাইব। উহারাই এখন বংশধর। উহাদের মুখ চাহিয়া এখন আর কোন গোলযোগ করিবার আবশ্যক নাই। ইহাতে যাহা অভূটে থাকে হউক, কতি নাট।”

মলিনা হারাণ বাবুর নিকটে ঐ সকল কথা বলিলে পর, হারাণবাবু তখন তাঁহাকে আর কোন কথা বলিলেন না। কিন্তু তিনি গুপ্তভাবে ঐ বিষয়ের সমস্ত সংবাদ সংগ্রহ করিবার জন্য এক জন চর নিযুক্ত করিলেন। এই কার্যে তাঁহার একটু বিশেষ প্রয়োজন ছিল। পূর্বেই উক্ত হইয়াছে যে, প্রবোধ বাবুর হঠাৎ মৃত্যুতে হারাণ বাবুর সন্দেহ হইয়াছিল। যখন প্রবোধ বাবুর রক্ষিত অর্থ হস্তান্তরিত হইল, তখন তাঁহার সেই সন্দেহ ক্রমে বন্ধমূল হইয়া উঠিল এবং প্রবোধ বাবুর মৃত্যুও যে নীরোদ বাবুর ষড়যন্ত্র তাহাও কতক পরিমাণে বুঝিতে পারিলেন। যাহা হউক একটী গুপ্তচর নিযুক্ত করিয়া তাহাকে এই সকল ঘটনার বিষয় আদ্যোপান্ত বর্ণনা করিয়া তাহার সত্যাসত্য নিক-পণ করিতে আদেশ দিলেন।

মলিনা খণ্ডরালয়েই বাস করিতে লাগিলেন। বয়স্কা হইলে জীলোকেরা সহজে পিত্তালায়ে বাস করিতে চাহেন না। যদিও মলিনা বিধবা, যদিও খণ্ডরালয়ের সহিত তাঁহার এক প্রকার সম্বন্ধ দূর হইয়াছে, ওথাপিও তিনি খণ্ডরালয় ছাড়িতে সক্ষম হইলেন না। অর্থের বিষয় এপর্যন্ত কাহাকেও কোন কথা বলিলেন না। নীরোদ বাবু ও মোহিনী তাঁহাকে যথেষ্ট সমা-দর করিতে লাগিলেন। কিসে তাঁহার সুখ হইবে, তাঁহারা সদাই তাহার চেষ্টা করিতে লাগিলেন। কিন্তু এই সকল ব্যাপার মলিনার বড় ভাল লাগিল না। তাঁহার সন্দেহ কতক সত্য

বলিয়া অস্বস্তি হইতে লাগিল । কিন্তু তিনি কাহাকেও কোন কথা বলিলেন না । কেবল মনোযোগের সহিত তাঁহাদের কার্যকলাপ নিরীক্ষণ করিতে লাগিলেন ।

এই সময়ে অতুল চম্পাপুরে আসিলেন । বাটীর দ্বারে অনেককণ দণ্ডায়মান থাকিয়া নানাপ্রকার চিন্তা করিতে লাগিলেন । ‘অল্পকণ পরেই সেই পুরাতন ভৃত্য নবকুমারের সহিত সাক্ষাৎ হইল । সে তাঁহাকে বাটীর ভিতর লইয়া গিয়া প্রবোধ বাবুর মৃত্যুর বিষয় যতদূর জানিত, সমস্ত প্রকাশ করিল । নবকুমার প্রবোধ বাবুর বড়ই বিশ্বাসী ভৃত্য । এমন কি প্রবোধ বাবু ও তাঁহার স্ত্রী মলিনা তাঁহাকে আপন পুত্রের স্থায় দেখিতেন । প্রবোধ বাবুর মৃত্যুতে নবকুমারেরও বিষম সন্দেহ উপস্থিত হইয়াছিল, কিন্তু ভ্রাতার উপর ভ্রাতার এরূপ গর্হিত আচরণ অসম্ভব বিবেচনার তাহা এতদিন কাহারও নিকট প্রকাশ করিতে পায় নাই । এখন অতুল বাবুকেও লক্ষিত জানিয়া তাহার মনের কথা সকলই খুলিয়া বলিল ।

এইরূপে তাহাদের কথোপকথন হইতেছে, এমন সময় একজন লোক আসিয়া নীরোদ বাবুকে অন্বেষণ করিতে লাগিল । অতুলবাবু আগন্তকের তথ্য আগমনের কারণ জিজ্ঞাসা করিলেন । আগন্তক সে সকল কোন কথা না বলিয়া অতুল বাবুকে নীরোদ বাবুর সংবাদ জিজ্ঞাসা করিলেন । অতুল বাবু তখন তাঁহাকে বলিলেন, “আমি আজিই এখানে আসিয়া পৌঁছিয়াছি । মেজ দাদার সংবাদ বিশেষ জানি না ।” এই কথা শুনিয়া আগন্তক জিজ্ঞাসা করিলেন, “মহাশয় ! তবে আপনার নাম কি অতুল বাবু ! আপনিই কি মৃত প্রবোধ বাবুর কনিষ্ঠ ভ্রাতা ?”

অতুল । আপনার অনুমান ষথার্থ । আমিই তাঁহার কনিষ্ঠ ।

আগন্তুক । আপনার সহিত আমার কতকগুলি কথা আছে, যদি আপনার সাবকাশ হয়, তবে একটু অন্তরালে চলুন,—বলিব ।

অতুল । আপনি স্বচ্ছন্দে বলিতে পারেন । এই বলিয়া নবকুমারকে স্থানান্তরে যাইতে বলিয়া আগন্তুককে নিকটে আসিতে বলিলেন । আগন্তুক নিকটে আসিলে তিনি অতুল বাবুকে জিজ্ঞাসা করিলেন, “মহাশয় ! আপনি প্রবোধ বাবুর মৃত্যুর বিষয় কিছু অবগত আছেন ?

অতুল । যখন বড়দাদা অকালে মৃত্যুমুখে পতিত হন, তখন আমি এখানে উপস্থিত ছিলাম না । আমি দিল্লীতে কর্মস্থানে ছিলাম, সেই জন্ত উহার সবিশেষ কথা আপনাকে বলিতে পারিলাম না ।

আগন্তুক । আপনি আমার নিকট কোন কথা গোপন করিলে আপনাদেরই অনিষ্টের সম্ভাবনা । আমি একজন গুপ্তচর । প্রবোধ বাবুর জালক হারাণ বাবুই আমাকে নিযুক্ত করিয়াছেন । আপনার কি প্রবোধ বাবুর অকাল মৃত্যুতে কোন সন্দেহ হয় না ?

অতুল । আপনি গুপ্তচর ! কিসের অনুসন্ধান করিতেছেন ? দাদার মৃত্যুতে আমার বিলক্ষণ সন্দেহ হয় ।

আগন্তুক । আমি সেই তথ্য নিরূপণ করিতেই নিযুক্ত হইয়াছি । আরও অনেক কৌশল করা হইয়াছে, দেখা যাউক কি হয় । আজ আমি চলিলাম । দেখিবেন, যেন ইহার কোন বিষয় ঘূণাকরেও প্রকাশ না পায় । নীরোদ্ বাবুকে সামান্য মনে করিবেন না । এই বলিয়া আগন্তুক তথা হইতে প্রস্থান করিল ।

অতুল বাবু পুনরায় নবকুমারকে আহ্বান করিয়া মলিনার

সংবাদ জিজ্ঞাসা করিলেন,—জানিতে পারিলেন যে, মলিনা তখন সেই বাটীতেই বাস করিতেছেন। তখন অতুল বাবু মলিনার সহিত সাক্ষাৎ করিতে অন্তরে প্রবেশ করিলেন।

মলিনার আকার দেখিয়া অতুল বাবুর বুকিতে আর কিছুই বাকি রহিলনা। পরে তিনি তাঁহাকে জিজ্ঞাসা করিলেন, “বড়বো ব্যাপার কি বলিতে পার! আমিও ইহার কিছুই বুকিতে পারিতেছি না। আমি মাতৃহীন হইলেও তুমি থাকিতে আমার কোন চিন্তার কারণ নাই। আমার তুমি সকল কথা প্রকাশ করিয়া বল, কিছুই গোপন করিওনা।

মলিনা। ঠাকুরপো, ও সকল কথা এখনকার নয়। এই এলে,—ধানিক বিশ্রাম কর, পরে সকলই জানিতে পারিবে।

অতুল। আমি কোন ক্ষেত্রে বিশ্রাম করিব বল। পিতার হৃদয় বড়দাদার অকাল মরণ, মার হঠাৎ মৃত্যু, ভূষণার গৃহত্যাগ এই সকল কথা জানিয়া শুনিয়া তুমি কেমন করিয়া আমার স্থির হইতে বল। বড়বো আমি এখন সব বুকিতে পেরেছি, আর তোমার কোন কথা বলিতে হইবে না। আচ্ছা ছোটবো কোন অপরাধে অপরাধিনী হইয়াছিল যে, তাহাকে গৃহ হইতে বাহির করিয়া দেওয়া হইল।

মলিনা। সে কি! তুমিই তাহাকে বাটী হইতে বাহির করিয়া দিতে বলিয়াছ। আবার এখন কেন অপরের স্বক্ষে দোষ চাপাও।

অতুল। আমার কথায় তবে তাহাকে দূর করা হইয়াছে। কলকাত্তিনী, আমি কোন লজ্জায় তাহাকে সংসারে রাখিতে বলিব। মেজদাদা মধ্য মধ্য আমাকে ভূষণার চরিত্র সম্বন্ধে নানাবিধ দোষ দিয়া পত্র লিখিতেন। এমন পত্র নাই

বাহাতে ভূষণার কোন না কোন বিষয়ে নিম্ণা নাই। এ সকল কারণেই আমার মস্তিষ্ক বিকৃত হইয়াছিল সন্দেহ নাই; নতুনা এমন সাধ্বীকে গৃহ হইতে বহিষ্কৃত করিয়া দিতে বলিব কেন? ভূষণা যেন কলঙ্কিনী, সতীশ কি করিল, শ্রামাই বা কি করিল? বড়বো! আমি সকল জানিয়াছি, কোন দোষে মেজবো আমার দুঃখপোষ্য বালক সতীশকে বিব মিশ্রিত দুগ্ধ খাইতে দিয়াছিল। আর কেনই বা নদেরচাঁদ শ্রামাকে বিলক্ষণ প্রহার করিয়া বাটী হইতে দূর করিয়া দিল। এ সকলের কারণ আমি যতদিন না বাহির করিতে পারি, ততদিন আর এসংসারে প্রবেশ করিব না মনে করিয়াছি। আর আমি যে চম্পাপুরে আনিয়াছি, এখন যেন তাহা অপ্রকাশ থাকে। নবকুমারকেও ঐরূপ সাবধান করিয়া দিয়া অতুলবাবু বিশ্রাম না করিয়া একেবারে কলিকাতায় হরেন্দ্রকুমার বাবুর বাসায় আনিয়া উপস্থিত হইলেন।

নীরোদচন্দ্র তাঁহার সমস্ত কার্য্য একাকী সম্পন্ন করিতে পারেন নাই, সেই জন্য নদেরচাঁদ ও তাহার ভাস্করখানার বেতন-ভোগী দেবেন্দ্র এই উভয়েই তাঁহাকে বিশেষরূপে সাহায্য করিয়াছিল। নদেরচাঁদের বিষয় পূর্বেই উল্লিখিত হইয়াছে। দেবেন্দ্র নীরোদচন্দ্রের ভাস্করখানায় যৎসামান্য বেতনের কর্ত্তব্য করিত। নীরোদচন্দ্র তাহাকে অনেক টাকার লোভ দেখাইয়া অনেক অসৎ কার্য্য তাহার দ্বারা সম্পন্ন করাইয়া লন। যখন একপ্রকার সমস্ত কার্য্য নিষ্পত্তি হইয়া গেল, নদেরচাঁদ তখন তাহার প্রাপ্য টাকা লইয়া নীরোদচন্দ্রের বাড়ীতেই বাস করিতে লাগিল। দেবেন্দ্র সামান্য টাকা পাইল, টাকা চাহিলেই নীরোদচন্দ্র “কাল দিব” “পরশ্ব দিব” এইরূপ কথা বলিতেন।

দেবেশ্বরের বয়স প্রায় ২৬ ছাব্বিশ বৎসর। চম্পা-  
পুরেই তাহার বাসস্থান। পরিবারের মধ্যে তাহার স্ত্রী, একটা  
পুত্র আর একজন পরিচারিকা ব্যতীত আর কেহই ছিল না।  
পাছে নীরোদচন্দ্র তাহাকে কোন রূঢ় কথা বলেন, এই  
ভয়ে দেবেশ্ব নীরোদ চন্দ্রকে বড় একটা কিছু বলে না।  
বিশেষ নীরোদ চন্দ্র তাঁহার প্রভু, অসময়ে অনেক উপকার  
করিয়াছেন, সুতরাং এরূপ বলে সে জোর করিয়া কোন  
কথা বলিতে নাহস করে না। সে বাহাহউক, যখন দেবেশ্ব  
দেখিল যে, নীরোদচন্দ্র টাকার ভ্রামণ করেন না, তখন একদিন  
সেই সম্বন্ধে গটিকতক কথা নীরোদচন্দ্রকে বলিতে মনস্থ করিল।

পরদিন দেবেশ্ব নীরোদচন্দ্রের নিকট হইতে অর্থ  
প্রার্থনা করিলে তিনি কোন উত্তরই দিলেন না দেখিয়া  
দেবেশ্বের সন্দেহ হইল। দেবেশ্বের চরিত্র তাদৃশ দৃশ্যীয় ছিলনা,  
কিন্তু নীরোদচন্দ্র তাহাকে শৈশবাবধি মাহুয করিয়া আসিতেছেন  
বলিয়া সে নীরোদচন্দ্রের অতিশয় বাধ্য ছিল। নীরোদচন্দ্র যখন  
প্রথম তাহাকে অসদৃকার্য্যে লিপ্ত হইতে বলেন, তখন সে সম্পূর্ণ  
রূপে অস্বীকার করিয়াছিল। কিন্তু নীরোদচন্দ্র তাহাকে অনেক  
ভয় ও লোভ দেখাইয়া বশীভূত করিল।

দেবেশ্ব ভয়েই অধিক বশীভূত হইয়া পড়িয়াছিল। বহু  
কাল নীরোদচন্দ্রের নিকট কৰ্ম্ম করিয়া তাঁহার চরিত্র বিষয়ক  
দোষ সকল দেবেশ্বের জানিতে আর বাকি ছিল না। পাছে  
নীরোদচন্দ্রের কপায় অস্বীকৃত হইলে তাহার বিপদ ঘটে,  
এই ভয়েই সে নীরোদচন্দ্রের কথায় স্বীকার পাইয়াছিল।  
বাহাহউক দেবেশ্ব টাকা না পাইয়া কিয়ৎক্ষণ মনে মনে  
চিন্তা করিল, পরে নীরোদচন্দ্রকে বলিল, “মহাশয়! আমাকে

দিন কয়েকের নিমিত্ত অবকাশ দিতে হইবে। আমার পুত্র পৈড়িত হইরাছে, সেই জন্য আমি আমার জীকে তাহার পিতালয়ে পাঠাইতে মনস্থ করিয়াছি। যদি অবকাশ পাই, তাহা হইলে নিজেই তাহাকে পিতালয়ে রাখিয়া আসিতে পারি।” দেবেশ্বরের কথায় নীরোদচন্দ্রের বিশ্বাস হইল। দেবেশ্বর কখনই মিথ্যা কথা বলিত না। বিশেষ নীরোদচন্দ্র তাহাকে অতিশয় ভজ্ঞ বলিয়াই জানিতেন, সেই হেতু তিনি দেবেশ্বরের প্রার্থনার অমুমোদন করিলেন, আর বলিলেন যে, ষষ্ঠরাত্ৰ হইতে প্রত্যাগমন করিলেই তাহার প্রাপ্য অর্থ প্রাপ্ত হইবে। বলা বাহুল্য—দেবেশ্বর তাহাতে কোন-রূপে বিশ্বাস করিতে পারে নাই।

দেবেশ্বর অবকাশ পাইয়া একেবারে আপনার জী পুত্রকে তাহাদের পিতালয়ে রাখিয়া স্বয়ং প্রবোধচন্দ্রের বাটিতে আগমন করিল। পরে গোপনে নবকুমারের সহিত একবার সাক্ষাৎ করিয়া মলিনার সঙ্গে একবার সাক্ষাৎ করিবার উদ্দেশ্য জ্ঞাপন করিল। নবকুমার প্রথমতঃ তাহার কথায় অস্বীকার করিলে দেবেশ্বর বলিল, “নবকুমার! তোমার ইহাতে আপত্তি করিবার কোন কারণ নাই। বিশেষ কারণ বশতঃই তোমায় আমি এই কথা বলিতেছি, ইহাতে আমাদের উভয়েরই মঙ্গল। আমি এমন অনেক সংবাদ জানি বাহাতে প্রবোধচন্দ্রের জীরা বধেই স্বার্থ আছে। বিশেষ প্রবোধচন্দ্রের জী আমার মাতৃস্বরূপা, তাহার নিকট আমার যাতায়াতে কোন বাধা হইতে পারে না।

দেবেশ্বরের এই কথা শুনিয়া নবকুমার আর কোন কথা বলিতে পারিল না। মলিনাকে বহির্বাটীর একটা কক্ষে আসিতে



বলিয়া দেবেজকে তথায় লইয়া গেল। দেবেজ মলিনাকে দর্শন করিয়া প্রণাম করিল ও পদধূলি গ্রহণ করিল। মলিনা তাহাকে আশীর্ব্বাদ করিলেন। ক্ষণকাল পরে দেবেজ মলিনাকে স্নেহোদন করিয়া বলিল, “মা! আমাকে আপনি বহুদিন হইতেই জানেন। আমার বৈরাগ্য অবস্থা, যতদূর সম্পত্তি ও সংসারের সমস্ত সংবাদই আপনার অগোচর নাই। হয়ত আপনি আমাকে অতি সৎ ঐক্যতির লোক বলিয়াই জানেন। কিন্তু এ অধম এক ভয়ানক কার্য্য সাধন করিয়াছে। আপনার নামে প্রবোধ বাবু ৬০,০০০ বাইট হাজার টাকা কোন স্থানে রাখিয়া যান। নীরোদ বাবু সেই টাকা আপনার নাম করিয়া অপর লোক দ্বারা আত্মীয় করিয়াছেন। আপনি তাহার কিছুই অবগত নহেন। যাহা হউক আমিও সেই কর্ম্মে প্রধান সহায় ছিলাম। আমি না থাকিলে সেই কার্য্য কোন রূপেই সম্পাদিত হইবার সম্ভাবনা ছিল না। যথেষ্ট অর্থ লোভেই আমায় সেই কর্ম্মে প্রলোভিত করিয়াছিল। আপনি আমার আর ব্যয় ইত্যাদির বিষয় বিলক্ষণ অবগত আছেন। আমি নীরোদ বাবুর নিকট হইতে যে পনের টাকা মাত্র বেতন প্রাপ্ত হই, তাহাতে আমার সংসারের সমস্ত ব্যয় সংকুলান করা বড়ই কঠিন হয়। সেই জন্য আমি মধ্যে মধ্যে ঋণ গ্রস্ত হইয়া পড়ি। বলিতে কি, আপনি আমার মার স্বরূপ, আপনার নিকট আর আমি কোন কথা গোপন করিব না। আমি ইতিমধ্যে প্রায় ২০০০ ছই শত টাকা ঋণী হইয়াছি। যে ব্যক্তির দশ পনের টাকা মাত্র মাসিক আয়, তাহার পক্ষে ২০০০ টাকা দেনা কতদূর ভয়ানক, তাহা আর আপনাকে বলিয়া জানাইব কি? আমি এই ছই শত টাকা কিরূপে

পরিশোধ করিব তাহার কোন উপায় পাইলাম না। ইত্য-  
বসরে এই সুযোগ ঘটয়া উঠিল। নীরোদবাবু কথায় কথায়  
আমাকে বলিলেন যে, যদি আমি কোন স্ত্রীলোককে “মলিনা  
দানী” বলিয়া মিথ্যা সাজাইয়া দিতে পারি, তাহা হইলে  
অনেক টাকা পাইতে পারি। আমি তৎক্ষণাৎ তাহার  
কথায় সম্মত হইলাম, কিন্তু তখন আমি জানিতাম না যে  
নীরোদবাবু কি ভয়ানক ষড়যন্ত্র পাতিয়াছেন। পরদিন আমি  
এক অপরিচিত স্ত্রীলোককে “মলিনা দানী” বলিয়া ঠিক  
করিয়া দিলাম, তাহার দ্বারা নীরোদ বাবু অনেক অর্থ প্রাপ্ত  
হইলেন। তখন আমি সমস্ত ব্যাপার বুঝিতে পারিলাম।  
নীরোদ বাবুর এই কার্য্য পাছে প্রকাশ হয়, এই ভয়ে  
আমাকে আরও অধিক অর্থ দিবেন স্বীকৃত হওয়াতে আমিও  
সেই কথা এতদিন কাহাকেও জানাই নাই।

“অর্থ পাওয়া দূরে থাকুক, নীরোদবাবুর পরামর্শে আমার  
দিন দিন আরও অনেক দুর্কর্মে লিপ্ত হইতে হইতেছে দেখিয়া  
আমি কোন সুযোগে অবকাশ গ্রহণ করিয়াছি এবং যাহাতে  
এই সকল কথা আপনার কর্ণগোচর হয়, তাহাই করিতে মনস্থ  
করিয়াছিলাম। এক্ষণে আমি সকল কথা বলিলাম, আপনার  
যাহা ইচ্ছা আজ্ঞা করুন, আমি তাহাই করিতে প্রস্তুত আছি।”

দেবেন্দ্রের কথা শুনিয়া মলিনার দয়া হইল। তিনি বলি-  
লেন, “আমি ইতিপূর্বে উহার কতক কতক শুনিয়াছি বটে,  
কিন্তু তুমি যে ইহাতে লিপ্ত আছ, তাহা জানিতাম না। সে  
যাহা হউক এখন তোমার কার্য্যে অমুতাপ হইয়াছে, তখন আমি  
তোমাকে আর কিছু বলিতে চাহি না। আর আমি তোমাকে  
ইহাও বলিতেছি যেন এই কথা, আর কাহার নিকট ব্যক্ত

না হয় । যদি তোমার আরও কিছু বলিবার প্রয়োজন থাকে, তাহা হইলে তুমি কলিকাতার হরেন্দ্রকুমার বাবুর বাসায় যাও । সেখানে অতুল আছে । তাহার সহিত পরামর্শ করিবে, তাহা প্রয়োজন হয়, তাহা অতুল করিবে ।” এই বলিয়া তাহাকে বিদায় দিলেন ।

দেবেন্দ্র তথা হইতে বহির্গত হইয়া কলিকাতার আগমন করিতে মনস্থ করিল । কিছুদিন পরে কলিকাতার আসিয়া হরেন্দ্র বাবুর সহিত সাক্ষাৎ করিল । দেবেন্দ্র, অতুল বাবু ও হরেন্দ্রকুমার উভয়েরই পরিচিত । সুতরাং তথায় তাহাকে কোনরূপ কষ্ট পাইতে হইলনা । অল্পকালের মধ্যেই তাঁহার দেবেন্দ্রের তথায় উপস্থিতির কারণ জানিতে পারিলেন । অতুল বাবু নীরোদ বাবুর নানাধর্ম অত্যাচারে উৎপীড়িত হইয়া ছিলেন । প্রতিশোধ লইবার চেষ্টা এইবার আরম্ভ হইল ।

একদিন তাঁহার সকলে সন্ধ্যার সময় পরস্পর কথাবার্তা কহিতেছেন, এমন সময় একজন লোক অতুল বাবুকে বাহির হইতে কে আহ্বান করিল । অতুল বাবু বাহিরে গমন করিয়া দেখিলেন, একজন অপরিচিত লোক তাঁহার অপেক্ষা করিতেছেন । আকারে লোকটাকে সম্ভ্রান্ত বলিয়া বোধ হইল । তিনি জিজ্ঞাসা করিলেন, “মহাশয় ! আপনার নাম কি অতুল বাবু ?” অতুল বাবু তাহাকে বলিলেন, “আজ্ঞে হাঁ ।” “আপনার প্রয়োজন কি ?”

আগন্তুক । আপনি হারাণ বাবুকে চিনেন ? এই তাঁহার পত্র নিম্ন ।

অতুল বাবু সেই পত্র লইলেন এবং পত্র পাঠ করিয়া বলিলেন, “মহাশয় ! আপনার কি অনিবার প্রয়োজন বলুন ।

আপনি যাহা যাহা জিজ্ঞাসা করিবেন, আমি সাধ্যমত তাহার বধার্থ উত্তর দিব। এইটী হারাণ বাবু অরুণোদয়।”

আগন্তক। আমি একজন গোয়েন্দা। হারাণ বাবুই আমাকে নিযুক্ত করিয়াছেন। তাঁহার ভগ্নীর নামে কোন স্থানে প্রবোধবাবু অনেক টাকা রাখিয়া যান। নীরোদ বাবু বলিয়া তাঁহার এক ভাতা নাকি সেই অর্থ কোন সুযোগে বাহির করিয়া লইয়াছেন। আমি সেই তথ্য অরুণোদয়ের জন্তই নিযুক্ত হইয়াছি। কিন্তু এখনও তাহার কোন বিশেষ সন্ধান করিতে পারিলাম না। যদি আপনি আমার হুই একটি কথার প্রকৃত উত্তর দেন, তাহা হইলে আমি সহজে তাহা প্রকাশ করিতে পারি।”

অতুল। মহাশয়! আপনি আমাদের উপকারের জন্ত এত দূর কষ্ট করিতেছেন জানিয়া অতিশয় সুখী হইলাম। আর হারাণ বাবু আমাদের এত উপকার করিতেছেন জানিয়া আরও অধিক আনন্দিত হইলাম। বোধ হয়, আপনার সচিব আমার আর একবার চম্পাপুরে সাক্ষাৎ হইয়াছিল। আপনি যাহা অবগত করিতেছেন, যদি অরুণোদয় করিয়া আমাদের বাটীর ভিতর আগমন করেন তাহা হইলে ও বিষয়ে অনেক জানিতে পারিবেন। এই কথা শুনিয়া আগন্তক আশ্চর্য হইয়া বলিলেন, “অতুল বাবু! ব’হাতে আমি শীঘ্র শীঘ্র এই সকল ঘটনার সত্যাসত্য অবধারণ করিতে পারি, আপনি আমাকে সেই বিষয়ে সাহায্য করিলে অত্যন্ত বাধিত হইব।” অতুলবাবু আশ্চর্য হইয়া আগন্তককে বাটীর অভ্যন্তরে লইয়া গেলেন।

আগন্তক গৃহভ্যন্তরে প্রবেশ করিবার পর অতুল বাবু, হরেন্দ্রকুমার ও দেবেন্দ্রকে তাঁহার আগমনের উদ্দেশ্য জ্ঞাপন

করিলেন। পরে শ্রামা ও দেবেজকে দেখাইয়া বলিলেন, “মহাশয়! আপনি যে সকল কথা জানিতে চাহেন, ইহার দুইজনে তাহার অনেক কথা জানেন। অতএব আপনি ইহা-দিগকে, যাহা আপনার জ্ঞাতব্য আছে, জিজ্ঞাসা করুন, ইহার যত্নর অবগত আছেন প্রকাশ করিবেন। আগন্তুক এই কথা শুনিয়া প্রথমে শ্রামাকে জিজ্ঞাসা করিলেন, “হাঁ গা! তোমার নাম কি?”

শ্রামা। শ্রামা।

আগন্তুক। তুমি কি কাজ কর, আর তোমার বাড়ীই বা কোথায়?

শ্রামা। চম্পাপুরেই আমার বাড়ী। ছেলেবেলা থেকেই আমি অতুল বাবুর বাড়ী কাজ করছি।

আগন্তুক। আচ্ছা প্রবোধ বাবুর যখন মৃত্যু হয় তখন তুমি সে বাড়ীতে ছিলে?

শ্রামা। আজ্ঞে হাঁ! ছিলাম বই কি।

আগন্তুক। তুমি কি জান প্রবোধ বাবুর কি পীড়া হয়েছিল।

শ্রামা। পীড়া আবার কি হবে। তাঁকে ত আমাদের মেজবাবু আর তার শ্যালক নদেরচাঁদ কি করে মেরে ফেলে। সে অনেক কথা। আমাদের মেজবাবু একজন ভরানক লোক। সে খুন, জাল সব করিতে পারে। আবার তার স্ত্রী মোহিনীও ভয়নি। দুইই সমান। আর “নফরের মা” বলে যে একজন দাসী আছে, সে আবার তাদের উপর।

আগন্তুক। সে খুনি! বল কি! তুমি এ সকল কথা জানতে পারলে কি করে?

স্ত্রীমা। বাড়ীতে থাকলেই জানতে পারা যায়। টাকার লোভে বড় ভাইকে খুন করে সমস্ত বিষয় আপনার নামে করে নিরেছেক। কোন কোশলে ছোট বউএর নামে কলঙ্ক চাপাইয়া সেই সকল কথা অতুল বাবুকে জানাইয়া বাড়ী হইতে দূর করতঃ তাঁহাকে বিষয়ের অংশ হইতে বঞ্চিত করলেন। আপনার গর্ভধারিণী মাতাকে কোন ঔষধ পান করাইয়া যমালয়ে পাঠাইয়া নিষ্কটক হয়েছেন। শেষে কি না অতুল বাবুর দুগ্ধপোষ্য বালক সতীশকে বিষ মেশান দুগ্ধ দিয়া তাহাকে পর্য্যন্ত হত্যা করতে চেষ্টা করেন। আরও অনেক তাঁহারী করিয়াছেন। সে সকল কথা শুনে শরীর কাঁটা দিয়া উঠে।

আগন্তুক। আচ্ছা তোমাদের ছোটো বউ এখন কোথা থাকেন ? তিনি কি এ সকল কথা শোনেন নাই।

স্ত্রীমা। অতুল বাবু যতদিন চম্পাপুরে ছিলেন ততদিন কোন গোলযোগ হয় নাই। শেষে যখন অতুল বাবু আর কর্মস্থান হইতে ছুটি পাইলেন না, তখন তিনি, আমাদিগকে সেই স্থানে রাখিয়া স্বয়ং আপনার কর্মস্থানে গমন করেন। তাহার পর হইতেই ঐ সকল ঘটনা হইতে থাকে। • সেই জন্যই তিনি এ সকল বিষয়ের কোন খবর অবগত নহেন।

আগন্তুক। আচ্ছা ছোট বউ বাড়ী থেকে একাকী বাহির হইল কেন ?

স্ত্রীমা। মনের কষ্টে ! যে সতী হয়, তাঁর বুঝা অপমান সহ হবে কেন ?

আগন্তুক। আচ্ছা ! যে রাত্রিতে প্রবেশবাবু খুন হয়, সে রাত্রে তুমি বাড়ীতে ছিলে ?

শ্রামা । 'আজ্ঞে হাঁ তিলাম বই কি ?

আগন্তক । প্রবোধবাবুকে কি নীরোদ বাবু সহজে খুন করেন, না অপর কোন লোকের দ্বারা ঐ কার্য্য সম্পন্ন করা হয় ?

শ্রামা । না, নীরোদবাবু নিজের তঁাহাকে খুন করেন নাই ; তঁাহার শ্রালক নদেরচাঁদই সেই কার্য্য শেষ করে । নীরোদ বাবু আর তঁাহার স্ত্রী মোহিনীই সেই কার্য্যের পরামর্শদাতা ।

আগন্তক শ্রামার নিকট হইতে সমস্ত সংবাদ অবগত হইয়া দেবেন্দ্র বাবুকে জিজ্ঞাসা করিতে আরম্ভ করিলেন । দেবেন্দ্র বাবু যথার্থ যাহা জানিতেন সমস্তই বর্ণনা করিলেন । ক্রুরূপে নীরোদবাবু এক অপরিচিত স্ত্রীলোককে "মলিনা দাসী" বলিয়া পরিচয় দিয়াছিলেন, ক্রুরূপে প্রবোধ বাবুর সঞ্চিত অর্থ নীরোদবাবু হস্তগত করেন সমস্তই কহিলেন । এই সকল কথা শুনিয়া আগন্তক অতুল বাবুকে বলিলেন, "মহাশয় ! আমার যাহা যাহা প্রয়োজন ছিল সকলই পাইয়াছি । এক্ষণে আমি বিদায় হই ।"

অতুল বাবু কিয়ৎক্ষণ পরে তঁাহাকে জিজ্ঞাসা করিলেন, "মহাশয় ! এখন আপনি কি করিবেন স্থির করিয়াছেন ।"

আগন্তক । আমি এই সকল কথা এখনই হারাগ বাবুর নিকট লিগিয়া জানাইব । তাহার পর তিনি যেমন বলিবেন তেমনই করিব । আমার বোধ হয় তিনি এ বিষয় সহজে ছাড়িবার পাত্র নন । তিনি কেবল টাকার কথাই জানেন । কিন্তু 'প্রবোধবাবুর মৃত্যুর বিষয়ে তঁাহার কোন সন্দেহ ছিল না । এখন তিনি ঐ সকল কথা শুনিলে আরও ক্রুদ্ধ হইবেন ও নীরোদবাবুর যাহাতে যথেষ্ট শাস্তি হয় তাহাতে বিশেষ যত্নবান হইবেন ।

## অষ্টাদশ পরিচ্ছেদ ।

মতিভ্রমের ফলাফল ।

“—Thurst had been my enemy indeed.”

Shakespeare,

শ্রাবণমাস । অনবরত বৃষ্টিপাত বশতঃ কেহই বাটী হইতে বাহির হইতে পারে না । কদম্ব কেতকী প্রভৃতি কুসুম-সৌগন্ধে চারিদিক আমোদিত হইতেছে । হংস বক ডাহক প্রভৃতি জলচর পক্ষীগণ নব সলিলে ক্রীড়া করিতেছে । ময়ূর ময়ূরী-গণ কৃষ্ণবর্ণ মেঘমালা দর্শনে আচ্ছাদিত হইয়া কেকারবে জগত মাতাইয়া তুলিয়াছে । এইরূপ সময়ে একজন লোক শ্রাবণের ধারা সম্বন্ধ করিয়া নীরোদ বাবুর বাটীতে আসিয়া উপস্থিত হইল এবং কাহাকেও কোন কথা জিজ্ঞাসা না করিয়া একেবারে অন্তরে প্রবেশ করিল । নীরোদবাবু আপন কক্ষে বসিয়া জ্বর সহিত কথোপকথন করিতেছিলেন, এমন সময়ে নফরের মা তাঁহাকে আসিয়া বলিল যে, একটা লোক একেবারে অন্তরে আসিয়া আপনাকে অন্বেষণ করিতেছে ।

নীরোদ বাবু পূর্বে হইতেই হারাণ বাবুর কার্যের বিষয় কতক জানিতে পারিয়াছিলেন । কেন না হারাণ বাবু প্রথমেই নীরোদ বাবুকে সেই সময়ে একখানি পত্র লিগিয়াছিলেন । নীরোদ বাবু তখন কোন উত্তর না দেওয়াতেই তাঁহাদের উভয়েরই মনে সন্দেহ হয় । হারাণ বাবু মনে করেন যে,



নীরোদ বাবুই কোশল করিয়া তাঁহার ভাতৃজায়ার সন্ধান করিয়াছেন, আর নীরোদ বাবু ভাবেন যে, হারাণবাবু সহজে ছাড়িবার পাত্র নহেন, অবশুই ইহার কোন উপায় করিবেন। সুতরাং যখন ‘নফরের মা’ আসিয়া নীরোদ বাবুকে ঐ সকল কথা বলিল, তখন তিনি একপ্রকার সমস্তই বুঝিতে পারিলেন। অবশেষে তথা হইতে বহির্গত হইয়া আগন্তকের সহিত সাক্ষাৎ করিলেন।

আগন্তক তাঁহাকে দেখিয়াই বলিল, “মহাশয়! আপনার নাম কি নীরোদবাবু ?

নীরোদ। হাঁ আমারই নাম নীরোদচন্দ্র মিত্র।

আগন্তক। আপনার নামে ওয়ারেন্ট আছে। এখন আপনাকে আমার সহিত যাইতে হইবে। আসুন, বিলম্ব করিতে পারিবেন না।

নীরোদ বাবু আগন্তকের কথা শুনিয়া অত্যন্ত ভীত হইলেন বটে, কিন্তু মৌখিক অস্বাভাবিকতা করিয়া তাঁহাকে প্রথমে বাটীর বাহির হইয়া যাইতে বলিলেন। কিন্তু আগন্তক তথ্য পাইবার লোক নহেন, তিনি তখনই বলিয়া উঠিলেন, “নীরোদ বাবু! আপনার সকল ষড়যন্ত্রই প্রকাশ হইয়াছে। আপনিও আপনার শ্যালক নদেরচাঁদের দ্বারা আপনার পিতৃ-ভ্রাতৃ জ্যেষ্ঠভ্রাতা প্রবোধ বাবুকে হত করেন? আপনার কনিষ্ঠ ভ্রাতার স্ত্রী সতী সাক্ষী, তাঁহাকে আপনি অজ্ঞায় অপমান করিয়া বাটী হইতে দূর করিয়া দেন; অবশেষে তাঁহার কনিষ্ঠ পুত্রকে বিন দান কয়তঃ তাহার প্রাণনাশের চেষ্টা করিয়াছিলেন, কিন্তু শ্রামাদাসীর জন্ত আপনি তাহাতে কৃত-কার্য্য হইতে পারেন নাই। কেমন, এ সকল কথা কি

আপনার স্মরণ আছে ? আসুন, বুধা বাক্য ব্যয়ে প্রয়োজন নাই । যদি আপনি আরও বিলম্ব করেন, তাহা হইলে আমি বলপূর্ব্বক লইয়া যাইতে বাধ্য হইব ।”

নীরোদ বাবু নিম্নে সেই সকল কথা শ্রবণ করিলেন । ভয়ে তাঁহার হৃদয় দ্রুত স্পন্দন করিতে লাগিল, শরীর ঘণ্টাক্ত হইল, দীর্ঘশ্বাস বহিতে লাগিল, অবশেষে প্রত্যাৎপন্নমতিত্ববলে তিনি তথা হইতে একলক্ষ পলায়ন করিয়া একেবারে মোহিনীর নিকট উপস্থিত হইলেন ; এবং তাঁহাকে সঙ্গে লইয়া কোন এক নিভৃত কক্ষে গমন করিলেন । মোহিনী তাঁহার ঈদৃশ ব্যাপার অবলোকন করিয়া দ্বিজ্ঞাসা করিলেন, “হাঁ গা, কি হয়েছে, অমন কোচো কেন ?

নীরোদ । মেজ বো ! আমার রক্ষা কর, আমার বাঁচাও, সর্ব্বনাশ উপস্থিত, কোথায় যাই ! কিসে এ যাত্রা পরিত্যাগ পাই !

মোহিনী । কি হয়েছে আগে বল, তার পর ত আমি উপায় বলিব ।

নীরোদ । হবে আর কি । আমার পুলিশের লোক ধরতে এসেছে, এবার আমি আর পরিত্যাগ পাব না ।

মোহিনী । কেন তুমি অমন কথা বলছ । কি হয়েছে ?

নীরোদ । কি হয়েছে জান । আমার জাল প্রকাশ হয়েছে, নদেরচাঁদ খুনী আর আমি তার সহকারী বলে প্রকাশ হয়েছে । নদেরচাঁদ কোথায় পলায়ন করেছে । দেবেন নরে পড়েছে, এখন আমিই ধরা পড়িলাম ।

মোহিনী । বল কি । হাঁ গা তবে কি হবে গা । কোথা যাবে গা । হাঁ গা, কেমন করে এ সকল হ'ল গা । এই বলিয়া মোহিনী রোদন করিতে আরম্ভ করিলেন ।

নীরোদ । কেঁদোনা কেঁদোনা, কিসে হ'ল জান ? সেই  
জামা দাসী আমার বিপক্ষে নাকি দিয়ে একে একে সকল  
কথা বলেছে । দাদার খুন থেকে আর বড় বৌএর নাম  
জান পর্যন্ত সকল কথা প্রকাশ হয়েছে । আবার শুনিলাম  
যে 'অতুল নাকি বড় বৌএর হয়ে নাকি দিতেছে । মেজ  
বৌ এখন কি হবে ! কোথায় যাই ! কেমন করেই বা  
পরিচরণ পাই !!

মোহিনী । কি হবে তবে ? হাঁ গা এমন সর্বনাশও  
পোড়ালোকে করে গা ? তা কিছু টাকা ঘুষ দিলে হয় না ।

নীরোদ । না মেজ বৌ, সে টাকায় মিটবে না । আমার  
ধরতে এসেছে, এখন ছাড়বে কেন ? আগে কোন কথা  
জানতে পারলে যা হ'ক হ'ত, এখন আর হয় না । আমি  
বুঝির হ'তে তাহাকে দেখিয়াই বুঝতে পেরেছিলাম ।  
কাজেও তাই হ'ল । এখন আমি সেখান থেকে ত পালিয়ে  
এসেছি । বিলম্ব হ'লে বলপূর্বক লয়ে যাবে তাহাও জানি ।  
মেজ বৌ বল দেখি, এখন কি করি । না যদি পলায়ন  
করি, তাহা হলে এখনই প্রেপার হ'ব । আর তোমাদের  
রেখেই বা যাই কোথা ?

আগন্তুক হারাণ বাবুর নিষুক্ত গোয়েন্দা ভিন্ন আর কেহই  
নহে । যখন নীরোদ বাবু তাঁহার বাক্য শ্রবণ করিয়া  
তাঁহার নিকট হইতে প্রস্থান করিয়াছিলেন, তখন তিনি  
তাঁহার সহিত অন্তরের ভিতরে প্রবেশ করিতে সাহস  
করেন নাই । কিন্তু নীরোদ বাবুর অধিক বিলম্ব দেখিয়া  
সন্দেহ উপস্থিত হইল এবং আর তথায় অপেক্ষা না করিয়া  
একেবারে অন্তরের ভিতরে প্রবেশ পূর্বক নীরোদ বাবুর

হস্ত ধারণ করিলেন। আগন্তুককে দেখিয়াই মোহিনী তথা হইতে পলায়ন করিয়া অদূরে গুপ্তভাবে তাঁহার সমস্ত কার্য দেখিতে লাগিলেন, ও যখন আগন্তুক নীরোদ বাবুকে ধারণপূর্বক সবলে তাঁহাকে বাটী হইতে বহির্গত করিয়া লইয়া যান, মোহিনী তখন আর চুপ করিয়া থাকিতে পারিলেন না—উচ্চৈঃস্বরে রোদন করিতে লাগিলেন। দাদা দাদী প্রভৃতি বাটীর সকলেই তাঁহাকে সান্ত্বনা করিতে লাগিল, কিন্তু কিছুই ফলদায়ক হইল না।

অতুল বাবু সেই গোয়েন্দাকে এইরূপ প্রণালীতে কার্য সমাধা করিতে পরামর্শ দিয়াছিলেন এবং নিজেও চম্পাপুরে যথা সময়ে উপস্থিত হইবেন এরূপ কথাও তাঁহাকে বলিয়া দিয়াছিলেন। কথা মত অতুল বাবুও সেই সময়ে চম্পাপুরে নিজ বাটীর কিছু দূর অপেক্ষা করিতে ছিলেন। কিন্তু গোয়েন্দারের বিলম্ব হওয়াতে তিনি আর স্থির থাকিতে না পারিয়া তথা হইতে আপন বাটীতে আগমন করিলেন।

যখন তিনি অন্দরে প্রবেশ করিলেন, তিনি দেখিলেন যে, গোয়েন্দা নীরোদ বাবুর হস্তধারণ করিয়া বলপূর্বক তাঁহাকে বাহিরে আনয়ন করিতেছেন, আর মোহিনী চীৎকার করিয়া রোদন করিতেছেন। তাঁহাকে দেখিয়াই বলিয়া উঠিলেন, “অতুল! আর দেখছ কি ভাই! আমার সর্বনাশ উপস্থিত, আমার রক্ষা কর! আমার রক্ষা কর!!”

অতুল। মেজদাদা আমার সাধ্য কি ‘যে তোমার এ বিপদ হ’তে উদ্ধার করি। যখন ইহাতে আমার হাত নাট, তখন কি করে তোমার রক্ষা করি। মেজদাদা! আপনি দাদার উপযুক্তই কার্য করেছেন। আমি আপনাকে যে আজন্ম

কাল অবধি বিশ্বাস করিয়া আসিতেছি, তাহার এই কি প্রতি-  
ফল ! বড়দাদা, আপনার নিকট কোন অপরাধে অপরাধী যে  
তঁাহাকে—সেই পিতৃত্ব লাগে বোলে বড়দাদাকে খুন করিলেন !  
বড়বো, অভাগিনী ভূষণা ইহঁরাই বা আপনার নিকট কোন  
অপরাধ করিয়াছিল যে, আপনি উহাদের প্রতি এরূপ অসহ্য-  
বহার করিয়াছেন । মেজদাদা, কোন স্বার্থ সাধনের জন্য তুমি  
আমার হৃদয়ে শেল বিদ্ধ করিলে ? যে মাতা তোমায় দশমাস  
দশদিন গর্ভে ধারণ করিয়া আশৈশব লালন পালন করিত  
তোমাকে এত বড় করিয়াছিলো, তঁাহাকে অকালে হত্যা করিয়া  
যথেষ্ট প্রত্যাশকার করিয়াছেন । শেষে কিনা সতীশকে বিশ্বাস  
করাইতে উদ্যত হইয়াছিলেন । মেজদাদা ! সে আপনার কি  
অপরাধ করিয়াছিল । বাহাউর নীতিভিত্তিক আপনি অলস দুটো  
দেখাইলেন ! আপনি জামিতেন যে, আমি এ সকল কিছুই জানি  
না । তাহা নহে, যেদিন আমি সতী সখী ভূষণাকে আপনার  
কথায় বাটী হইতে বহিস্কৃত করিতে বলিয়াছিলাম, সেই দিন  
হইতেই আপনার উপর আমার সন্দেহ হয় । ক্রমে অন্যান্য  
অনেক ঘটনায় আপনার সমস্ত কার্য সকল জানিতে পারিয়াছি ।  
এখন আমি কিরূপে আপনাকে রক্ষা করিব ? ঈশ্বরের নিকট  
ক্ষমা প্রার্থনা করুন, যদি তিনি ক্ষমা করেন । কিন্তু এরূপ  
পাপের প্রায়শ্চিত্ত কোথায় ?

নীরোদ । অতুল আর না—যথেষ্ট হয়েছে । এত দিন  
আমি মোহে অন্ধ ছিলাম, অহঙ্কারে উন্মত্ত হইয়া কিছুই বুঝিতে  
পারি নাই । কিন্তু ভাই এখন সমস্ত বুঝিতে পারিয়াছি ।  
ভাই অতুল ! এখন তুমি আমার বাঁচাতে পার্কেঁনা, তার জন্য  
আমি কোন হুঁখ করিনা । আমার কার্যের উপযুক্ত ফলই

পাইরাছি। আমি বিশ্বাসঘাতক—আমিই তোমার সর্বনাশ করিয়াছি। আমিই মা ও বড়দাদাকে খুন করিয়াছি। আমিই বড়বোঁএর এই ছদ্মশ্রী করেছি। কিন্তু ভাই! ধর্ম এ সকল সহ্য করিবে কেন? এখন উপযুক্ত কলভোগ করিতে যাউতেছি। পরে গোয়েন্দাকে সম্বোধন করিয়া বলিলেন, চলুন মহাশয়, আমার কোথায় ল'য়ে যাবেন চলুন।”

এইরূপ কথোপকথন হইতেছে, এমন সময় বাহিরে গোলযোগ হইল। অতুল যেমন বাহিরে আসিলেন অমনি দেখিতে পাইলেন একজন পুলিশ কর্মচারী নদেরচাঁদকে বন্ধন করতঃ তাঁহাদেরই বাটীর দিকে আগমন করিতেছে। দেখিতে দেখিতে নীরোদ বাবুও তথায় সেই গোয়েন্দার সহিত আগমন করিলেন। নদেরচাঁদ, নীরোদবাবু ও তাঁহার পশ্চাতে মোহিনীকে ফন্দন করিতে করিতে আগমন করিতেছে দেখিতে পাইয়া রোদন করিতে করিতে বলিল, “দিদি! এবার আমার রক্ষা কর। আমি গরিবের ছেলে হ'য়ে কেন বড়মামুষের সংসারে প্রবেশ করেছিলাম। দিদি গো! এখন তোমার মুখে কথাটী নাই কেন? বাবা! ভগিনীগতির ভাতের এত তেজ জানুতে না। আর যেন কেউ আমার মত একপ অবস্থায় থাকিবেন না। যদি থাকিতে চান, তবে অবশেষে নদেরচাঁদের মত শ্রীষ্ম দেখতে যেতে হবে। দিদি আমার কি হবে গো!” এইরূপ চীৎকার করিতে করিতে নদেরচাঁদ ও নীরোদ বাবু গোয়েন্দার সহিত যথাস্থানে গমন করিলেন।

তাঁহার প্রস্থান করিলে পর অতুল বাবু কনেক চিঠি করিয়া মলিনার সহিত সাক্ষাৎ করিলেন। নানাবিধ কথাবার্তার পর তাঁহার হস্তে সংসারের সমস্ত ভারপাল বরিয়া

শ্রামা ও সতীশকে তথায় পাঠাইয়া দিবার জন্য হরেন্দ্রকুমার ও দেবেন্দ্র বাবুকে একখানি পত্র লিখিলেন ।

যথা সময়ে শ্রামা ও সতীশ চম্পাপুরে আসিয়া উপনীত হইল । যদিও সতীশ এখন আর পূর্বমত তাহার মার কথা জিজ্ঞাসা করেনা, তথাপি মধ্যে মধ্যে ঐ কথা লইয়া শ্রামাকে অত্যন্ত বিরক্ত করে । যেদিন সতীশ প্রথমে চম্পাপুরে আগমন করিল, সেই দিনই সে অতুল বাবুকে জিজ্ঞাসা করিল, “বাবা ! মা কোথা গেছে ?” শ্রামা নিকটে ছিল, তাহার চক্ষে জল আসিল, সে বলিল, সতীশ ! এমন ঘরে চল ভাই, তোমার বাবা এখন ব্যস্ত আছেন দেখছেন ।”

অতুল ! না না, এখানেই থাক । ভূষণা ! আর কোথায় তুমি ? দেখ তোমা বিহনে তোমার অঞ্চলের নিধি সতীশ কিরূপ করিতেছে । তুমি যথার্থই সতীশকে পূর্বে জানিতে পারি নাই । আমি তোমার উপযুক্ত নহে, সেইজন্যই তোমায় যত্নে রাখিতে পারি নাই । আমি বিনা কারণে একজন ষোর বিশ্বাস-ঘাতকের কথায় বিশ্বাস করিয়া তোমায় দেশত্যাগিনী করিয়াছি । হায় ! ভূষণা আমার জন্যই ভিখারিণী । আর এ ভয়ে কি তোমায় দেখা পাইব ? বিধািনি ! যথার্থই তুমি পতিপরায়ণা, কিন্তু আমি এমনিই মূঢ় যে সদাই তোমায় অযত্নে রাখিতাম । একদিনের ভয়েও তোমায় মুখী করিতে পারি নাই । তোমায় ত্যাগ করিয়া আমি বুঝিয়াছি আমার প্রাণ বড়ই কঠিন, এই বলিয়া রোদন করিতে লাগিলেন ।

পিতাকে রোদন করিতে দেখিয়া বালক সতীশের প্রাণ কাঁদিয়া উঠিল । সে কাঁদ কাঁদ ঘরে বলিয়া উঠিল, “বাবা, তুমি কাঁদচ কেন বাবা !” বালকের অর্ধক্ষুণ্ট এই কথা

তুমিরা অতুল বাবু সতীশকে ক্রোড়ে লইয়া তাহার বদন কমলে শত শত চুম্বন করিলেন। পরে তাহাকে নামাইয়া শ্রামাকে সম্বোধন করিয়া বলিলেন, “শ্রামা! তোরই জন্য আমি আমার সতীশকে আবার পাইলাম। শ্রামা তুই ধন্য! তুই আমাদের দাসী নয়; তুই যে কার্য্য করিয়াছিল, আপনার গর্ত্তধারিণীও সেইরূপ কার্য্য করিতে পারেনা। আমি তোকে এতদিন চিনিতে পারি নাই। শ্রামা! তোর এই ধন্য জন্ম সম্বন্ধেও পরিশোধ করিতে পারিব না।”

শ্রামা। আপনি কি বলেন! আমি কি এমন করেছি! আমি যা' করেছি, তা'র জন্য অত শ্রুত্যাতি কেন! আমি দাসী নয় ত কে। আমি যেমন তোমাদের দাসী ছিলাম, এখনও তাই রহিলাম। আমাকে অত কথা কেন বলেন বাবু?

অতুল। না শ্রামা, মালুসে অতদূর করেনা। সে যাহা-ইউক, আজ হ'তে সতীশ তোর ছেলে স্বরূপ হ'ল।

সতীশ। হাঁ বাবা! তবে কি আমার মা নাই।

অতুল। আহা! বালকের এই কথা যে আমার বক্ষে শেলসম বিদ্ধ হ'লো। হায় হায়! আমি কোথায় যাই। কোথা গেলে আমার স্বপ্নের ছন্দ ভ্রমণকে পাই। হা জগদীশ! ভ্রমণ কি জীবিতা আছে। আহা! পতিপরায়ণা সরলাবালা আমা হতে অনাধিনী!

পরে শ্রামাকে সম্বোধন করিয়া বলিলেন, “শ্রামা! আমি চলিলাম, যদি ভ্রমণের কোন সন্ধান পাই, তবেই আসিক, নচেৎ এই আমার শেষ। আহা! আমার সাধের ভ্রমণ-অনাধিনী!

এই বলিয়া আর কণমাত্র দ্বিগত না করিয়া সেই বাটী



হইতে বহির্গত হইলেন, শ্রামা ও সতীশ অবেশগণ করিয়াও তাঁহাকে দেখিতে পাইল না।

মলিনার হস্তে সংসারের সমস্ত আয় ব্যয় হিসাবের ভার ছিল। অতুল বাবু যেদিন বাটী হইতে চলিয়া যান, যেদিন নীরোদ বাবু পুলিশে গ্রেপ্তার হন, তাহার পরদিন মলিনা মোহিনীকে বলিলেন, “দেখ মেজবো! আমাদের আর এখন যেমন সময় নয় যে, এক সংসারে সকলের আহারাদির বন্দোবস্ত হ’বে। কিরূপ করিয়াই বা আমি সমস্ত সংসার এই অল্প আয়ে সংকুলান করিবো। অতএব আজ হ’তে তোমরা পৃথক ভাবে থেকে এই বাটীতেই আহারাদির উদ্যোগ কর।” মোহিনী পূর্ব্বরাত্রে বিছুমাত্র আহার করেন নাই। মলিনার মুখে সেই কথা শুনিয়া তিনি ক্রোধে প্রজ্বলিত হইলেন এবং ঝিমলাকে অনেক অকথাভাষায় গালি দিয়া ‘সেদিনই আপন পিতালয়ে বাইয়া বাস করিতে লাগিলেন।

চম্পাপুরে মলিনা গৃহিণীর স্থায় ও শ্রামা দাসীর স্থায় বাস করিতে লাগিলেন। নবকুমার প্রবোধ বাবুর বিখ্যাতী ভৃত্য ছিল, সুতরাং মলিনা তাহার বিবাহ দেওয়াইয়া তাহাকে সঙ্গীক আপন আবাসে রাখিয়া পুত্র নির্বিশেষে পালন করিতে লাগিলেন। সতীশ মলিনার বড়ই আদরের ধন হইল। ক্রমে ক্রমে সে ভ্রূষণকে ভুলিতে লাগিল। মলিনার অপার স্নেহে সতীশ একবার ভ্রূষণর নাম পর্যন্তও করিত না। দেবেন্দ্র বাবু পূর্ব্বে নীরোদ বাবুর ডাক্তার খানায় চাকরি করিত। নীরোদ বাবু পুলিশে গ্রেপ্তার হইলে অতুল বাবু তাহাকে পুনরায় চম্পাপুরে আসিতে লিখিয়াছিলেন।

## উনবিংশ পরিচ্ছেদ ।

“যোগীমা ।”

Canst thou not minister to a mind diseas'd ;  
Pluck from the memory a rooted sorrow ;  
Raze out the written troubles of the brain.

Macbeth.

চম্পাপুরের প্রায় ছরকোশ পূর্বে একটা নিবিড় বন আছে ।  
তাল, তমাল, নারিকেল প্রভৃতি অভূচ্চবৃক্ষ-শ্রেণী প্রভূত  
বলবিক্রমে তথায় অপ্রতিহত প্রভাবে রাজত্ব করিতেছে ।  
লতাগণ আপন আপন মনোনীত বৃক্ষের আশ্রয় গ্রহণ করিয়া  
যেন নিরাপদে স্বামী-স্বখ সম্ভোগ করিতেছে । গুল্মসকল  
সমরোচিত ফলপুষ্পে সুশোভিত হইয়া যেন রাজকর দানে  
সমুৎসুক হইয়া রহিয়াছে । সিংহ, ব্যাঘ্র প্রভৃতি খাপদগণ  
নির্বিন্দে সেই নিবিড় বনে বাস করিয়া দৃচ্ছন্দে জীবিকা  
উপার্জন করিতেছে । এইরূপ জনরব তখন স্নানিত-পাওয়া  
যাইত যে, এক যোগিনী সেই নিবিড় জঙ্গলে একাকিনী বাস  
করিয়া থাকেন । কিন্তু এপর্যন্ত সাহস করিয়া কেহই তাঁহার  
অন্বেষণ করিতে সাহসী হন নাই । কখন কখন গ্রামের  
মধ্যে কোন যোগিনীকে দেখিতে পাইলেই তাঁহাকেই সেই  
বনের যোগিনী বলিয়া অনেক লোক তাঁহার অনুসরণ করিত

বটে, কিন্তু অবশেষে তাহারা কোন বিষয় স্থির করিতে না পারিয়া ক্ষুণ্ণমনে বাটীতে প্রত্যাগমন করিত ।

সেই নিবিড় বনে যোগিনীকে অন্বেষণ না করিবার আরও একটা কারণ ছিল । শতসহস্র স্বাপনস্কুল হইলেও সেই বন মানব-সমাগম শূন্য ছিল না । ইহার অনেক গোপনীয় স্থানে দম্ভাগণঃ দলবদ্ধ হইয়া বাস করিত এবং মধ্যে মধ্যে গ্রামের ভিতর হইতে লুণ্ঠন করিয়া পুনরায় সেইস্থানে আসিয়া নিবিষ্টে বাস করিত । সুতরাং কেহ বনে প্রবেশ করিলে তিনি যে দম্ভাহস্তে নিহত হইবেন, তাহাতে আর আশ্চর্য্য কি ? এই ভয়েই কেহ বন অন্বেষণ করিতে সাহস করিত না ।

চম্পাপুরের ছয়কোশ দূরে অবস্থিত হইলেও সেই বনও যোগিনীর বিষয় ভূষণার বিলক্ষণ জানা ছিল । সেই জন্যই তিনি মোহিনীকে বলিয়াছিলেন, “আমার যেদিকে হু চক্ষু যা’বে, আমি সেই দিকেই ঝাঁব ।” ভূষণা যখন দেখিল, যে, তাঁহার স্বামী পর্য্যন্ত তাঁহাকে অবিশ্বাসিনী মনে করিয়া বাটী হইতে দূর করিয়া দিতে লিখিলেন, তখন আর তাঁহার জীবন ধারণের ফল কি ? তাই তিনি আর কালবিলম্ব না করিয়া তৎক্ষণাৎ খণ্ডরালয় হইতে বহির্গত হইলেন । কিন্তু তখন দিবালোকে অনেকে তাঁহাকে নানা কথা বলিবে, এই ভয়ে তখন তিনি এক পরিচিত বিশ্বাসী বৃদ্ধার বাটী গমন করিলেন । বৃদ্ধার এক কন্যা ভিন্ন আর কেহই ছিল না । সে ভূষণাকে তাহাদের বাটীতে দহসা দেখিয়া প্রথমতঃ অতীব আশ্চর্য্যান্বিত হইল । পরে ভূষণা তাঁহার গৃহত্যাগের বিষয় জানাইয়া তিনি যে তাহাদের বাটীতে আসিয়াছেন একথা প্রকাশ করিতে নিষেধ করিয়া দিলেন ।

কমে সন্ধ্যা সমাগত। অন্ধকার অল্পে অল্পে সমস্ত পৃথিবী গ্রাস করিল। একটী একটী করিয়া তারকারাজি গগন-মণ্ডলে সুশোভিত হইল। মন্দ মন্দ সুশীতল সমীরণ প্রবাহিত হইতে লাগিল। জ্বাতি, সুখী, মল্লিকা, গোলাপ প্রভৃতি পুষ্পের সৌরভে চারিদিক আমোদিত হইল। হিংস্র প্রাণীগণ স্ব স্ব আহাৰ্য্যেষণে বহির্গত হইবার অভিপ্রায়ে আপন আপন আবাসস্থান ত্যাগ করিয়া দূর বনে গমন করিতে লাগিল। দেখিতে দেখিতে বৃদ্ধা ও তাহার কন্যার আহাৰ্য্যাদি শেষ হইয়া গেল। ভোজন সমাপনান্তে ভূষণা, তাহাদের সহিত অনেক-অপৰ্য্যাপ্ত নানাকথায় সময় অতিবাহিত করিতে লাগিলেন। অবশেষে রাত্রি অধিক হইলে, সকলে শয়ন করিলেন। যখন বৃদ্ধা ও তাহার কন্যা ঘোর নিদ্রায় অভিভূতা, ভূষণা তখন ধীরে ধীরে গৃহের অর্গল মোচন করতঃ বাটী হইতে বহির্গত হইয়া সেই নিবিড় বনের দিকে গমন করিতে লাগিলেন। যে বনের নাম শুনিলে বলবান ক্ষমতাশালী পুরুষমণ্ডলী ভীত হয়, সেইবনে ভূষণা গমন করিতেছেন জানিয়া, পাঠকবর্গের মনে সন্দেহ হইতে পারে। কিন্তু ভূষণার মানসিক অবস্থা তখন স্বভাবকে অতিক্রম করিয়াছিল। তিনি প্রতিপদ বিপদকে আলিঙ্গন করিবার জন্য প্রস্তুত ছিলেন। রমণী-জীবনের সর্বশ্রেষ্ঠ দুঃখ, তিনি ভোগ করিতেছেন। স্বামী-কর্তৃক বিভাতিত হওয়াতে আর তাঁহার নন্দ্যের সাধ নাই। শরীরে প্রয়োজন নাই; জীবনের আবশ্যকতা নাই। যাহার জন্য তিনি সংসার পতিয়াছিলেন, যাহাকে তাঁহার জীবন যৌবন সকলই সমর্পণ করিয়াছেন; যাহাকে এক দণ্ড নী দেখিলে তিনি অস্থির হইতেন, প্রাণপণে যাহার মনরাজ্য

তাঁহার জীবনের একমাত্র ব্রত ছিল, যাহাকে তিনি দেবতার ন্যায় জ্ঞান করিতেন, সেই দেবোপম অতুল বাবুই যখন তাঁহাকে মিথ্যা কলঙ্কের কথায় বিশ্বাস করিয়া বাটী হইতে বহিস্কৃত করিতে লিখিলেন, তখন আর তাঁহার জীবনে প্রয়োজন কি ?

তুই একবার সতীশের কথা তাঁহার হৃদয়ে উঠিয়াছিল । কিন্তু তাহাতেও তিনি পশ্চাদ্দপ্ত হন নাই । তিনি ভাবিয়াছিলেন, “শ্রুমা আশৈশব, তাহাকে লালন পালন করিয়া আসিতেছে । সতীশ শ্রুমাাকে পাইলে, আর আমাকে চাহিবে না । বিশেষ কোন না কোন্ সময়ে সে তাহার পিতার দর্শন পাইবে । তাই তিনি সতীশের ভাবনাও মন হইতে দূর করিতে পারিয়াছিলেন । এখন তাঁহার মন দৃঢ় । যখন একবার বাটী হইতে বাহির হইয়াছেন, আর কোনক্রমেই তথায় প্রত্যাগমন করা তাঁহার উচিত নয় । এইরূপ ভাবিতে ভাবিতে তিনি সেই বনের দিকে অগ্রসর হইতে লাগিলেন ।

নিশাবসানে ভূষণা বনের মধ্যে প্রবেশ করিলেন । পূর্বে যে বনের নাম শুনিলে, তাঁহার হৃদয়ে আতঙ্ক উপস্থিত হইত, এখন স্বচ্ছন্দে সেই ভয়ানক বনে প্রবেশ করিলেন । কিছুদূর অগ্রসর হইলে, ভূষণা অদূরে শুক পত্রধ্বনি শ্রবণ করিলেন, কিন্তু কোন প্রাণীকে দেখিতে পাইলেন না । তাঁহার শরীর রোমাক্ত হইল । তিনি ভীত হইয়া আরও দ্রুতগতিতে গমন করিতে লাগিলেন । কিন্তু আর অধিক দূর যাঁতে হইল না । “কে যায় ?” বলিয়া এক যমদূতাকৃতি লোক তাঁহার সম্মুখে আসিয়া দণ্ডায়মান হইল । আগন্তকের অবয়ব অত্যন্ত বলিষ্ঠ, ঘোর কৃষ্ণবর্ণ, চক্ষু গোল অথচ বেশ

বড় বড়, বাহু আজাহুলমিত, মস্তকে কেশগুচ্ছ বেণীর  
আকারে পশ্চাৎদিকে লম্বমান রহিয়াছে। হস্তে দীর্ঘ এক  
বাণের লাঠী। নিবিড় বনে এইরূপ আকৃতি দেখিয়া সকলেরই  
আতঙ্ক উপস্থিত হইতে পারে, ভূষণা তাহাতে স্ত্রীলোক—  
কুলকামিনী, কখনও বাটী হইতে কোথাও বহির্গত হন  
নাই। আগন্তুক যে দম্ভা, তাহাতে আর ভূষণার সন্দেহ  
রহিল না, তিনি সাহসের ভরে উত্তর করিলেন, “আমি  
তোমার মা।”

ভয়ানক দম্ভা ভূষণার মুখে ঐ কথা শুনিয়া প্রথমতঃ  
কিয়ৎক্ষণ চিন্তা করিল, পরে ভূষণাকে উদ্দেশ্য করিয়া বলিল,  
“মা! তুমি আমার বাস্তবিকই মা, যদি তাহাই না হইবে,  
তবে তোমাকে দেখিবামাত্র আমার মনে দয়া হইল কেন?  
মা! এই নিশাবসানে, এই নিবিড় বনে কোথায় গমন করিতেছ?  
তোমার ন্যায় স্ত্রীলোক কি এ বনে আনিবার যোগ্য।” দম্ভার  
কথা শুনিয়া ভূষণা একটু আশ্চর্য হইলেন। তিনি বৃদ্ধিতে  
পারিলেন যে, দম্ভা তাহাকে অনুগ্রহপূর্বক অব্যাহতি দিলেন।  
পরে তাহাকে আপন বিষয় আত্মোপাস্ত জানাইলেন। দম্ভাও  
ভূষণার মুখে স্বদয়গ্রাহী প্রকৃত কথা শুনিয়া কিয়ৎ পরিমাণে  
বিচলিত হইল; এবং তাঁহাকে আশ্বস্ত করিয়া বলিল, “মা!  
এই বনের মধ্যে এক যোগিনী বাস করেন, আমরা সকলেই  
তাঁহাকে “যোগীমা” বলিয়া থাকি। সত্য কথা—বর্ণিতে গেলে,  
তিনিই আমাদের দলের কর্তা। আমরা বনमध्ये ও ইহার  
চতুষ্পার্শ্বস্থ গ্রামে দম্ভাবৃত্তি করিয়া যাহা কিছু উপার্জন  
করি, সমস্তই প্রথমে তাঁহার নিকট লইয়া যাই, পরে তিনি  
তাহা আমাদের মধ্যে ভাগ করিয়া দেন। কিন্তু নিজে

এক কপর্দকও লন না। শুনিয়াছি নাকি তিনি পূর্বে কোন দেশের রাণী ছিলেন, পরে রাজার মৃত্যু হইলে, উনি যোগ অভ্যাস করিয়া যোগিনী হইয়াছেন। সে যাহা হউক তাঁহার অদ্ভুত ক্ষমতায় আমরা সকলেই তাঁহার আজ্ঞাকারী ভূত্যের ন্যায় বাস করিতেছি। আমরা যেমন তাঁহাকে ভক্তি করি, যোগিনীও সেইরূপ আমাদের ক্ষেত্র করিয়া থাকেন। কখনও আমরা তাঁহার মধ্যে বিবাদ বিসংবাদ হইলে, আমরা যোগীমার নিকটে গমন করিয়া তাঁহার মীমাংসা করিয়া লই। তিনি, যাহা স্থির করিয়া দেন, তাহাতে আর কেহই কোন প্রকার উচ্চবাচ্য করিতে পারে না। মা! আমি তোমাকে সেইস্থানে লইয়া যাইতেছি, আইস।”

ভূষণা এই কথা শ্রবণ করিয়া তাহার সহিত যাইতে যাইতে বলিলেন, “আচ্ছা বাছা! যোগীমা কি একাকিনী থাকেন, না তাঁহার নিকট আর কোন লোক আছে?”

দম্মা। না, যোগীমা একাকিনী থাকেন না। আর একজন স্ত্রীলোকও তাঁহার নিকট বাস করিয়া তাঁহার সেবা শুশ্রূষা করিয়া থাকেন। আমি তোমাকে তাঁহাদেরই নিকট লইয়া যাইতেছি। আমি নিশ্চয়ই বলিতে পারি যে তোমাকে পাইলে তাঁহারা অতিশয় আনন্দিত হইবে।

ভূষণা। বাছা! তোমাকে প্রথম দেখিয়াই আমার যে ভয় হইয়াছিল, তাহা আর বলিবার নয়। কিন্তু এখন তোমার আচরণে আমি আশ্চর্য্যাব্বিত হইয়াছি।

দম্মা। কেন মা, আশ্চর্য্যের কারণ কি? ভয়ই হইবার ত সম্ভাবনা।

ভূষণা। দম্মাবৃত্তি বাহাদের ব্যবসায়, তাহাদের জন্ম একপ

সরলতাময় হয় না। তুমি বলিয়াছ যে, তোমরা এই বনে ও ইহার নিকটস্থ গ্রাম মণ্ডলীতে দম্ভাবৃত্তি করিয়া জীবন ধারণ করিয়া থাক। কিন্তু এখন তোমার আকার প্রকার দেখিলে ও কথা বার্তা শুনিলে দম্ভ্য বলিয়া আর মনে হয় না। তাই বলিতেছি, বাবা! তোমরা কি এই ব্যবসায় করিয়া জীবিকা নির্বাহ করিয়া থাক, না আর কোন উপায় আছে? যখন তুমি আমার নিকট মাতৃ সন্সোধন করিয়াছ, তখন আর আমার নিকট মিথ্যা কথা বলা তোমার উচিত হয় না। যাহা তোমাদের বৃত্তি তাহাই বল।

দম্ভ্য। মা! তোমায় কি আর সাধ করিয়া “মা” বলিয়াছি। মা! তোমার কণ্ঠস্বর আর মৃত্যু জননীর কণ্ঠস্বর একই-রূপ, তাই মা তোমায় মা, বলিয়াছি। আর যখন তোমায় মা বলিয়া সন্সোধন করিয়াছি, তখন আর কেন মা তোমার নিকট কথা গোপন করিব। বলিতে কি, সেই যোগীমাই আমাদের সকলকে আহাৰ দান করিয়া থাকেন। আর তাঁহারই আদেশ ক্রমে আমরা দম্ভাবৃত্তি করিয়া থাকি। নতুবা আমরা সামান্য মানব ভিন্ন আর কিছুই নহি। যোগীমা আমাদের কর্তা। সুতরাং উনি আমাদের যাহা আদেশ করেন, আমরা সেইমত কার্য করিতে সম্পূর্ণ চেষ্টা করি। কিন্তু যোগীমা আমাদের কখন অস্ত্রায় আদেশ করেন না। ~~কখন~~ কোন জমীদার তাঁহার কোন প্রজাকে উৎপীড়ন করিয়া তাহার সমস্ত অর্থ ও জব্যসামগ্রী লুণ্ঠন করিয়া তাহাকে নিঃশেষ ও গৃহ হইতে বঞ্চিত করিলে যদি যোগীমা ঘৃণাক্ষরেও সেই সংবাদ পান, তাহা হইলে আমাদের তিনি সেইদিন সেই জমীদারের বাজীতে দম্ভাবৃত্তি করিতে আদেশ দেন। এককথায় যোগীমা



আমাদের দরিসের মাতা ও উৎপাড়কের যমদণ্ডী হইয়া এই বনে রাজত্ব করিতেছেন।

ভূষণা। আচ্ছা যোগীমা কি যোগবলে সমস্ত জানিতে পারেন, না কোন লোক তাঁহাকে সংবাদ দেন।

দম্ভা। যোগীমা যোগবলে জানিতে পারেন কি না তাহা আমরা ভাল জানি না বটে, কিন্তু তিনি ঐ সমস্ত সংবাদ পাইবার জন্যই আমাদের কাছে আসিয়াছেন। আবার যদি আমরা কোন দিন কোন সংবাদ দানে বিস্মৃত হই, তবে যোগীমা নিজেই তাহা আমাদের কাছে আনিয়া দেন। এইরূপ তিন চারিবার হওয়াতে আমরা সকলেই তাঁহাকে জিজ্ঞাসা করিলাম যে, কেমন করিয়া তিনি ঐ সকল সংবাদ প্রদান করিবার পূর্বেই অবগত হন। তাহাতে যোগীমা হাস্যমুখে দুই একটি কথা বলিয়া আমাদের কাছে এমনি ভাবে বিদ্যুৎ করিয়া দিলেন যে, আমরা আর কোন কথাই বলিতে পারিলাম না। মা! এ সকল কথা কেন জিজ্ঞাসা করিতেছ।

ভূষণা। জিজ্ঞাসা করিবার বিশেষ কোন কারণ নাই। তবে আমার বোধ হয় যোগীমা যোগবলে সমস্তই জানিতে পারেন, কেবল সেইটী কেহ জানিতে না পারে এই জন্যই তিনি আমাদের কথা নিষ্কৃত করিয়াছেন। যাহাহউক আর আমাদের কতদূর যাইতে হইবে?

দম্ভা। আর অধিক দূর নয় মা। ঐ যে অদূরে একটি তালবৃক্ষ দেখিতেছ, উহা হইতে প্রায় একপোয়া পথ গমন করিলেই আমরা যোগীমার আশ্রমে যাইতে পারিব। আর রাত্রি শেষ হইয়াছে। বোধ হয় আশ্রমে উপস্থিত হইতে

আলোক হইবে। মা! সকল কথাই বলিয়াছ, কিন্তু তোমার পুত্রাদির কথা ত বল নাই।

ভূষণা। বাবা! সে কথা তুলিয়া আর কেন আমায় কষ্ট দাও। আমার সতীশ নামে একটি পাঁচ ছয় বৎসরের বালক আছে। আহা! আমি তাহাকে ত্যাগ করিয়া আসিয়াছি। জানিনা বালক এতক্ষণ আমা বিহনে কিরূপ চীৎকার করিতেছে। হায় রাক্ষসি! তোর জন্যই এমন সোণার সংসার ছারখার হইল।

দম্ভ্য। মা! কাহাকে রাক্ষসি বলিয়া সম্বোধন করিলে? তোমার উপর কে রাক্ষসের কার্য্য করিয়াছে। এমন সুন্দর দেহে, সুন্দর প্রাণে কে আঘাত করে। মা আমাকে কি সে কথা বলিবার কোন আপত্তি আছে। যদি আপত্তি না থাকে অনুগ্রহ করিয়া বলিবে কি?

ভূষণা। সে অনেক কথা বাবা। আমরা তিন বো ছিলাম, আমি সকলের কনিষ্ঠ। বিষয় বড়ঠাকুরপোর নামে ছিল। একদিন শুনিলাম যে, তাহাকে কে খুন করিয়াছে। পরে জানিলাম যে, সেই কার্য্য তাঁহারই মধ্যম ভ্রাতার কার্য্য। আমার কিন্তু সেরূপ বিশ্বাস ছিলনা। যদিও মেজঠাকুরপো খুন করে থাকেন, তাহা হইলেও ইহা তাঁহার ক্রুর পরামর্শ বশতঃ যে সম্পাদিত হইয়াছে তাহাতে আর সন্দেহ নাই। এতদ্ভিন্ন আরও অনেক কার্য্যে প্রমাণ পাওয়া গিয়াছে যে মেজদিদি রাক্ষসী ভিন্ন আর কিছুই নহে। তাই তাহাকে রাক্ষসী সম্বোধন করিলাম। বাবা! ঐ যে একটি আলোক দেখা যাইতেছে ঐটি কি?

দম্ভ্য। মা! ঐ আলোকই, সেই যোগীণীর বাসস্থানের

আলোক । আর অধিক দূর নাই । আমরা প্রায় আসিয়াছি ।  
আহা ! আপনার যে আজ কিরূপ কষ্ট হইতেছে, তাহা আমি  
বলিতে পারি না ।

ভূষণা । বাবা ! যখন আমি নিজে ইচ্ছা করিয়া কষ্টে  
পদার্পণ করিয়াছি, তখন আর তাহার অন্য বুঝা কষ্ট পাঠিলে কি  
হইবে । আমার মানসিক কষ্টের সহিত এই সামান্য শারীরিক  
কষ্টের তুলনা হইতেই পারেনা, বেশ বুঝিতে পারিয়াছি ।  
তাই বুঝিয়াছি বলিয়াই ইচ্ছা করিয়া কষ্টে পতিত হইয়াছি ।

ক্রমে তাহারা সেই যোগিনীর পূর্ণকুটীরে উপস্থিত হইলেন ।  
যোগিনী ইতিপূর্বেই নিদ্রাত্যাগ করিয়া প্রাতঃকৃত্য সমাপন  
করতঃ আপন ধর্ম্মানুষ্ঠানে নিযুক্ত হইতেছেন, এমন সময়ে  
সেই দম্ভা ভূষণা সমভিব্যাহারে তথায় উপস্থিত হইয়া বলিল,  
“যোগীমা ! আজ এক আশ্চর্য ঘটনা দেখিলাম । যে অরণ্যের  
নাম পর্য্যন্ত শ্রবণ করিলে, প্রায় বিশ ত্রিশ ক্রোশের লোক-  
সমূহের মনে ভয়ের উদয় হয়, সেই ভয়ানক বনে এই  
কুলকামিনীকে দেখিতে পাইয়া আপনার নিকট আনয়ন  
করিয়াছি । আপনার আজ্ঞায় আমাদের পক্ষে সকল স্ত্রীলোকই  
মাতৃ-স্বরূপা, সেই জন্যই ইহাকে এখানে লইয়া আসিয়াছি ।  
ইনি বিশেষ বিপদে পতিতা বলিয়াই অকাতরে প্রাণবিসর্জন  
হেতু নিঃস্বপ্নমগ্নে এই নিবিড় অরণ্যে প্রবেশ করিয়াছিলেন ।”  
পরে ভূষণার দিকে লক্ষ্য করিয়া বলিল, “মা ! এইত আপনাকে  
যোগীমার নিকটে আনয়ন করিলাম । এখন আমি যাইতে  
পারি ।” ভূষণা সন্তুষ্টি-সূচক উত্তর প্রদান করিলে, দম্ভা  
যোগীমাকে সাষ্টাঙ্গে প্রণিপাত পূর্বক নিবেদন মধো তথা  
হইতে অন্তর্হিত হইয়া গেল ।

দম্ভ্য চলিয়া গেলে, যোগীমা ভূষণাকে নিকটে আহ্বান করিয়া তাঁহার নিকট সমস্ত কথা শ্রবণ করিলেন। তিনি ভূষণার সরলতায় ও যথার্থবাক্যে এতদূর সম্প্রীত হইয়াছিলেন যে, ক্ষণকাল পরে তাঁহাকে বলিলেন, “ভূষণা! আমরা উভয়েই সমবয়স্কা। এবং আমাদের উভয়েরই অদৃষ্ট একই-রূপ; যখন উভয়েই এইরূপে একত্রে মিলিত হইলাম, তখন আমার ইচ্ছা যে, তুমি আমার প্রিয়সহচরীরূপে এখানে অবস্থান কর। আমি তোমার স্বামীর ও অপর সমস্ত পরিবার-বর্গের সংবাদ আনিব। সেজন্ত তোমার কোন চিন্তা নাই।”

ভূষণাও প্রথমে তাঁহাকে দেখিয়া অজবয়স্কা ভাবিয়াছিলেন; কিন্তু পাছে সেই কথা জিজ্ঞাসা করিলে, যোগীমা অস্বস্তি হন, এই ভয়ে তিনি তাঁহাকে ঐ কথা জিজ্ঞাসা করিতে সাহস করেন নাই। এক্ষণে যোগীমা যখন নিজেই তাঁহাকে আপনার সহচরী হইতে বলিলেন, তখন ভূষণা তাঁহাকে জিজ্ঞাসা করিলেন, “আমি স্বামী-মুখে একসময় শুনিয়াছিলাম যে, সমান ধর্ম, সমান অবস্থা, সমান মন এবং সমান অর্থ না হইলে, কখন মনের মিল হয় না। আপনি যোগিনী আমি একজন সামান্তা মূর্খা মানবী ভিন্ন আর কিছুই নহি। অতএব আপনার সহিত আমার সম্যভাবে কিরূপে সম্বন্ধিতে পারি?”

যোগীমা। তোমার স্বামী যথার্থই বলিয়াছেন। সর্ব-প্রকারে উভয়ের মিল না হইলে, বন্ধুতা হয় না, আগিও স্বীকার করি। কিন্তু এরূপস্থলে উহাতে কিছুই তারতম্য হয় না। একত্রে বাস করা মানবের ধর্ম। এতদিন আমি এই সকল দম্ভ্য লইয়াই জীবন অতিবাহিত করিয়াছি। এখন

তোমাকে পাইয়া তোমার সহিত বাহাতে আমার মনের মিল হয়, তাহাতে আমি বিশেষ চেষ্টিত আছি। উভয়ে একত্রে ধর্ম-চর্চার নিযুক্ত থাকিব। তুমিও আমার সহিত সাধনা করিতে শিখিবে। ইহাতে শরীর ও মন উভয়ই ভাল থাকে। আর বিশেষ উপকার এই যে, ইহাতে তোমার পূর্বস্মৃতি লোপ হইবে সন্দেহ নাই।

ভূষণা। আমি আপনার জায় ধর্ম-চর্চা করিতে পারিব কেন? আমার মন আমার স্বামী ও পুত্রের জন্ত সদাই ব্যস্ত, একদণ্ড আমি তাঁহাদের চিন্তা ব্যতীত থাকিতে পারি না। বলিতে কি, এখন উহাদের চিন্তাই আমাকে এখনও জীবিত রাখিয়াছে। যেদিন আমি আমার স্বামীকে বিস্মৃত হইব, জগদীশ্বর! সেইদিনই যেন আমার মৃত্যু হয়। আমি এমন কোন ধর্ম দেখি না, বাহাতে আমার স্বামী নাই। আমার স্বামী-চিন্তাই ধর্ম, অন্য কোন ধর্ম-চর্চা আমার বড় ভাল লাগিবে না; কিন্তু আপনার কথামত আমি চেষ্টার ক্রটি করিব না। ফল যাহাই হউক।

এইরূপে তাঁহারা সেই নির্জন অরণ্যে একত্রে বাস করিতে লাগিলেন। কিছুদিন গত হইলে, যোগীমা যখন দেখিলেন যে, ভূষণার মন এখনও সেইরূপ সদাই অন্যমনস্ক, তখন তিনি কতকগুলি অনুচরকে আহ্বান করিয়া ভূষণার স্বামী ও তাঁহার সমস্ত পরিবারের সংবাদ রাখিতে বলিলেন। তাঁহারা যোগীমার কথায় সন্তুষ্ট হইলে, তিনি ভূষণাকে সোধোদন করিয়া বলিলেন, “ভূষণা! আজই তোমার স্বামীর সংবাদ পাইবে। বৃথা চিন্তায় কোন ফল হয় না। যিনি তোমাকে বিনাদোষে কলঙ্কিনী বলিয়া বাটী হইতে বহিষ্কৃত করিয়া

দিয়াছেন, তাঁহার জন্য চিন্তা করিলে কি হইবে? তিনি আর কি তোমাকে লইবেন?" ভূষণা যোগীমার কথা শুনিয়া রোদন করিতে করিতে বলিলেন, "যোগীমা! আপনি কেমন কথা বলিতেছেন? এরূপ কথা শুনি আপনার ন্যায় গুণবতী স্ত্রীলোকের বলা উচিত নহে। স্বামী সকলই করিতে পারেন। আমার উপর আমার স্বামীর সম্পূর্ণ অধিকার আছে।" তিনি রাখিতে ইচ্ছা করিলে রাখিতে পারেন, দূর করিতে ইচ্ছা করিলে দূর করিতে পারেন, কিন্তু তা বলিয়া আমি কেন তাঁহাকে ভুলিব। তিনি যাঁহা করেন, সকলই আমার ইষ্টের জন্য, অনিষ্টের জন্য নহে।

যোগীমা। ভূষণা! তুমি মানবী না কোন দেবী শাপ-  
এস্তু হইয়া এই পাপপূর্ণ পৃথিবীতে অবতীর্ণ হইয়াছ। আমি তোমাকে বাস্তবিক ঐ সকল কথা বলি নাই, কেবল তোমার মন পরীক্ষা করিবার জন্য এরূপ বলিয়াছিলাম। যদি ইহাতে আমার কোন দোষ হইয়া থাকে, আমার ক্ষমা কর। আজ হইতে জানিলাম যে, এই নির্জ্ঞান নিবিড় ভয়ানক অরণ্য পবিত্র করিবার জন্যই অগদীশ্বর তোমায় এইখানে প্রেরণ করিয়াছেন। যাঁহার দৈবদৃষ্টি স্বামী-ভক্তি, সে কখনও কষ্ট পায় না। জানি না কোন ঘোর পাপে তোমায় এরূপ মানসিক কষ্ট সহ্য করিতে হইতেছে।

ভূষণা আর কোন কথা না বলিয়া লজ্জায় অধোমুখ হইয়া রহিলেন দেখিয়া যোগিনীও আর কোন কথার উত্থাপন করিলেন না। পরদিন হইতেই ভূষণা তাঁহার শব্দরবটির সংবাদ অবগত হইতে লাগিলেন।

## বিংশ পরিচ্ছেদ ।

“পীড়া।”

‘জীবন ফুরাদি এল,

যন্ত্রণা ত ফুরা’ল না।

পূর্বেকৃত ঘটনার পর প্রায় পাঁচবৎসর অতিবাহিত হইয়াছে।  
এই দীর্ঘকালে কত শত সমৃদ্ধিশালী ধনবান ব্যক্তি তাঁহাদের  
অতুল সম্পত্তি নষ্ট করিয়া দ্বারে দ্বারে ভিক্ষা করিতেছে,  
আবার কতশত দীনদরিদ্র অতিকষ্টে দিনপাত করিয়া এখন অতুল  
সম্পত্তির অধিকারী হইয়াছেন। কত শত ভূমিখণ্ড অগাধ  
জলধিগর্ভে নিহিত হইয়াছে, আবার কত শত নূতন দ্বীপ  
সেই উত্তাল তরঙ্গ-সকুল সাগর গর্ভে উখিত হইয়াছে। কিন্তু  
অতুলবাবুর মনের কিছুমাত্র পরিবর্তন হয় নাই। তিনি  
যেমন অবস্থায় সতীশকে শ্রামার নিকট রাখিয়া সেই সাধ্বী  
ভূষণার অন্বেষণে বহির্গত হইয়াছিলেন, এখন তাঁহার মন  
সেই অবস্থা হইতে কিছুমাত্র পরিবর্তিত হয় নাই। ভূষণাকে  
না পাওয়াই তাঁহার একমাত্র কারণ। আজ প্রায় পাঁচবৎসর  
অতীত হইয়াছে, তিনি গৃহ হইতে বহির্গত হইয়াছেন; কিন্তু  
ভূষণার কোনও সংবাদ এপর্যন্ত প্রাপ্ত হন নাই! শোকে  
হৃদয়ে তাঁহার শরীর বড়ই শীর্ণ ও বিশেষ দুর্বল হইতে লাগিল।  
তাঁহার জীবনের বন্ধন ক্রমশঃ শিথিল হইয়া আসিল। তাঁহার  
বোধ হইল যে, ক্রমে মৃত্যুকাল আসন্নবর্তী হইতেছে। এই  
ভাবিয়া তাঁহার একমাত্র পুত্র সতীশকে শেষ দর্শন করিবার

মানসে ভগ্ন অন্তরকরণেই একবার চম্পাপুরে আগমন করিলেন । বাটীতে প্রবেশ করিয়া মলিনার সহিত সাক্ষাৎ করত, তাঁহার মুখে বাটীর সমস্ত সংবাদ শ্রবণ করিলেন । শুনিলেন নীবোদ বাবু ও নদেরটাদের ব্যবস্জীবন কারাবাস নির্দিষ্ট হইয়াছে । অতুলবাবু এই সংবাদ শুনিয়া যার পর নাই দুঃখিতঃ । শোকাগ্নিত হইয়া মলিনাকে সম্বোধন করিয়া বলিলেন, “বড়বো ! আর আমার সংসারে থাকিতে ভাল লাগে না, কিছু বেগ হয় আমার কাল পরিপূর্ণ, তাই শেষ সময়ে একবার সতীশকে দেখিবার জন্ত চম্পাপুরে আসিয়াছি । বল—আমার সতীশ কেমন আছে।”

মলিনা । ছোট ঠাকুরপো ! সতীশ বেশ আছে । আতা তেমন সোনার শরীর এমন হইয়া গেল । তোমার কি অসুখ হয়েছে ? আর আমি তোমায় কোথাও বাইত দিব না । তুমি আশৈশব আমাকেই অধিক ভালবাসিতে, এমন কি, মা অপেক্ষাও তুমি আমাকে অধিক ভক্তি করিতে । দেখ ! আমার পুত্র নাই । তাহাতে আবার বিধবা ; তোমাদেব লইয়াই এখন সংসার । আমার কথা তোমায় শুনিতেই হইবে । আমি কল্যাই তোমার চিকিৎসা করাইব । . .

অতুল । বড়বো ! আমি সকল জানি । অল্পবয়সে পিতার কাল হওয়ার বড় দাদাই আমাদের লালন পালন করিতেন । পিতাকে অতি অল্পই স্মরণ আছে । স্মরণ বড়দাদাই আমার পিতৃ-স্মরণ । আর তুমি—তোমার ষণের কথা এক-মুখে প্রকাশ করা যায় না । আমাকে কোন দ্রব্য না খাওয়াইয়া আপনিও তাহা খাইতেন না । মায় নিকট কোন বিষয়ের জন্য আবেদন করিলে, মা তিরস্কার করিতেন ; কখনও



কখনও বা প্রহার করিতেন, ইহা তোমার ত আর অবদিত নাই। কিন্তু তোমার নিকট যখন বাহা চাহিয়াছি, তখনই তাহাই পাইয়াছি। তাই আমি তোমার মার অপেক্ষা অধিক ভক্তি করিতাম। তোমরাই আমার পিতামাতার স্থানীয় হইয়াছিলে। তোমাদের ঋণ এতদ্বারা আমি পরিশোধ করিতে পারিলাম না।

মলিনা। ঠাকুরপো! ওরূপ স্নমস্বলের কথা আর আর কেন বলিতেছ। পীড়া অনেকেরই হয় আরোগ্যও হইয়া থাকে।

অতুল। আমার যে কি পীড়া, তাহা ত আর তোমার অবদিত নাই। যদি আমার পীড়া শারীরিক হইত, তাহা হইলে আমি গ্রাহ করিতাম না। কিন্তু যেদিন হইতে এই বাটা পরিত্যাগ করিয়াছি—সে আজ পাঁচ বৎসরের কথা—সেই অবধিই আমার শরীরের বল দিন দিন হ্রাস হইয়া আসিতেছে। আমার বোধ হইতেছে যে, আর আমাকে অধিকদিন এ পৃথিবীতে থাকিতে হইবে না।

মলিনা। ভূষণ! সে যাবে কোথায়? একদিন না এক দিন কাহারও চক্ষে পড়িবেই পড়িবে।

অতুল। ভূষণ! কি আর জীবিত আছে। বড়বো! সে যে আমা ভিন্ন আর কিছুই জানিত না। তাহাতে আমার সে বড়ই অভিমানিনী। আমি দূর করিয়া দিয়াছি বলিয়া বোধ হয়, সে আত্মহতিনী হইয়াছে।

মলিনা। সে সন্দেহ করিও না। ছোটবো! সেরূপ ঘরের মেয়ে নয়।

অতুল। যতবার আমি ভূষণার বিষয় চিন্তা করি, ততবারই আমার মনোমধ্যে তাহার আত্মহত্যার কথা অগ্রেই উদয় হয়। তাই আমার বোধ হইতেছে, ভূষণা আর জীবিত

নাই। কিন্তু যে দিন আমি সত্য সংবাদ অবগত হইব, সেই দিনই জানিবে যে, অতুল এই পাপপূর্ণ পৃথিবী হইতে পরিত্রাণ পাইয়াছে। আমি এত দীর্ঘ এইখানে আসিতাম না, কেবল আমার অন্তিম সময় উপস্থিত হইয়াছে বলিয়াই মৃত্যুর পূর্বে একবার তোমাকে ও সতীশকে দেখিতে আসিয়াছি। বড়লো! বোধ হয় এঘাতী আমি স্বপ্ন পাইলাম না। একবার সতীশকে আমার নিকট আনয়ন কর। আমি মনের সাথে দেখিয়া চক্ষু পরিতৃপ্ত করি।

মলিনা। অতুল! আমি তোমার মাতৃস্বরূপা। তুমিও আমায় মা ভিন্ন আর কিছুই মনে কর না। যদি তোমার বাস্তবিকই পীড়া হইয়া থাকে, কিছুদিন এইখানে বাস কর, আমি তোমার সেবা করিব। আমার পুত্রসন্তান না থাকায় তোমাদের লইয়াই সুখে বসবাস করিয়া আসিতেছিলাম; কোথা হইতে করাল কাল আমাদের সেই সুখের সংসারে প্রবিষ্ট হইয়া সোনার সংসার ছারখার করিয়া দিল। এখন যাহা হইবার হইয়া গিয়াছে, কিন্তু আমি কোন প্রাণে তোমায় আবার ছাড়িয়া দিই। যদি আমার উপর তোমার এককণা মাত্র ভক্তি থাকে, তাহা হইলে তুমি কখন আমায় বাক্য অবহেলা করিয়া আমাদের ত্যাগ করতঃ অস্ত্র, কুস্ত্রাঙ্গি বাইতে পারিবে না। আমি তোমাকে সম্পূর্ণ আরোগ্য না দেখিলে কখনই জীবিত থাকিতে পারিব না।

মলিনার এতাদৃশ করুণ বাক্যে অতুল বাবুরও হৃদয় দ্রবীভূত হইল। তিনি রোদন করিতে করিতে মলিনার কথায় সম্মত হইলেন এবং কণকাল পরে মলিনা তাঁহার হস্ত ধারণ করিয়া তাঁহার কক্ষে লইয়া গেলেন।

পরদিন অতুল বাবু আর শয্যা হইতে উঠিতে পারিলেন না। পাঁচ বৎসর কাল অবিভ্রান্ত নান্দ্র দেশভ্রমণে তাঁহার শরীর অত্যন্ত ক্লান্ত ও নীর্ণ হইয়া গিয়াছিল। তাহাতে আবার তাঁহার মনের স্থিরতা ছিলনা। কোন দিন যে কোথায় বাস করিবেন, কতদূর অন্বেষণ করিবেন, এসকলের কিছুই স্থিরতা ছিলনা। কোনদিন অর্দ্ধাহার, কোনদিন বা অনাহার করিয়াও দিনপাত করিতেছেন। প্রচণ্ড মার্ত্তও তাপে তাপিত হইয়া—প্রাবৃতের অবিভ্রান্ত ধারাপাতে ক্রমাগত সিক্ত হইয়া—হেমন্তের ভয়ানক হিমকে গ্রাস না করিয়া কতদেশ, কত নগর, কত পল্লী যে অনুসন্ধান করিয়াছেন, তাহার কিছুই স্থিরতা নাই। এই সকল কষ্টকে তিনি তখন কষ্ট বলিয়াই মনে করিতেন না। এখন তাহার সেই কষ্টভোগ করার উপযুক্ত সময় আসিয়াছে। আজ অতুলের ভয়ানক জ্বর হইয়াছে বলিয়াই শয্যা হইতে উঠিতে পারেন নাই।

মলিনা গৃহকর্ম সমাপন করিয়া অতুল বাবু ঘরে গিয়া দেখিলেন যে, তাঁহার ভয়ানক জ্বরবোধ হইয়াছে। তিনি অচেতনের ন্যায় শয্যায় পড়িয়া রোগ ভোগ করিতেছেন। মলিনা এই ব্যাপার দেখিয়া তৎক্ষণাৎ একজন ডাক্তারকে আনয়ন করিতে আদেশ করিলেন। অল্পক্ষণের মধ্যেই ডাক্তার আসিয়া উপস্থিত হইলেন এবং ঔষধাদি প্রদান করিয়া প্রস্থান করিলেন। যাইবার সময় শ্রামা তাঁহাকে রোগের কথা জিজ্ঞাসা করায় তিনি বলিলেন, “রোগ বড় কঠিন হইয়াছে। তবে ভয় নাই, নীত্রই আরোগ্য হইবেন।”

দেখিতে দেখিতে প্রায় একমাসকাল অতীত হইল। অতুল বাবুর পীড়া উপশম হওয়া দূরে থাকুক, তাঁহার অবস্থা দিন

দিন শোচনীয় হইতে লাগিল । তিনি প্রায় সমস্ত দিনই অচেতন থাকেন । ডাকিলে প্রায় সাড়া পাওয়া যায় না । দেখিলে তাঁহাকে অতুল বাবু বলিয়া বোধ হয় না । এই সকল কারণে মলিনাও বড়ই বিমর্ষ । কিসে অতুল আরোগ্য লাভ করিবে, এই চিন্তাই তাঁহার মনে ভয়ানক হইয়া উঠিল । তিনি অহার নিদ্রা ত্যাগ করিয়া দিবারাত্রি কেবল তাঁহার সেবা করিতে নিযুক্ত থাকেন । বাস্তবিক অতুল বাবুর মাতা জীবিত থাকিলে তাঁহার যেরূপ সেবা শুভ্র হইত মলিনা শুভ্র সাহায্যে তাহা অপেক্ষা কোন অংশে কম করিতেন না । যাহাহউক, অতুল বাবুর পীড়ার কথা শুনিয়া গ্রামের প্রায় সকল লোকই অতিশয় দুঃখিত হইল । এবং অবশেষে অন্য কোনস্থান হইতে একজন উপযুক্ত ডাক্তার আনয়ন করিবার জন্য পরামর্শ দিতে লাগিল । মলিনা অগত্যা তাহাতেই সম্মত হইয়া তাঁহাদের গ্রামের উত্তরে প্রায় দশ ক্রোশ দূর হইতে একজন উপযুক্ত ডাক্তারকে আনয়ন করা হইল । এবং তাঁহার সাহায্যে অতুল বাবু ক্রমে ক্রমে আরোগ্যলাভ করিতে লাগিলেন ।

এদিকে সেই নিবিড় অরণ্য-মাঝে ভূষণা যোগিনীর নিকট থাকিয়া স্বামীর সমস্ত সংবাদ অবগত হইতেছেন । মধ্যমধ্যে তিনি যোগিনীর-নিকট হইতে অনেক শাস্ত্র কথাও শুনিয়া থাকেন । কিন্তু তাঁহার মন তখন বড়ই চঞ্চল থাকিতে তিনি সে বিষয়ে বড় কিছুই উন্নতিলাভ করিতে পারিলেন না ।

সে যাহাহউক, ভূষণা অতুল বাবুর পীড়ার কথাও ক্রমে শুনিতে পাইলেন । যেদিন তাঁহার পীড়া বড় সাংঘাতিক হইয়াছিল, ভূষণার ইচ্ছা ছিল, সেইদিন একবার স্বামীর সহিত

সাক্ষাৎ করে, কিন্তু যোগিনী তাঁহাকে আশ্বস্ত করার সেদিন আর তাঁহার যাত্রা ঘটল না । ক্রমেই অতুল বাবুর পীড়া বৃদ্ধি হইতে লাগিল দেখিয়া একদিন ভূষণা যোগিনীকে বলিলেন, “যোগীমা ! আমি আপনার নিকট বসবাস করিলেও আপনার ন্যায় স্বার্থভাগ করিতে এখনও শিক্ষা করি নাই । আজ যেরূপ সংবাদ পাইলাম, তাহাতে যদি আমি একবার এই সময় তাঁহার সহিত সাক্ষাৎ না করি, তবে কি আর এ জন্য তাঁহার শ্রীচরণ দর্শন করিতে পারি?”

যোগীমা । ভূষণা ! আমি বলিতেছি যে, তোমার স্বামীকে কোন ভয় নাই, তিনি নিশ্চয়ই শীঘ্র আরোগ্যলাভ করিবেন এবং সেই জন্যই তোমার তাঁহার নিকট এখন যাইতে বারম্বার নিষেধ করিতেছি । আরও একটি বিশেষ কারণ আছে, যদি এই দুর্বল অবস্থায় তোমার স্বামী তোমায় দেখিতে পান, তাহা হইলে আমি নিশ্চয়ই বলিতে পারি যে, তিনি প্রথমতঃ অতিশয় কষ্টে পতিত হইবেন, হয়ত তাঁহার অবস্থা আরও মন্দ হইতে পারে ।

ভূষণা । আমি শুনিয়াছি যে, তিনি ~~এখন~~ আপনার ভ্রম বুঝিতে পারিয়াছেন । এবং আমাকে অন্বেষণ করিবার জন্য প্রায় চারি পাঁচ বৎসর ধরিয়া নানাদেশ পরিভ্রমণ করিয়াছেন । আমার বোধ হয় সেই দাক্ষিণ্য কষ্টে তাঁহার এতাদৃশ পীড়া হইয়াছে ।

যোগীমা । হুঁ, তুমি যথার্থই অনুমান করিয়াছ । তোমার স্বামী অতুল বাবু একটা দেবতুল্য মানব ! তাঁহার ভ্রাতা নীরোদ বাবু ও তাঁহার সহধর্মিণী মোহিনীই বড় অনিষ্টের মূল । অতুল বাবু তোমারই অন্বেষণে হতাশ হইয়া একরূপ

ভয়ানক পীড়িত হইয়াছেন। বিশেষ, যখন তিনি আপনার ভ্রম বুঝিতে পারিয়াছেন, যখন তিনি তোমার অন্য এতদূর কষ্ট স্বীকার করিয়াছেন, তখন নিশ্চয়ই তিনি তোমায় পাইলে যে অত্যন্ত আনন্দিত হইবেন সে বিষয়ে আর সন্দেহ কি? কিন্তু এক্ষণে দুর্দল অবস্থায় তাঁহার সহিত সাক্ষাৎ করা তোমার ন্যায় স্বামীপরায়ণা স্বাধী স্ত্রীর উচিত \*নহে। তোমার নিজের সুখের জন্য তুমি কখনই অতুল বাবুকে কষ্ট দিতে ইচ্ছা করনা। তাই তোমায় কিছু দিন অপেক্ষা করিতে বলিতেছি।

এদিকে অতুল বাবু দিন দিন আরোগালাভ করিতে লাগিলেন। দেপিয়া মলিনা ও শ্রামার আনন্দের আর সীমা রহিল না। অতুলবাবু ক্রমশঃ সবল হইতে লাগিলেন। কিন্তু তাঁহার এক চিন্তায় তিনি শীঘ্র শীঘ্র সম্পূর্ণরূপে আরোগালাভ করিতে পারিলেন না।

কিয়দ্দিন অতিবাহিত হইলে অতুল বাবু একদিন সন্ধ্যার সময় সাংকালীন সমীরণ সেবন করিবার জন্য বাটীর নিকটস্থ উদ্যানে ভ্রমণ করিতেছেন, এমন সময়ে অদূরে এক যোগিনী মুক্তি অবলোকন করিলেন! অন্ধকার ধীরে ধীরে সমস্ত পৃথিবী গ্রাস করিয়াছে। বিহঙ্গমকুল কলকলরবে, কুলা-  
য়াভিমুখে গমন করিতেছে। একটা একটা করিয়া আকাশে নক্ষত্র ফুটিতেছে। যুগ্মদ্বয় সমীরণ পুষ্পসৌরভে স্নান করিয়া জনগণের মনে বিপুল আনন্দবারি বর্ষণ করিতেছে। অতুল বাবু প্রথমতঃ সেই যোগিনীর দিকে একদৃষ্টে চাহিয়া রহিলেন, কিন্তু যখন তাঁহাকে তাঁহারই দিকে, আপিতে দেখিলেন, তখন তিনি তাঁহার অপেক্ষা করিয়া দাঁড়াইয়া রহিলেন,

অপেক্ষা করিবার অতুল বাবুর এইরূপ একটা বিশেষ কারণ আছে। তিনি প্রথমতঃ যোগিনীকে দেখিয়াই ভূষণা মনে করিয়াছিলেন। তিনি জানিতেন, যে, যদি ভূষণা জীবিত থাকেন, তাহা হইলে তিনি যোগিনী ভিন্ন আর কোন উপায়ে জীবন ধারণ করিতে পারিবেন না। তাঁহার অলৌকিক রূপলাবণ্য তাঁহার কালস্বরূপ হইয়া পড়িবে। কিন্তু সন্দেহ বশতঃ স্বয়ং নিকটে যাইতে পারেন নাই।

যোগিনী ক্রমে তাঁহার নিকট আসিলেন বটে, কিন্তু বেশীক্ষণ দাঁড়াইলেন না। তিনি তাঁহার দিকে একবার মাত্র লক্ষ্য করিয়াই অদৃশ্য হইলেন। অতুল বাবু এই ব্যাপার দেখিয়া আশ্চর্য্যান্বিত হইলেন, এবং সেই সংবাদ তখনই মলিনাকে জানাইলেন।

আরও একমাস অতীত হইল। অতুল বাবুর মানসিক পীড়া ব্যতীত আর কোনও অশুখ নাই। যেদিন তিনি যোগিনীকে দেখিয়াছিলেন, সেইদিন হইতে তাঁহার ভূষণা পাইবার আশা হইয়াছিল। কিন্তু যখন এই সুদীর্ঘকাল অতীত হইল—যখন আর ভূষণা সম্বন্ধীয় কোন সংবাদ পাইলেন না, তখন তিনি হতাশ হইলেন,—কেবল মাত্র পুত্র সতীশকে লইয়া জীবন অতিবাহিত করিতে দৃঢ় সংকল্প হইলেন।

যোগিনী সেদিন অতুল বাবুকে দেখা দিয়াই অদৃশ্য হইয়াছিলেন। তিনি অতুল বাবুর সহিত কোন কথা কহিবার অভিপ্রায়ে আইসেন নাই। ভূষণাকে দেখিবার জন্য আসিয়াছিলেন। যোগিনী আপনার পর্ণকুটীরে উপস্থিত হইলে ভূষণা তাঁহাকে অতুল বাবুর কথা জিজ্ঞাসা করিলেন। তিনিও যথাসম্ভব তাহার উত্তর দিয়া বলিলেন, “ভূষণা! আর আমি তোমায় এখানে রাখিতে ইচ্ছা করিনা। তোমার শ্বশুর

সম্পূর্ণরূপ আরোগ্যলাভ করিয়াছেন। সুতরাং, শীঘ্রই তুমি তোমার স্বামীর সহিত সংমিলিত হইবে। আজ হইতে একমাস পরে যখন একদিন রাত্রিকালে আমি তোমাকে সঙ্গে লইয়া তোমার স্বামীর সহিত মিলন করিয়া দিব, তখন তুমি প্রিয়বালা নামে আত্মপরিচয় প্রদান করিবে।" তুমি আমাদের সকলের প্রিয় বলিয়া তোমাকে এই নাম দেওয়া গেল। যোগীমার কথায় ভূষণার আনন্দের সীমা রহিল না। স্বামীর শ্রীচরণ দর্শন করিবেন, ইহা অপেক্ষা পতিব্রতা স্ত্রীর আর কি সৌভাগ্য হইতে পারে। যাহা হউক, সেদিন আর কোন কথা না বলিয়া তাঁহারা শয়ন করিলেন।

---



## একবিংশ পরিচ্ছেদ ।

—০০—

দাসী—চরণে ।

‘‘বিনিশ্চেতুঃ শকো ন দুঃখমিতি বা দুঃখমিতি বা  
প্রবোধো নিদ্রা বা কিমু বিষবিসর্পঃ কিমু মদঃ ।  
তব স্পর্শে স্পর্শে মমহি পরিনুড়েল্লিয়গণো  
বিকারশ্চেতনাঃ ভ্রময়তি সমুখীলয়তি চ ।’’

উত্তর চরিত ।

সন্ধ্যাবেলায়, দেখিতে একমাস চলিয়া গেল । ভূষণ আর  
সেই ধারণা করিতে না পারিয়া যোগিনীকে তাঁহার পূর্বকথা  
স্মরণ করাইয়া দিলেন । যোগিনীও তাঁহাকে আশ্বাস প্রদান  
করিয়া সেইদিনই লইয়া যাইবেন একপ প্রতিশ্রুত হইলেন ।

সেই অমাবস্যা । চন্দ্রদেব উপযুপরি একমাসকাল নিয়-  
মিতরূপে আপনার কার্য সমাধা করিয়া মাসান্তে কেবল এক  
দিন মাত্র অবকাশ গ্রহণ করিয়াছেন । তারকারাজী সেই  
সন্ধ্যাবেলায় আপনার লাবণ্য প্রকাশ করিয়া জগতে ক্ষীণালোক  
প্রকাশে যত্নবান হইতেছে । দুই একটা খসোতিকাও টিপ টিপ  
করিয়া এই অবসরে এক একবার জলিতেছে । নিশাচর  
অসংখ্য বাহির প্রারম্ভ হইতেই অন্ধকার দেখিয়া মনের আনন্দে  
আপন আপন কথা সাধনে তৎপর হইতেছে । অতুল বাবু  
অত্যাশ্রমত সেইদিনও বাটার সংলগ্ন উদ্যানে পদচারণা করিতে-

ছিলেন। রাত্রি অধিক দেখিয়া তিনি ধীরে ধীরে আপন কক্ষে প্রবেশ করিলেন।

প্রবোধ বাবুও যে সেই উদ্যানের প্রতি বিশেষ যত্ন করিতেন তাহা ইতিপূর্বে উক্ত হইয়াছে। প্রবোধ বাবুর কক্ষও ঠিক সেই উদ্যানের দক্ষিণ পার্শ্বে স্থিত। প্রবোধ বাবুর মৃত্যু হইবার পর হইতে মলিনা আর সেই কক্ষে যাইতেন না। সুতরাং অতুল বাবু আরোগ্য হইলে মলিনা তাঁহাকে সেই কক্ষেই অবস্থান করিতে আদেশ করেন। অতুল বাবু প্রথমতঃ অস্বীকার করিয়াছিলেন, কিন্তু মলিনা পাছে হুংগিতা হন, এজন্য তিনি সেই কক্ষেই বস করিতেন। এক্ষণে তিনি সেই কক্ষের মধ্যেই প্রবেশ করিলেন।

গৃহমধ্যে প্রবেশ করিয়া কিয়ৎক্ষণ একস্থানে উপবেশন করিলেন। পরে একখানি পুস্তক লইয়া পাঠ করিতে নিযুক্ত হইলেন। দ্বারবন্ধ ছিলনা। সহসা মৃহমন্দ মলয় পবনে গৃহের আলোক নির্বাপিত হইল। সঙ্গে সঙ্গে মানবের পদশব্দ শ্রুত হইল। অতুল বাবুর ভয় হইল। এই রাত্রে এমন নির্জজন স্থানে মানবের পদশব্দ অসম্ভব বলিয়া তাঁহার বেদন হইল। পরক্ষণেই তিনি প্রদীপ জ্বালিলেন। কিন্তু প্রদীপ আবার নির্বাপিত হইল। অবশেষে অতুলবাবু হতাশ হইয়া সেই অন্ধকার গৃহে বসিয়া মনে মনে কত কি চিন্তা করিতে লাগিলেন।

সহসা পশ্চিমদিকে একখানি মেঘ দেখা দিল। ক্ষণকাল মধ্যে তাহা দিগদিগন্ত আবৃত করিল। সৌদামিনী সময় বুঝিয়া ক্রীড়া করিতে আরম্ভ করিল। মৃহমন্দ মলয় পবন সেই ভয়ে ভীত হইয়া চকিত ও স্তম্ভিত হইল। ঘন ঘন মেঘগূর্জন হইতে লাগিল। ক্রমে ঘোরবেগে বায়ু বহমান হইতে লাগিল। অন্ন অন্ন বৃষ্টি হইতে লাগিল। বৃষ্টির জল গৃহে প্রবেশ করি

তেছে দেখিয়া অতুল বাবু যেমন দ্বাররুদ্ধ করিয়া দিবার ক্ষণ তথায় উপস্থিত হইলেন, অমনি বিদ্যাতালোকে দুইটী জ্বীলোককে অবলোকন করিলেন । তাঁহার মনে ভয় হইল । ইতিপূর্বে তবে কি তিনি তাঁহাদেরই পদশব্দ শুনিতে পাইয়াছিলেন ? এই চিন্তা তাঁহার মনোমধ্যে উদ্ভিত হইল ।

কিয়ৎকাল নিম্নকভাবে তিনি সেইস্থানেই দণ্ডায়মান রহিলেন । এক একবার যেমন সৌদামিনী প্রকাশ পাইতে লাগিল, অতুল বাবু অমনি তাহাদিগকে দেখিতে লাগিলেন । ক্রমে তাঁহার ভয় অন্তর্হিত হইল । মনে ঔৎসুক্য আসিল । তিনি ধীরে ধীরে তাহাদিগের দিকে অগ্রসর হইতে লাগিলেন । কিন্তু যতই তিনি সেইদিকে যাইতে লাগিলেন, ততই সেই জ্বীলোকেরা গৃহ হইতে নিষ্কান্ত হইয়া প্রস্থান করিতে লাগিল । এবং ক্ষণকাল মধ্যে কোথায় অদৃশ্য হইয়া গেল ।

এই ব্যাপার দেখিয়া অতুলবাবুর মনে পুনর্বার ভয়ের উদ্বেগ হইল । তিনি তৎক্ষণাৎ গৃহে আসিয়া অগ্রে প্রদীপ জ্বালিলেন, পরে সিন্ধবলন পরিত্যাগ করিয়া সেই ব্যাপার বারম্বার চিন্তা করিতে লাগিলেন । এইরূপে চিন্তা করিতে করিতে তাঁহার তন্দ্রা আসিল । ক্রমে দীপ নিৰ্ব্বাণোন্মুখ হইল । সেই জ্বীলোক দুইটীও তথায় আসিয়া উপস্থিত হইল ; এবং একজনকে তথায় রাখিয়া অপর নিঃশব্দপদসঙ্ঘারে কোথায় চলিয়া গেল ।

কক্ষস্থিত রমণী অতুল বাবুর নিদ্রিত দেহের নিকট গমন করিয়া তাঁহার চরণ-সেবায় নিযুক্ত হইল । জ্বীলোকসম্পর্শে অতুল বাবুর নিদ্রা ভঙ্গ হইল । তিনি চমকিত হইলেন । সহসা এক জ্বীলোককে পদতলে দেখিয়া উপদেবতা বোধে চীৎকার করতঃ অচেতন হইয়া পড়িলেন । রমণী সেই

অচেতন শরীরকে কোড়ে তুলিয়া সযতনে তাঁহার সেবা করিতে নিযুক্ত হইল ।

অল্পকাল মধ্যেই অতুল বাবুর সংজ্ঞালাভ হইল ! এবার রমণী অগ্রেই তাঁহাকে প্রবোধবাক্যে বুঝাইয়া দিলেন যে, তিনি তাঁহার দাসী ভিন্ন আর কেহই নহে । প্রথমতঃ, অতুল বাবু সে কথায় বিশ্বাস করেন নাই, অবশেষে তাঁহার কণ্ঠস্বরে বুঝিতে পারিলেন । উভয়েই এইরূপ মিলনে যে কতদূর আনন্দিত হইলেন, তাহা লিখিয়া শেষ করা যায় না ।

সুখে সে রাত্রি অতিবাহিত হইতে লাগিল । এতদিন রম্পার পরস্পরকে যত কথা বলিবার ইচ্ছা করিয়াছিলেন, ক্রমে পাইয়া তাহার আলোচনা করিতে লাগিলেন । উভয়েই উভয়ের নিকট ক্ষমা প্রার্থনা করিলেন । অতুল বাবু ভূষণকে বলিলেন, “ভূষণে ! আমরা পূর্বজন্মে না জানি কি মহাপাপ করিয়াছিলাম, যাহার ফলস্বরূপ এই বিচ্ছেদ যাতনা সহ্য করিতে হইল ।” ভূষণা বলিলেন, নাথ ! ভূষণা আর নাই ; ভূষণাব পরিবর্তে যোগীমা প্রদত্ত প্রিয়বালা নামেই আমায় সম্ভাষণ করিবেন । এই বলিয়া যোগিনী সম্বন্ধীয় তাবৎ কথা স্বামীকে বলিলেন । বলা বাহুল্য সেই দম্পতী সে রাত্রি অনির্বচনীয় সুখলাভ করিয়াছিলেন ।

পরদিন সকলেই জানিতে পারিল যে, ভূষণা আসিয়াছেন । মলিনা যত্নসহকারে তাঁহাকে আপনার নিকট আনয়ন করিয়া নানা প্রকারে সান্ত্বনা করিতে লাগিলেন । উভয়েই উভয়ের ব্যবহারে প্রীত হইলেন । সতীশ মাতাকে পাইয়া আনন্দে অধীর হইয়া পড়িল । শ্যামার আনন্দের আর সীমা নাই-এতদিন পরে মিত্র-পরিবার মধ্যে আনন্দোৎসব হইতে লাগিল ।

## দ্বাবিংশ পরিচ্ছেদ ।

—•••—

শেষ ।

“Pardon me what I have spoke ;  
For 'tis studied, not a present thought,”  
Shakespeare.

হরেন্দ্র বাবুর বেতন উত্তরোত্তর বর্ধিত হইতে লাগিল। কিছুদিন পরে তাঁহার একটা পুত্র সন্তান হইল। পুত্রের অন্নপ্রাশন উপলক্ষে হরেন্দ্র বাবু মহা সমারোহ করিলেন। মিত্র-পরিবারও তাহাতে নিমন্ত্রিত হইয়াছিলেন। বলা বাহুল্য সেদিন হরেন্দ্র বাবুর শালক ও তাঁহার স্ত্রীর পিতামহীও তথায় উপস্থিত ছিলেন।

যখন বেলা প্রায় পাঁচটা, সেই সময় হরেন্দ্রকুমারের স্ত্রীর পিতামহী সহস্রা পীড়িত হইয়া পড়িলেন। মধ্যো মধ্যো তিনি ঐরূপ যাতনা ভোগ করিলেও সেদিন তাঁহার পীড়া এরূপ প্রবল হইল যে, তিনি অতিকষ্টে কথা কহিতে সমর্থ হইলেন। সহস্রা এইরূপ ব্যাপারে হরেন্দ্রকুমার বিশেষ ব্যাকুল হইলেন এবং একজন চিকিৎসককে আনয়ন করিলেন। কিন্তু তাহাতে কোনই ফল হইল না। চিকিৎসক নিরাশ হইয়া প্রস্থান করিলেন। যাইবার সময় বলিয়া গেলেন যে, রোগী আজই মারা পড়িবে।

ক্রমে রোগীর যাতনা বৃদ্ধি পাইতে লাগিল। তখন তিনি হরেন্দ্রকুমারকে নিকটে আহ্বান করিয়া অপর সকলকে তথা হইতে অন্ত্রস্থানে যাইতে বলিলেন। হরেন্দ্রকুমার তথায় উপস্থিত হইলে, তিনি বলিতে লাগিলেন, “হরেন্! আমার আর অধিক বিলম্ব নাই, ইহা আমি স্পষ্টই বুঝিতে পারিয়াছি। কিন্তু যতক্ষণ আমি তোমাকে একটী গেলপনীয় কথা না বলিব, ততক্ষণ আমি স্তব্ধ চিস্তে মরিতে পারিব না। সেই জন্যই তোমায় এখন আহ্বান করিয়াছি। বিনোদ তোমার আপনার স্থানক নহে। তোমার স্ত্রী ভিন্ন তোমার স্বপ্নের আর কোন দৃষ্টানাদি হয় নাই। সে যাহা হউক, একদিন আমাদের ধাত্তী একটী সদ্যোজাত পুত্রকে আমাদের নিকট রাখিয়া যায়। প্রত্যহ আমাদের বাটীতে আসিয়া সে তাহার যথাসাধা যত্ন করিত। আমাদের পুত্র সন্তান নাই বলিয়া, আমিই উহাকে প্রতিপালন করিতে স্বীকৃত হই। যখন সেই ধাত্তীর মূর্খকাল উপস্থিত হয়, তখন সে আমায় ডাকিয়া বলে যে, ঐ সন্তানটী প্রবেশচন্দ্র মিত্রের। প্রবেশ বাবুর মধ্যম ভাতা নীরোদ বাবু ও তাঁহার সহ-ধর্ম্মিণী মোহিনীর পরামর্শেই সে ঐরূপ ভয়ানক কার্য্য করিয়াছে। আরও সে কতকগুলি কাগজ আমার নিকটে দিয়া যায়। এই কথা বলিতে বলিতে রোগীর বর্ষ শুষ্ক হইয়া আসিল। হরেন্দ্র বাবু জল দিলেন, বৃদ্ধা তাহা পান করিবার পূর্বেই ইহলোক ত্যাগ করিলেন।

যথা সময়ে তাঁহার সংস্কার করিয়া হরেন্দ্রকুমার পরদিন সেই কাগজ সকল তাঁহার স্বপ্নরবাটী হইতে আনয়ন করাইলেন। তাহাতে স্পষ্টই বোধ হইল যে, বিনোদ প্রবেশ বাবুর শেষ

পুত্র। তৎক্ষণাৎ অতুল বাবুকে সেই সংবাদ প্রদান করা হইল। মলিনা পুত্র পাইলেন। বিনোদ কতকদিন মাতার নিকট কতকদিন বা হরেন্দের খণ্ডর বাটিতে বাস করিতে লাগিল। পুত্র পাইয়া মলিনার আনন্দের সীমা রহিল না।

এইরূপেই সংসারে ধর্মের জয় ও অধর্মের পরাজয় হই থাকে। ঈশ্বরের প্রেম-প্রসূত রাজ্যে এইরূপেই পাপ-পুণে বিচার হইয়া থাকে। আমাদের নীরদ বাবু কত কি দপ দেখিয়াছিলেন। অতুল ঈশ্বরের অধীশ্বর হইবেন, দেশের মধ্যে গণ্য-মান্য লোক হইবেন। সেই সমস্ত উচ্চ আশা কা পরিণত করিবার জন্য কত পাপ কার্য্যই সাধিত করিলেন, কিন্তু তাহার ফল কি হইল? নীরোদ বাবুর সে সুখস্বপ্ন কোথায় ভাসিয়া গেল? পাপ-পুণের ফলাফল ইহজগতে অবনত মস্তক বহন করিতেই হইবে।

সমাপ্ত।









